


محمد جلال



● [t.me/AdamLibrary](https://t.me/AdamLibrary)

100

حلم قبل الموت

الكتاب : 100 حلم قبل الموت

المؤلف : محمد جلال

تصميم الغلاف : كريم آدم

تدقيق لغوي : أحمد أسامة

2016/1877 رقم الإيداع

978-977-778-052-0 الترقيم الدولي

الطبعة الأولى : 2016

20 عمارات منتصر - الهرم - الجيزة

ت- 011-27772007 02-35860372

[Noon\\_publishing@yahoo.com](mailto:Noon_publishing@yahoo.com)

جميع حقوق الطبع والتوزيع محفوظة للناشر



آدم  
älm

● t.me/AdamLibrary

100

# حلم قبل الموت

رواية لـ

محمد جلال



## {ورقة تنفيذ أحلام}

بحلم

(إهداء)

إلى ملائكة الموت.. عله يجعل لقاونا لطيفاً..

**شخصيات هذه الرواية من خيال المؤلف وأي تشابه بينها وبين شخصيات حقيقة فهو من قبيل المصادفة.. إلى آخر هذا الكلام الفارغ..**

"أن تموت و معك ذكريات ..  
أفضل من أن تموت و معك أحلام .."

(شخص ما)

## (1)

يقف أمام المرأة.. يغلق أزرار بذلته الرمادية.. يضبط ربطه عنقه السوداء.. يتأمل تلك التجاعيد في وجه للحظة ثم يحرك يده عليها بلطف كأنه يمسحها ثم يتناول فرشاة شعره الخاصة..

ينتبه للحظات ينظر فيها إلى الغرفة يملئ عينيه بتفاصيلها.. تزدحم التفاصيل حتى تضغط على عينه فتحرك قناتها الدمعية و..، ولكن عقله يسيطر على حركة المرور هنا ليعيد عينه إلى المرأة ويحرك يده ليمشط شعره الأبيض إلى جانب.. ويمسك زجاجة عطر (سيجار) لم تستعمل منذ أكثر من مائة يوم.. بخات العطر تعيد جموع من الذكريات.. وكان كل قطرة تحمل ذكرى.. لكن عقله يقف لكل ذكرى بالمرصاد قاتلاً إياها قبل أن تصل..

يأخذ تلك الورقة.. ويخط كلمة عليها.. ثم يضعها بين المرأة وإطارها الخشبي..

ينظر إلى كتبه.. محظوظ هو من سيحصل على كل تلك الكتب من بعده.. كنز حقيقي يستحق أن يحفظ في مكان أفضل.. لكن لا وقت..

شهيق طويل وهو يفتح الشباك الخشبي.. زفير طويل وهو يرفع قدمه على طرف الشباك.. كل لحظة الآن تقذفه غارات من المشاعر والأفكار والومضات.. ولازال العقل يقوم بدوره الدفاعي على أكمل وجه..

ـ شهيق..

ـ زفير..

على قهوة قريبة يجلس رجالان أربعينيان في الخارج يدخنان أحجار المعسل القص، ويتوعد أحدهم الآخر بعشرة طاولة قاتلة تعويضاً عن عشرة سابقة:

ـ النهاردة ماتش الإعتزال بتاعك يا أبو ياسين..

ـ ابتلاع ريق..

يقطع توعدهم وأنفاسهم صوت الارتطام.. صوت الارتطام الذي ضغط زر توقف حركة السائرين في الشارع وانطلق الكل تجاه المصدر.. البعض يتسائل والبعض

يحوّل والبعض يتّشاهد..

وواحد فقط كان صامتاً بعد أن سقط فوق تلك السيارة الفولكس القديمة المتوقفة قبل أن تطّرّحه أرضاً.. واحد فقط كان صامتاً يزداد قطر دائرة الدماء أسفله وتنصاعد منه رائحة عطر (سيجار)..

وعند المرأة سقطت أيضاً تلك الورقة التي كتب عليها كلمة واحدة..

النهاية..

\* \* \*

## (2)

قائمة أغاني عقيمة لا تكف عن التكرار جعلت ذلك النادل يشعر ب مدى تكرار حياته وتكرار كلامه وتكرار كل شيء.. اعتصر وجهه بيديه وأمسك دفتر الفواتير المطبوع عليه (سلينترو كافية) وتوجه ناحية ذلك الشاب القادم متأخراً على رفيقه.. بإبتسامة بلاستيكية مكررة:

- تحب تطلب دلوقتي يا فندم؟

- آه واحد ببسي لوسمحت..

- في عندنا على فكرة شيري كولا بشكل جديد هيعجب حضرتك جداً..

- لا ببسي عادي خالص.. (مستدركاً) ومش عايز أي ديزرت.. تشربي أيه يا (فرح)؟

قال الأخيرة بعد أن حول وجهه تجاهها أخيراً بعدها كان يتحاشاه.. فلوت (فرح) شفتاها المطليتين بروج ماركة (أم خالد بيوتي سنتر).. وأخرجت نفسها من أنفها جعل شعرة تطل من مخبئها هناك.. ومنت قائلة:

- طلبت..

النادل يقف ممسكاً بقلمه منتظرًا وهو يفكر أنه في يوم ما سينفجر ويغرس هذا القلم في أعين الزبائن وخدودهم وفي كلية لهم وبين ضلوعهم ثم يغزه في رقبته و.. إشارة تسمح له بالإنصراف أعادته ليخطط في فاتورته شيئاً ما ويقول أنه تحت الأمر، وينصرف مبتسماً.. بينما تبدأ المبارأة..

- مالك بقى يا بنتي؟ قالبة كده ليه؟

- مفيش يا (شادي)..

حك (شادي) مؤخرة رأسه وهو يميل للأمام.. ثم أطلق صفيرًا متقطعاً كعادته عندما يحاول أن يتماسك معها ثم قال:

- يعني أنت كده طبيعية مفيش حاجة.. كلام نهائي..

تناول للحظات الزبائن الدالفة للكافيه.. ثم تعود بنظرها له..

- لا مفيش.. متشغلش بالك..

يتأملها يلاحظ الان كل عيوبها.. كل عيوبها تكبر أمامه.. تلك الشعراة المطلة من أنفها تستطيل ملتفة حول رقبتها خانقة.. مسامات وجهها تقاد ببلعه.. طلاء أطافرها المقشر بعضه يدفعه للقئ.. شعرها المطل من أسفل الطرحة يجعل المكان ضيقاً.. وتلك السنة المكسورة يشعر أنه يسحق أسفلها.. وصدرها.. لا يعيشه إلا أنه كالثقب الأسود لا يترك شعاع نظر إلا وبلعه..

- وأهو أدبك مش مركز مع كلامي حتى..

- أيه!! لا مركز معاكي والله..

هل يكرهها؟ لماذا يبقى معها أصلًا؟ هو لا يعلم..

يدخل النادل ليضع الطلبات بإبتسامة بلاستيكية حجم عائلي هذه المرة وينصرف، ومؤشر إقتراب إنفجاره يزداد بمقاييس واحد.. وضع المشروبات أعطى فرصة لـ(شادي) لجولة أخرى.. حاول أن يفكر فيما يقوله وهو يفتح الكان ثم قرر أن يتركها حتى تخرج هي ما بداخلها.. وهي لم تجد ما تفعله فبدأت بتقليل الـ(بينا كولادا) بالماصة.. تقلب.. وهو يصنع من ورق الماصة حلزوناً.. (تن تن) بداية جولة جديدة..

- مردتش ليه على رسائلني ع الواتس؟؟

- علشان كان عندي إمتحانات.. وأكيد مكتنش مركز في أي حاجة يعني..

تمسك الماصة وتأخذ رشفة لتداري نظرتها.. وتقرب من خسارة الجولة..

- عملت أيه في الإمتحانات؟؟

- تمام..

- تمام آه.. واضح أنك ناوي تقدع السنادي كمان.. وإن شاء الله كده على ما تتخرج أكون أنا أشتغلت وأتجوزت وخلفت وتبقى تيجي تنورنا في البيت إن شاء الله نعزمك على الغداء بمناسبة التخرج..

قالتها بتون صوت يرتفع تريجيًّا بلغ منتها مع نهاية الجملة حاذِيًّا أعين ذلك العجوز

من أعلى النظارة، ومبعداً إنتباهه عن الكتاب في يده.. كانت هجمة مرتدة على (شادي) تنهي بخسارة جولة أخرى.. خسارة اعتادها..

- (فرح) أنتي لازم تبقى فاهمة أني بعمل اللي عليا..

- (شادي) أنت مبتعملش أي حاجة على فكرة.. تقدر تقولي أمتى قررت توصل حاجة ووصلتلها؟ تقدر تقولي أنت بتعمل أيه في حياتك؟ سيبك من الحاجات المهمة.. الحاجات التافهة اللي بيعملها أي أتنين بيحبو بعض مبتعملهاش..

- قوليلي عايزياني أعمل أيه طيب يا (فرح) علشان مش هعرفه لوحدي..

كان يريد أن يضيف (أنا مش ساحر يا بنت الـ...). ولكنه صمت وأخذ يعث بيده اليمنى في حظامته.. حين أكملت هي:

- أممم.. تعالى نروح السينما يوم الخميس.. في فيلم حلو عايزة أشوفه..

- حاض... طب بصي معلش نخليها الجمعة.. علشان الخميس مطبته أروح أزور جدي.. بقالي بتاع شهرين فاكسله..

- وأنا الجمعة عندي خطوبة واحدة صاحبتي..

أكملت وهي تضع الحقيبة في ذراعها وتقوم من مكانها:

- بص يا (شادي) خلص كل مشاويرك ومواعيدهك وبعدها لو لقيت وقت فاضي كده أبقى كلمني.. شوف أنت عايزة تعمل أيه وعرفني.. ياريت بس يكون قبل ما أمي جيبيالي عرييس تاني.. لأنني اللي أنا عارفاه إنني مش هعرف أهرب منهم أكثر من كده..

تنصرف.. (تن تن)..

وتنتهي المباراة 3:0 لصالح (فرح).. أما (شادي) فلم يجد حتى طاقة ليهدئها.. وقام بهدوء ليدفع الحساب.. وينصرف هادئاً كلاعب اعتاد الخسارة.. تراقبه نظرات العجوز الهاوئة..

\* \* \*

(3)

دار الحضن الكبير لرعاية كبار السن ..

أنزل موظف الأمن ظهره للأسفل قليلاً في ترافق لتأن قدم الكرسي شاكية بينما يده اليمني تلعب بحلوى الـ(كاندي كراش) ويده الأخرى تلعب في حواري أنفه..  
رفع رأسه متنبيهاً وتحسس كاهله بشكل تلقائي:

- ألوه يا أستاذ..

- کنت جای زیارة..

- البطاقة؟

يتناول البطاقة بيه التي كانت تائه قبل قليل في أنفه يقلبها بخبرة محقق عتيق لا يعلم بما يبحث.. ينظر للصورة ثم يوجه النظرات المتفحصة لمقابله ثم:

- واسم الکریم اُہے؟

- مش موجود في البطاقة!

- آه.. شادي محمد محبى الدين.. شادي محمد بناع الكواده.. هميهه..

يغمض (شادي) عينه ليحافظ عليها من الإنفجار على الزجاج الذي يفصل بينه وبين هذا الكائن..

- طب أمضى هنا يا كابتن.. في خانة الحضور.. آه هنا.. وأيه الشنطة دي؟ كتب؟!  
أنت جاي قصر ثقافة مصر الجديدة.. هيييهي.. البطاقة بقى معايا وأنت طالع يا  
كابتن..

لم يستمع (شادي) لباقي الكلام وهو يدخل للداخل.. بينما يعود الموظف للأعابه.. في الداخل كان هناك حديقة تحيط بالمبني وكان هناك مجموعة من رواد الدار يصنعون دائرة بكراسيهم حول السيدة صاحبة التوربان (مدام فتيبة) مسئولة التواصل والتي رغم أن السن رسم خطوطه أسفل عينيها وحول شفتيها إلا أنها بدت شابة تماماً وسط كبار السن هؤلاء..

كانت تصريح وهي تفتح يدها:

- إحنا مش محتاجين في الدنيا دي غير حضن كبير.. الحضن الكبير بيغني عن كثير.. الحضن الكبير أيه؟

- بيغني عن كثير..

قالوها في نفس واحد وكأنها مدرسة إبتدائي.. فأكملت (مدام فتيبة):

- يلا كلنا نحضن بعض.. كله يفتح حضن كبير للي جنبه..

ابتلع (شادي) ريقه.. وترك حفلة الأحصان اليابسة خلفه، وأكمل طريقه لداخل المبني..

\* \* \*

الرائحة..

هل هي رائحة الموت الذي يحيط بالمكان منتظراً جدول أعماله هنا.. أم هي رائحة حقيقة الحياة.. الحقيقة التي تكتشفها قرب النهاية.. حقيقة أنه ليس هنا أي محاولة أخرى.. لا توجد فرصة أخرى لتجربة الحياة بخيارات مختلفة.. لقد خسرت وأنت هنا ملقي في دار مسنين هذه هي حقيقتك.. أم أنها رائحة تبلد المشاعر المشاعر أيضاً تشيخ فالغضب أصيب بالألزهايمر، والفرحة لازمها الشلل الرعاش.. واللامبالاة أعيتها اللامبالاة..

وربما هي رائحة (الديتول) الذي تمسح به تلك العاملة المكان لا أكثر..

رحم السلالم، وخشب الدرابزين يحملون هيئة رواد المكان.. المكان ككل أشبه بصدر معتل يجاهد لأخذ أنفاس أخرى في الحياة..

بعد طرقات يدخل لمكتب مديرية الدار.. (أ/هالة) والتي كرست حياتها من فترة طويلة لخدمة المجتمع خصوصاً وأنها لم تتزوج قط إلا لو اعتبرنا أن 5 خطوبات يمكن إستبدالهم بعقد زواج.. محظى السنين الكثير من عصبيتها.. وأستطاعت من فترة طويلة بعد جلسات علاج نفسي سرية أن تسيطر على هوسها بتنف شعر رأسها (Trichotillomania) والتنازل عن الباروكة التي تكرهها أكثر من الغباء.. ربما مع ضغط العمل تمسك خصلة تلفها حول أصبعها.. ثم تتماسك وتتركها لحال سبيلها..

- مساء الخبر..

- مساء النور.. أتفضل أقعد يا .. أيا

شادی..

آه شادی.. أتفضا... -

- أنا حبّت أعدّي على حضرتك أطمن على جدو قبل ما أدخله.. مش عايز أكون  
يعطلك أو حاجة يعني..

تمسك ماوس الكمبيوتر الموضوع أماماه بضغط عليه لتلغي شاشة الانتظار، وهي تريح ظهرها على كرسيها..

- هو طبعاً أنا آسف.. بس الفترة الأخيرة فعلًا كان عندي إمتحانات..

- أنا مش بقولك كده علشان تبرر يا (شادي) لكن جدك Special case شوية.. أنا أي نزيل هنا بتعامل معاه كأنه حزء من عيلتي.. عارفه اسمه وعارفه هو بيحب يتنادى بأيه.. زي سيادة اللوا مثلاً.. عارفه بيحب يأكل أيه.. بيحب مين بيكره أيه.. مستنى مين.. محتاج أيه.. وهو محتاجكم حوليه مهمما بين عكس ده ومهمما بين تمسكه بالمكان.. إنما هو مش محتاج خالص إنه بيص من الشباك فيشوف والدك وهو داخل الدار وخارج من غير ما يعدي عليه، وعلشان بس يدفع الرينٍ.. دي آخر حاجة ممكن يحتاجها..

\* \* \*

تحاول شاشة التلفاز أن تسرق بعض الإهتمام، ولكن الشطرنج كان قد سبقها سرق الكمية الضئيلة الموجودة هنا..

يجلس جوار الشباك المؤمن بتحديد مزخرف وأمامه رقعة شطرنج مرصوصة.. يحرك قطعة سوداء.. ثم يفكك.. ثم يحرك قطعة بيضاء.. يسرح.. ويحرك سوداء.. وهكذا..

يدخل عليه (شادي).. الغرفة خانقة كالمكان كله.. خنقة تحطم التكييف المركزي على أسوارها.. لم يمر أكثر من شهراً على زيارته الأخيرة.. شهراً يبدو أن النسبيّة تلاعبت بهم ليمراً كسنوات على الجد.. سنوات لونت مساحات جديدة من يده ببقع العمر.. سنوات أجبرت شعيراته على التراجع أكثر.. سنوات نحتت تجاعيد عينه.. سنوات أزاحت رعشة يده التي وضحت وهو يمسك بحصان الشطرنج..

خطوات..

خطوات اتخذها (شادي) ناحية جده بعد أن أغلق الباب.. خطوات أعاد فيها تأمله.. خطوات أوضحت أنه يتخذ خطواته بثقة نحو النهاية.. خطوات أنهاها بريبة على كتفه وهو يقبل رأسه قبل أن يجلس على الكرسي المقابل..

- أريك يا جدو؟ وحشني والله.. عارف والله إن أنا مقصر معاك.. بس علشان الإمتحانات بقى معلش.. شديت حيلي متقلقش.. ما أنت عارف إني نفسي أخلص من الكلية بس شكلها هي اللي هتخلص عليا.

كان الجد كعادته لا رد ولم يكن (شادي) يتنتظر أي رد.. إلا ردود فعل بطيئة مجدهدة كإردياد إتساع العين قليلاً ربما إثناء في الرقبة.. ولكنه لم يتوقف عن لعب الشطرنج..

- طب تحب ألعاب معاك زي زمان.. شكلك خايف مني ومش عايز تلاعبني.. آه صحيح شوفت جبتك أيه.. مجبتكش الجورنال المرة دي وجبتلك الكتاب ده.. ده من الكتب اللي كانت في أوضنتك على فكرة..

قال (شادي) وهو يخرج كتاب (أعجب الرحلات في التاريخ) لـ(أنيس منصور) وأكمل:

- أنا لقيته متوقع كمان.. (العزيز جداً مهاب أنتظر موافقتك على ما تحدثنا عنه قبل رأيك في الكتاب.. أنيس منصور).. هو مين (مهاب) ده يا جدو؟ ولا أنت أشتريت الكتاب كده؟

لا رد.. فقط يد متعددة تحرك قطع الشطرنج.. (شادي) يحاول أن يملئ الوقت بالأي كلام..

أما داخل الكتاب.. فكانت تلك الورقة المثنية تسقط بيضاء من بين كعب الكتاب وغلافه السميكة.. تتزحزح من مكانها وتتسقط.. تتبعها عين (شادي)، ويد الجد

والتي تحمل عسكري أبيض تثبت للحظة.. ويد (شادي) تمتد لتمسك الورقة..  
يفكك إثنائتها بهدوء.. يفكك.. يفكك.. يقرأ..

- ورقة تنفيذ أحلام.. بحلم أن يكون حولي كل من أحبهم ويحبونني..  
يسقط العسكري.. ويلتفت الجد بسرعة، وبدا كأن الجملة أرجعته سنوات عديدة  
للخلف وتقللت من شفاته أول كلمة يقولها من فترة طويلة للغاية:

- أنت؟؟

\* \* \*

## (4)

1976 تقريرًا..

كوب شاي من تلك النسبة على الكورنيش أعاد بث الحياة إلى خلايا مخي.. أقطع الشارع إلى الجانب الآخر.. أمشي قليلاً إلا أن أحد نفسي أمام تلك البناء التي عشت بعض السقالات الخشبية على واجهتها.. وهناك على مدخلها كتب (دار المعارف)..

في الدور الثامن كنت أجلس أمام مكتبه.. وبين حين وآخر أنظر تجاه الشباك الذي تلطخ بالطلاء.. أخرجت عليه سجائري الكليوباترا ومدت يدي بها تجاه (أنيس منصور)..

- لا مليش فيها خالص.. لا حبتها ولا هي حبتني..

وضعت السيجارة بفمي وأشعلتها وفتحت الشباك أكثر وأسندت ذراعي عليه، وهو يكمل:

- أول سيجارة شربتها كانت في مؤتمر القارات الثلاثة في كوبا.. ومين اللي صمم بقى إني أشرب؟ فيدل كاسترو نفسه.. مش مقتنع إن في حد مبيشريش.. وصمم إني أشرب وياريتها كانت سيجارة إنما سيجار كوفي قد كده.. معرفتني أقول لأنطينا.. وخدت نفس من هنا وهاتك يا كحة وكان شكلني مسخرة.. بعد ما خلصت بقى راح مطبب على كتفي وقالي بس كده أنت حطيت رجليك على طريق البداية ومش هتعرف الكحة تاني وهتعرف بقى مزاج الدخان.. بس واضح إن كاسترو هو اللي ميعرفنيش..

قالها (أنيس) وهو يضحك.. كان واضحًا أنه حكى هذه القصة 589 مرة من قبل ويعلم كيف يلقاها تماماً.. ويبدو أيضًا أنه كان يلمح لأن أطفئ السيجارة، ولكن تلميحه أحترق بطرف سيجارتي مع نفسي التالي..

أكمل أنيس:

- طيب نخلينا في المهم.. إحنا بنعمل مجلة جديدة وبنتكليف من الرئيس السادات شخصياً..

قالها وهو يطرق بأسبعه على زجاج المكتب مشيرًا إلى موضع ما عليه.. أقتربت لأطالع تلك الورقة أسفل الزجاج مدعى إبداء الإهتمام ولمحت بعيني آخر سطر كتب فيها "عايز مجلة ملهاش مثيل" وذيلت بإمضاء السادات..

ثم عدت ناحية الشباك.. وأكم ل (أنيس):

- إحنا هيكون المقر بتاعنا هنا.. الرجالـة هنا كمان بيفرضونـا دور تاني.. فال موضوع هيكون أحسن.. قولـت أـيه؟

- فأـيه؟

قلـتها وأـنا أـشعل سيـحارة بـطرف الأـخـرى..

- كل عدد ننشر فصل من الرواية بتاعتك.. أنا سمعـت من ثـقـات إن فـصـلـها الأول كان عظـيم.. هيـكون لـطـيف إنـها روـاـيـة عن حـرـب أـكتـوـبـر كـتبـها حد من أـبطـال أـكتـوـبـر، وـبـتـنـشـر في مجلـة أـكتـوـبـر.. آه صـحـيح رـأـيك تـبـقـى أـكتـوـبـر ولا 6 أـكتـوـبـر ولا 10 رمضان عـلـشـان الإـخـوان مـيـزـعلـوش..

قالـها وـضـحـك.. سـعـل فيـنـهاـيـة ضـحـكـه ليـتـماـسـك.. فـرـدـت وأـنا أـعـدـ وـقـفـتي:

- مش هـتـفـرق.. أي حاجة بتـنـجـح بتـدـي لـاسـمـها لـمعـان النـجـاح دـه، وبـتـخـلـينا بعد كـده نـشـوف إنه كان أـنـسـب اـسـم.. فـمـش هـتـفـرق..

- مـمـكـن..

قالـها بشـفـة سـفـلى نـصـف مـقـلـوبـة، وـوقف يـطـالـع رـف وـضعـهـ عـلـيـهـ بعضـ الكـتبـ.. أـخـرج منـ بـيـنـهـمـ كـتـابـ ضـخـم.. وجـلسـ.. أـخـرج نـصـارـتـهـ المـعـلـقـةـ فـي جـيبـ قـميـصـهـ أـرـتـداـهـاـ وـخـطـ عـدـةـ كـلـمـاتـ عـلـىـ أـولـ صـفـحةـ فـيـ الكـتـابـ، وـنـاـوـلـهـ لـيـ..

- وـدـهـ عـرـبـونـ لـقاـؤـنـاـ أـلـوـ..

ثم خـلـعـ نـظـارـتـهـ وـوـضـعـهـ فـيـ جـيـبـهـ وـأـسـتـطـرـدـ..

- مش عـاـيزـهـ يـكـونـ الأـخـيرـ..

\* \* \*

- جـدو.. أنا أـكـيدـ مـبـسـوطـ إنـ أـنتـ رـجـعـتـ تـتـكـلمـ مـعـاـيـا.. بـسـ تـفـاصـيلـ كـتـيرـ وـمـفـهـمـتـشـ

برضه أنت عايز توصل لأيه!

- ما أنا لسه مكمليش يا وسخ..

- وسخ!!

- آه.. لايق عليك الاسم ده.. وياتسكت يا أسك特 أنا؟

- خلاص يا جدو.. أنا آسف.. كمل..

\* \* \*

بإختصار..

خرجت من (دار المعارف) وأنا أعلم أني لن أعود.. لم أكن أود نشر تلك الرواية.. في الحقيقة لم تكن هناك رواية.. ربما هو فصل واحد فقط كتب في أوراق ضائعة.. ولا أعلم لماذا لازالت ناره مشتعلة بعد مرور حوالي ثلاث سنوات..

أتذكر تلك المرة عندما إستدعي الرائد (وصفي).. ولكنه لم يكن إستدعاء إنما كان يحصل على وعد مني بأن يكون بطل هذه الرواية عندما تحول لفيلم.. ولا يهم.. لقد حدث عن مسار القصة مرة أخرى..

أمشي في الشارع مفكراً.. ما الذي أريد فعله في الحياة؟ أعلم أني لا أريد أن أكون كاتباً؟ لأكون صريحاً أنا لست كاتباً أصلاً؟ ربما كتبت فصلاً من رواية.. لم أعلم كيف كتبته ولا أعلم لما أعجب كل من قرأه..

ولكن كيف فعل أني تقضي ما تبقى لي في صراع مع هذه الحياة.. ربما أعلم ما الذي لا أريد فعله.. ما لا أريد فعله هو أن أظل مستمراً في هذا الصراع حتى النهاية.. أريد أن أخذ فترة هدنة وراحة قبل النهاية.. ربما يمكن التعامل مع هذا كهدف.. هناك هدفاً الآن ولكن تبقى أن أختار سهم الوسيلة القادر على إصابة الهدف..

ورأيتها تقف هناك..

لا لا موسيقى رومانسية ليست الأمور كما تظن.. كانت عجوز متسلحة بالسواد.. وتظلل رأسها بشال أسود مثني أعلى رأسها وأنسدل على كتفيها وظهرها.. وكانت هناك شمسية سوداء أيضاً علقتها على ذراعها الذي حملت يده عدة أكياس كاليد الأخرى.. وتقف بجوار الرصيف يبدو أنها تنتوي المرور.. ويبعد أنها لن

تفعل ذلك..

أريد أن أضيف لقائمة ما الذي لا أريد فعله.. أبني لا أريد أن أكتفي بتكميلة طريقي وكأنني لم أراها.. ساعدتها حتى عبرت الجانب الثاني.. ثم أضفت للقائمة أبني لا أريد تركها هنا وكفى.. حملت الأكياس ونحن نعبر بناية تلو الأخرى.. وجعلتها تتسلد على جسدي ونحن نصعد السلم.. أردت النزول ولكنها تمسكت بيدي.. لا يأس بكون أي شيء سريع..

دخلت وأغلقت الباب ولاحظت هنا أنها أغلقت بالمفتاح والترفاس.. وأعلم أنها لاحظت أني لاحظت.. وقبل أن أتخذ أي رد فعل.. رفعت الشمسية أمام وجهها وفتحتها لتصير ستاراً بياني وبينها.. ستاراً أخذت تجعله يدور ويدور.. ستاراً رأيت من أسفله تساقط شالها وردائها و..

ولا أعلم ما الذي يدور في مخيلتك الآن.. لكنه خاطئ بالتأكيد.. فالامور أخذت منحني لم أصدقه رغم أني كنت جزء منه، والغريب أنك أيضاً صرت جزءاً منه..

وأعلم أنك تريدينني أن أكمل الآن، ولكنني سأصمت قليلاً..

\* \* \*

## (5)

طرق على الباب.. ثم تدخل الممرضة ضمن فريق الرعاية الطبي بالدار.. ممرضة عبارة عن إيموشن صاحك سمين..

- سيادة اللوا عامل أيه النهارده؟

وتحس بيدها على جبهته..

- لا الحرارة تمام.. وعندك ضيوف كمان أهو محدش قدك يا عم.. خلصنا الأكل ولا لأ؟ ده أنت شطوط خالص.. طب وشووية الرز دول عازم الشيطان عليهم ولا أيه؟ أفتح بوقك يلا.. يلاا.. برافو.. يلا بقى الدوا.. يلا بقى أنا لسه قايلة شطوط.. يلا المایه أهي.. أيه الحلاوة دي يا سيادة اللوا.. يلا هسيبيك مع ضيوفك يا عم..

تنقلب وجهتها متوجهة للباب، متزامناً مع إنقلاب وجهها بعد الفقرة الفنية التي تقدمها لمجموعة من رواد المكان 3 مرات في اليوم.. تغلق الباب وتطرق باب غرفة أخرى ثم تفتحه متزامناً مع إنفتاح فمها بإتسامة..

ما أن تخرج من هنا حتى يخرج الجد منديل من حبيه يبصق فيه كبسول الدواء الذي علقه في جانب فمه.. وينظر لشادي:

- الدوا ده ولاد الهرمة عاملينه علشان تبدأ تنسى كل حاجة.. فتحس إنك ملكش حد ولا حاجة غير هنا.. وتفضل أنت تحتاج الرعاية وهما يفضلوا يحلبوا اللي بيدفع.. أنا كده كده مش عايزة أخرج من هنا بس برضه مش عايزة أنسى..

- طب متنسينيش بقى وقولي أيه اللي حصل بعد ما فتحت الشمسية.. وقعدت تلفها تلفها..

\* \* \*

كانت الشمسية تدور تدور.. الموقف خاطئ وأنا أريد أن أهرب من هنا الآن.. ولكن الباب موصد، وأنا أيضاً أريد أن أعلم ما يدور هنا غير تلك الشمسية.. وأخفضتها أخيراً.. ولم تعد هي موجودة وصار مكانها كتلة من الضياء الأبيض

جعلتني أغمض عيني للحظة.. قبل أن أفتحها تدريجياً لتسنّوّع ما هناك.. كان جسد بشري ناصع البياض.. بياض غير عادي يعطي وهجاً يمنعك عن كمال الإدراك.. وكان هناك جناحين يطّلآن من خلف ذراعيه!

ما الذي سيحدث الآن هل سأفيق من الحلم.. أم سأسقط مغشياً على؟

لا هذا ولا ذاك وتكلم هو قبل كل شيء.. تكلم دون أن يتكلم وكأن كلامه يخترق تلافيف عقلي مباشره دون أن يمر على الأذن.. وتبدلت الرهبة إلى طمأنينة..

كان كلامه يدور حول أنه كان قد سئم الخير من بنو آدم.. ولذا قرر أن يجري هذا الإختبار.. وأن أول من سيساعد تلك العجوز هو من يستحق الهدية.. إنها ورقة تنفيذ أحلام.. كل واحد من عشيرته يعطى واحدة تصلح لتنفيذ حلم واحد لمائة شخص.. ولكنه لم يجد من يستحق أن يمنّه حلم واحد ولذا قرر أن يمنّها كاملة لأول من ينجح في الإختبار.. وأنا نجحت وفقاً لكلامه..

كان يملك قوة تجعله كلامه عقلانياً واضحاً لا يرفض..

طلب مني أن أملأ تلك الورقة.. التي كتب في منتصفها "ورقة تنفيذ أحلام" .. ثم الكلمة "بحلم" بخط أكبر.. طلب مني أن أكتب في كل سطر من المائة حلم واحد.. وبعدما أنتهيت.. أخبرني أنني سأنسى كل هذا بمجرد إنتهاءي من الكتابة.. وأكمل بنبوءة أن الورقة ستعود يحملها من سيحقق لي كل تلك الأحلام قبيل أن أموت..

وها قد عادت الورقة.. وها أنا أتذكر.. وها أنا أقترب من الموت..

\* \* \*

- معلش يا جدو أنت عايزة أصدق إن الفيلم ده حقيقة؟

- لأ.. مش مهم..

\* \* \*

كان الجد يقف أمام الشبّاك يمسك بيديه الحديد الموضوع على الشبّاك وكأنه سجين يتوق إلى الحرية.. ثم تكلم دون أن يغير إتجاه نظره موجهاً كلامه إلى (شادي) الذي كان يكتب رسالة على موبائله..

- لو بتعرف أبوك إني أتكلمت معاك هزعل منك..

- أنت مش عايزة يعرف؟!

- ولا عايزة حد أوي حد يعرف.. السكوت راحة.. وأنا عايزة أرتاح..

ثم عاد ينظر من الشباك.. لحظات ثم أكمل:

- أنت عارف يا ض يا شادي.. جدك عمره ما خاف من الموت.. الموت مش مؤذى.. الموت بيأذى بس اللي بيعبوا الميت.. إنما الموت ده أحلى حاجة.. في أحلى من أنك تخرج برة اللعبة الوسخة اللي اسمها الحياة دي.. وتسبيب بقى وجع الدماغ بناء الناس اللي المفترض تهتم بيها، والناس اللي أنت عايزةهم يهتموا بيها.. وتسبيب سباق الحري اللي كلنا مسحولين فيه ده.. عارف كنت بحلم إني لو أقدر أوقف اللعبة على الكل في نفس الوقت.. كله يموت في نفس الوقت على الأقل لا حد يزعلي عليا ولا أزعلي على حد.. هيبيقى أحلى حيم أوفر..

ترك الشباك وعاد بخطوات تشوبها العرج مقترباً من (شادي) وهو يقول:

- وريني الورقة دي أما أشوف اللي فيها..

وهنا انفعل (شادي) فجأة، وسحب الورقة من يد جده، وهو يقول:

- ممكن يا جدو ملکش دعوة بالورقة دي ثاني.. مش أنا المفترض اللي هحققلك اللي فيها يبقى أنا المسئول عنها لو سمحت..

ابتسم الجد بجانب فمه إبتسامة بها قدر من الإستهزاء وهو يقول:

- بص لو عايزة تحقلي حاجة فعلًا يا وسخ.. تعالى نطلع على أسكندرية في حد هناك لازم أشوفه..

- أنا قاعد بفكر نطلع من هنا إزاي الأول.. هو في فكرة جات في دماغي كده.. إنك تلبس لبس مع الكاب، وتخرج من هنا كأنك أنا.. وأنا بعد ما تخرج أخرج وراك عادي و..

كان الجد ينوي مقاطعته لكن (شادي) أستدرك:

- آه فعلًا بس الكائن السقيل اللي ع البوابة هيتفشك.. خلاص أنا دلوقتي هفكك الحديد اللي ع الشباك ده وهستخبي في الحمام، وهجييك قبل الفجر و..

ثم أستدرك:

- آه فعلًا نفس الكائن السقيل هيكتشف إن أنا مخرجتتش علشان ممضتش في خانة الإنصراف.. خلاص أنا أجيلك تاني بكرة وهمضي حضور وإنصراف مع بعض وهو مش هيأخذ باله وأحيب حبل كمان علشان تنزل بيـه وـ.

- بس اسمع.. وقال أنا اللي بتاع أفلام يا وسخ!! الخروج من هنا أسهل من كده خالص..

\* \* \*

## (6)

- يعني يا أستاذة هالة حضرتك بتقولي إنك مهتمة بكل نزيل وأنا جدي بيقى  
حالته كده؟

قالها (شادي) بانفعال في وجهها دون حتى أن يطرق الباب.. ردت وهي تتصرّف:  
الهدوء:

- ممكن تهدى شوية الأول وتفهمني وبعدين تنفع زي ما أنت عايز..

- اللي أنا عايز أفهمه في دكتور في المخربة دي ولا أنتو بتاخدوا فلوس على  
أيه؟

ضغطت بلسانها على ضرسها وهي تلف خصلة من شعرها على إصبعها..

- أستاذ شادي أنا فعلًا مش هعرف solve مشكلة وأنا مش فاهماها..

- المشكلة إن أنا جدي واضح إن رجليه مكسورة واضح إن دي مش مشكلة  
خاص بالنسبة لحضرتك..

تضيق (هالة) المسافة بين عينها، وتترك خصلة الشعر التي كانت قد أقتربت  
كثيرًا من نزعها..

\* \* \*

12.75

أرقام العداد الحمراء لازالت تتکاثر وهو يمر بمحاذاة الكورنيش ووفقاً للطريق الذي  
طلب الجد.. بعد أن حصل (شادي) على تصريح للخروج بالجد لعمل أشعة على  
قدمه.. تصريح لمدة 24 ساعة..

كان الجد كعادته يطل من الشباك.. وسائق التاكسي يطل من المرأة كل فترة  
كعادته أيضًا.. قال (شادي) وهو يربت على قدمه فاتحًا باب الكلام:

- بس أيهرأيك في الخطة؟

- رأيي أيه! ما أنا اللي قايلها..

- تؤ.. أيه رأيك في الأداء يعني؟

- مفتعل زيادة عن اللزوم..

قال (شادي) وهو بيتسم ويهز رأسه موافقاً:

- ماشي.. بس أنا ليَا كام سؤال عندك..

- ملکش حاجة عندي على فكرة.. بس أنا هديك مني 3 أسئلة وخليك محدد علشان مترجعش تقول التفاصيل..

- طيب أول حاجة هو أيه الكيس اللي كنت حاطه تحت السرير وخدته معاك وأنت نازل؟

- تصدق ياض يا شادي أنت عيل أهيل.. لو كان أستتنى السائل ع المسئول كان عرف لوحده..

ثم وجه كلامه للسائق:

- على أي جنب كده يسطوا ثوانى..

ثم نزل الجد من السيارة وفي يده كيس أسود ناوله لشحاذ يجلس في جانب. وما أن رأى الشحاذ الجد حتى إنفرجت شفتيه قليلاً ودار بينهم حديثاً قصيراً لم يستطع (شادي) من مكانه في التاكسي أن يفهم مغزاها.. وأخرج (شادي) موبایله ليتصل بشخص آخر غير والده.. حتى عاد الجد للتاكسى فأنهى (شادي) المكالمة وألحق جده:

- أنا كلمت حمادة صاحبى.. عندهم معرض عربيات هنأجر من عنده عربية نروح بيهما أسكندرية زي ما أنت عايز..

- والعربية بتاعتي فين؟

- يا جدو العربية بتاعتك دي أتسرقـت بعد ما أنت دخلت الدار بفترـة.. وبعدين العربية الفولكس دي معرفـش تخرج بـرة حدود القاهرة..

- والله أنت اللي ما عارف حاجة.. هو في زي العربية دي!

- طب سيبك من العربية يا جدو.. هو أنت تعرفه؟

وأشار (شادي) برأسه قاصداً الشحاذ.. فأجاب الجد:

- آه معرفة منفعة.. هو عايز يأكل وأنا معرفش أبدأ آكل أكل العيانيين بتاع دار المسنين ده.. وعلشان كده بجيبله الأكل..

- بتجيبله إزاي؟!

- سؤال غبي بس هجاوبك.. بجيبله كل يوم زي ما أنت شوفت من شوية كده.. بخرج وأديبهوله..

- ثواني هو أنت بتخرج من الدار عادي؟!

- ثواني أنت.. الأسئلة الثلاثة بتوعك خلصوا.. شغلنا والنبي حاجة يسطا..

جمع السائق بلغماً من حلقه ثم بصقه خارج السيارة وأردف:

- الكاسيت بايظ والله يا عم الحاج.. الهيد بتاعه عايز يتمسح لا مؤاخذة.. أغنيةلك أحسن..

وانطلق يعني (وعمار يا إسكندرية) بصوت لوثه البلغم وكلakisات على لحن الأغنية..

\* \* \*

إسكندرية الصحاوي.. الكيلو 28..

قطع الهيوندai فيرنا المؤجرة ذات اللون الفضي الطريق الهدائى مقارنة بالإزدحام داخلها والذى يدور فى خلايا مخ (شادي).. لماذا يشعر بذلك المسئولية تجاه جده وأحلامه؟ هل القصة التى حكاها الجد والتى جعلته لأول مرة جزء من الحدث هي السبب؟ هل يسعى لأن يفعل شيء فى حياته هو أم حياة جده؟ هل جده أصلًا لازال متمسكًا بذلك الأحلام؟

من الذى يريد مقابلته فى إسكندرية؟ ما الذى سيحدث عندما تكتشف الدار إختفاء الجد؟ وما الذى سيفعله والده؟ لطالما أبدى والد (شادي) عدم رضاه التام عن زياراته لجده..

بوابة الخروج من القاهرة تقترب..

ما مقدار الحقيقة فيما يحكى جده؟ ومن هو مهاب؟ بل الأصح من هو جدي؟

بدأت الشمس في تمزق رداء السماء الأبيض لتكشف عن ساقها السوداء  
المخضبة بدماء الشفق الأحمر.. ويقطع شخير الجد تفكير (شادي)..

سيحقق أحلام جده أيّاً كان.. لقد قبل التحدى.. لقد قبل بأن يفعل شيئاً حقيقياً  
في حياته مهما تكفل الأمر..

"يعبر البوابات، ويتجاوز طريق العودة.. وصاحت أحدى خلايا مخه "لقد بدأت الرحلة"  
وتردد صوتها في جميع أنحاء رأسه..

\* \* \*

## (7)

- ما تشوفلنا حته كده نفضي مايه فيها..
- طب أستنى أعدى الترila اللي ورايا دي وأركن على جنب..
- عايزني أعملها في الصحراء يا وسخ؟ شوفلنا حته نصيفة كده علشان نشرب حاجة بالمرة..

زام (شادي) مفكراً:

- بس هو في مشكلة يا جدو.. أنا الفلوس اللي باقيه معايا بعد إيجار العربية يا دوب تكفي بنزين وإحنا راجعين ولو كلنا حاجة خفيفة..
- أهي الفلوس دي أو سخ منك يله..
- الله يكرمك..
- أنا بكلمك بأمانة يعني.. شوية ورق ملوش معنى أطبع عليه حبة رسومات وكلام ملهمش معنى.. بقوا هما الحاجة الوحيدة اللي ليها معنى عند البشر.. شوفت الوساخة.. المهم يعني متقلقش خالص من ناحية الفلوس.. جدك شايل وساخة كتير..

\* \* \*

محطة توتال..

أفرغ الجد مثانته وترك لشادي المجال ليقوم بنفس الأمر.. كان شادي يغسل يده عندما سمع صوت صياح وتعارك..

- وأنا قولتلك يا فندم مينفعش متخلنيش أعملها معاك.. أنا ماسك أيدي إنها تعمل أكشن في وشك..

صاح بها كاشير ماركت المحطة بعصبية، وهو يلكم باطن يده بيده الأخرى.. وقال الجد بهدوء وهو يحمل بعض المنتجات لا ينوي تركها..

- ولا تعرف تعمل حاجة.. أنا شايف قدامي بوء كبير بيتحرك..

- في أيه؟ في مشكلة يا جدو؟

قالها (شادي) وهو يخطو خطوات واسعة سريعة تجاه جده..

- مشكلة أيه يا شادي اللي هي عملها بوء غير إنه يكون بيتفتف كتير وهو بيtalk!!

قاطع الكاشير كلام الجد وقال بعصبية وهو يحلب ذقنه:

- طب ما تقوليش بوء تاني علشان مزعلكش..

قال (شادي) وهو يحاول أن يستجمع شجاعته.. فأنا جده جانباً:

- تزعل مين يا معلم؟

رد الكاشير بعصبية فتحت مضخات الدماء في وجنتيه، وقد تحول إلى ضرب قبضتيه في بعضهما:

- أرعل أي حد..

تدخل عائلة إلى الماركت.. يتبادلون النظارات.. فيعطيوهم إبتسامة لأنهم يبددون أثر العراق حتى تخفي العائلة بين رفوف المنتجات.. قال الجد للكاشير بصوت خافت بعد أن ناول ما يحمله له (شادي) وأسنده بيديه على المنضدة الفاصلة بينهم..

- أنا عايزة تزعلني..

- بص أنت راجل عجوز ومكنتش عايزة أعملها معاك.. بس من عيني..

قالها بصوت خافت أيضاً وعينيه ينطلق منها الشرار.. وهو يتحرك ليدور حول المنضدة ليواجه الجد.. تسبقه لكتمة من يده.. تصاعدت الأحداث بسرعة غريبة لم يدركها (شادي) وحين ترك ما في يده وتوجه لليوقف الكاشير كانت الأمور لم تتوقف عن سرعتها.. تحول الجد إلى رجل المستحيل وقابل الجد اللكتمة بإثناءة سريعة.. وأستغل دوران جسد خصمه متبعاً للكمته.. ليدور من خلفه ويهدي خصمه ضربة بمقدمة قدمه بين فخذيه..

ينبني الكاشير ألمًا.. ويعطيه الجد ضربة وداع بالکوع ليجعله يحتضن الأرض..

تخرج العائلة التي كانت بالداخل على أثر الصوت.. ينظرون تجاه المستلقي على الأرض ثم ينظرون إلى الحد الذي يبتسم لهم ويشير لهم ما معناه أن المستلقي على الأرض نائم قليلاً.. تخرج العائلة بسرعة خوفاً.. بينما (شادي) متسلماً في مكانه ينظر لجده..

\* \* \*

في مكتب مدير المحطة كان (شادي) لازال مستمراً في صمته يجلس في مقابلة جده يرممه بتلك النظرة.. وكان الكاشير يقف بجوار المكتب وقد رسمت الدماء بعض اللطخات بجوار فمه وأسفله.. بينما المدير ذو النضارة والقميص الأبيض وربطة العنق يقول وهو يمرر كارت الفيزا في ماكينة الدفع لتفتشف سنتيه الكبيرتان:

- إحنا آثفين خالت يا فندم على الموقف اللي حتل ده.. يعني مش عارف أقولك أيه بث أو عدك أكيد أنه مش هيحصل تاني خالت..

ثم ينظر تجاه الكاشير ويكمel:

- مش عايز أبرر.. بث دي فعلًا أول مرة حدين يغلط في حد.. حدين ده طيب خالت والله..

- أنا مش مهم عندى والله إن حسين طيب ولا شرير.. أنا مش جاي أطلبه لنتي..

- عندك حق تنفعل خالت يا فندم والله.. أنا مش بيرر بث حضرتك كان ممكن تجيبله الفيزا من غير ما تطلع بالحاجة بره الماركت..

- ده على أساس إني ههرب بإزارتين مايه وبيسي..

- العفو يا فندم والله.. وأنا بتأثلك تاني يا..

ونظر إلى الفيزا كارد.. وأستكمel:

- يا مينا بييه والله.. وحدين كمان بيتآثلك.. ثح يا حدين؟

نظر (حسين) إلى الأعلى وهو يقول:

- اللي حضرتك شايفه..

قام الجد من مكانه وهو يتناول الفيزا كارد من المدير وهو يقول:

- مش مشكلة خلاص.. يلا يا شادي.. شادي..

قالها الجد ليمحى سرح (شادي) من محل نظره.. فيلاحظ (شادي) أنه لم يعد ينظر إلى وجه الجد إنما لشيء آخر يخص الجد.. ثم يكمل الجد كلامه للمدير:

- وعموماً أهي فرصة مش سعيدة.. يلا بینا إحنا يا شادي..

و قبل أن يخرج التفت ليضغط زر الغضب داخل (حسين) وهو يقول مقلداً المدير:

- وألف ثلامة على بوقك يا محشن..

في السيارة.. جلس شادي في مكانه خلف المقود.. وجلس الجد بجواره بعد أن وضع المشتروعات في الكرسي الخلفي.. نظر لشادي وقال:

- مالك ياض؟ مدوريتش ليه؟

صمت شادي للحظات وهو ينظر أمامه ثم قال:

- هو أنت حكايتك أيه بالظبط؟

\* \* \*

## (8)

لازالت الهيوندai تلتهم الطريق وتلتهم الأرقام المشيرة إلى الكيلولات الباقيه لتنقص في كل قصمه.. بالإضافة إلى بعض كسرات الطريق التي أكلتها غصباً..

وكان شادي الآن يلعب دور الحاوي الذي يحاول أن يسيطر على ذلك الشعبان العجوز.. الشعبان تلاعب كثيراً في حوارهم حتى الآن، و(شادي) سيعيده لنقطة الصفر:

- أيوه يعني أنت حكايتك أيه بالظبط؟

- أنهى حكاية فيهم؟

- يعني أنت مينا ولا مهاب ولا محبي الدين ولا مين بالظبط؟

- أنا كل دول وأكتر.. بص يا شادي علشان أكيد لا أنت عايزةني أعيد الكلام، ولا أنا بطل العالم في تكرار الكلام.. الحياة دي أنا عيشتها أكثر من مرة..ممكنا أبقى أقولك إزاي بعدين لو بطلت توجع دماغي وتعاملها زي البير اللي قاعد تحفر في أمها..

ثم أستدرك:

- قوللي يا شادي لو أنت كنت شخصية في رواية كنت ه تكون أيه؟

الشعبان تفلت من حاويه وأتلف عليه..

يأخذ شادي نفساً طويلاً يزفره ببطئ وهو يبحث عن بداية لرده.. ثم رد وهو يهز رأسه نفياً في البداية:

- أنا شاب عادي من جيل الزلزال.. الزلزال اللي بحس إنه مش ضرب الأرض بس ده ضرب الجيل كله.. شخصيات مهزوزة مش عارفين إحنا عايزةين أيه! مش فاهمين إحنا المفروض نعمل أيه! مش فاهمين هما الأجيال الكبيرة دول عايزةين مننا أيه! الدين والسياسة والثقافة والحب والجنس والاجتماعيات كله مهزوز ومتلخبط.. حاسين إن إحنا مينفعش نعمر تاني هنا فوق الأنقاض وعندنا قناعة إن إحنا حتى لو عمرنا هييجي زلزال تاني يوقع كل حاجة.. وإننا كجيل متنكس

أصلًا.. وتنكيسة فكسانة مش هتتحمل وهنفع من غير قومة.. فعشان كده كل جيلنا ده بيدور إزاي يخلع من هنا.. أنا بقى واحد من ضمن الجيل ده.. زيبي زيهم بالطبع مفيش حاجة مميزة تخليني أنفع شخصية في رواية..

- بس بالبوقين دول تنفع شخصية في مسرح جامعة حلوان زي الفل..

قالها الجد وضحكا معًا.. ثم قال الجد وهو يشير إلى مبنى لم يظهر منه الكثير بفضل السور والحدائق اللذين يحيطون به، ومع قلة الإضاءة:

- عارف القصر ده بتاع مين؟

وتأنى..

- ياض ياوسع المفروض ترد وتقولي مين..

- أنا آسف يا جدو.. مين؟

قالها متصنعاً بالإهتمام وهو بيتسنم فأكمل الجد:

- يوسف معاطي.. يوسف ما بيعرفش يكتب إلا ع القهوة من زمان.. علشان كده عامل جوه قهوة صغيرة كده وجاي卜 شياش وقعدة حلوة الصراحة.. جتله كذا مرة هنا مع عادل إمام..

نظر (شادي) إلى جده وكأنه يتسائل هل هذه حكاية خيال علمي أخرى، ولكن ثبات ملامح جده بخرت سؤاله، وأكمل الجد:

- بمناسبة عادل إمام.. أفتكرت حكاية كده.. فاكر الرائد وصفي اللي كنت حكتلك عليه؟

وهنا شعر (شادي) بأن التعبان لا يلتقي حوله ليختنقه وإنما ليتمسح به كأي حيوان أليف..

\* \* \*

أكتوبر 73 ..

بعد بدء الإشتباكات بيومان أو ثلاثة تقريباً..

لأزالت الطائرات الإسرائيلية تمر من فوق رؤوسنا ورأيت بعيني طائرات تحمل شعار القوات الجوية الأمريكية..

كان (وصفي) ضمن كتيبة (م.ط) والخاصة بالسلاح المضاد للطائرات ضمن تأدية خدمته العسكرية ومهاراته في استخدام المضاد الأرضي أوصلته لرتبة رائد في فترة قصيرة..

كان (وصفي) قد تخرج من معهد التمثيل قبيل إلتحاقه بالخدمة.. كان يريد أن يكون ممثلاً.. ولكنه أيضاً كان محباً للسينما ككل.. وكانت يرى أن تصويب المضاد الأرضي يماثل عدسات السينما.. ولذا صار هذا العشق بينهما..

كان (وصفي) ضمن الغلالة، والتي كانت تطلق النيران على طائرات العدو التي تطير على ارتفاع منخفض بحيث ترتفع لأعلى، وتوكل أمرها للصواريخ عاشقة الطائرات المرتفعة..

كانت الطائرات تطير بتشكيل يسمح لأحددها في المقدمة بشغل مضاد أرضي حتى تأتي طائرة خلفها تضربه.. وضرب (وصفي) وسقط في حفرة الإختباء وسقط المدفع عليه..

المعجزات تحدث.. لم يرحل (وصفي) ولكن رحل جزء ليس هيئاً من وجهه.. ورغم العمليات العديدة التي تمت بوجهه والإستعاذه بأجزاء من الذراع.. إلا أن المشاعر رحلت من وجهه ورحل حلمه بالتمثيل..

ولكنه لم يتوقف هنا.. كتب وأخرج وأنتج.. وكان أول فيلم يعتبر من بطولة (عادل إمام) هو فيلم (عيوب يا لولو يا لولو عيوب) الذي كتب (وصفي) السيناريو له.. هذا ما ذكرني أن أحكي لك حكاية (وصفي)..

كان (وصفي) دوماً ينافي حسني حول الماسونية العالمية التي كان يراها هي المتحكم الأول والأخير بالسينما، وكان يرى دوماً أن (يوسف شاهين) هو المثال الأبلغ ليد الماسونية في السينما المصرية.. إلا لماذا تفشل أفلامه ومع ذلك يستمر المنتجين في دفع الأموال ليستمر إنتاجه.. قال لي وأنا أشرب الشاي معه في بلكونة منزله:

- يعني ولا أفلام بتجيب فلوس ولا هي أفلام حلوة أصلًا وبرضه شغال وتقولي الماسونية مش وراه.. بطل تغميض عنيك ده يا مراد..

وأخبرني وقتها أنه يتطلع لأن يبني شركة إنتاج تستطيع أن تنافس هوليوود بل

وتقضي على تلك المؤسسة الماسونية اللعينة.. حتى كان فيلم (الكلمة الأخيرة) أنتجه بكل أمواله بالإضافة إلى سلفة توزيع يعتمد في سدادها على العرض في الدول العربية.. وجاءت (كامب ديفيد) بما لا يشتهيه (وصفي درويش).. وقاطعت الدول العربية مصر وقاطعوا الفيلم بالطبع.. وخسر (وصفي) كل أمواله، ولم يكن ليجرؤ أحد على إخباره أن الماسونية العالمية ليست هي من وراء كل هذا.. ورغم الخسارة إلا أنه رفض أن يخرج أو يكتب أي فيلم بعد ذلك لكيلا يصبح أداة في يد الماسونية.. وكان (الكلمة الأخيرة) هو الكلمة الأخيرة في مشواره الفني..

في الحقيقة قاطعني (وصفي) عندما رأني في نشرة الأخبار ضمن الوفد الذي سافر مع (السدادات) إلى إسرائيل.. لم أستطع التوضيح ولم يكن ليقبل أي توضيح..

\* \* \*

- ده حدوتة يا جدي..

- الله يمسيه بالخ.. الله يخربيت سينيك ما تحاسب يله!!

كانت إطارات السيارة قد عبرت فوق أحد الكسرات جعلت ما يشربه الجد يتتساقط على ملابسه..

- غرقتنا وخلاص.. ومنشن بالظبط على الحجر..

- معلش يا جدو أكيد مش قصدي يعني أخلاقي شكلك كأنك عاملها على روحك..

- وهعملها عليك كمان شوية يا عسل.. أركن على جنب أما أشوف هأغسل الزفت ده ولا أعمل أيه؟

على جانب الطريق بجوار بعض الحاجز الخرسانية أعطت السيارة إشارة الإنذار.. يمر بجوارهم كل ثانية ضوء عالي لسيارة مارة بسرعة..

وقف الجد خارج السيارة ينشر بعض الماء من زجاجة (أكوافينا) على بنطاله.. وقال بصيغ وهو يشد بنطاله وينظر داخله:

- أرتحت!! أهو العصير طلع دخل على جوه كمان..

قالها وهو يعبر بين الحاجز الخرسانية.. فقال (شادي) وهو يضحك:

- رايح فين أستنى طيب؟ هتروح أسكندرية مشي ولا أيه؟

- مشي!! أنت جرعة التخلف كبرت عندك شويتين.. خليك واقف شوية جايلك..

وأختفى الحد خلف الفاصل، وأرجع (شادي) رأسه في الكرسي وهو بيتسم وهو لا يصدق أنه لازال في نفس اليوم.. ثبت قليلاً على هذا الوضع حتى أطلت تلك الأنوار المتباطئة من المرأة..

\* \* \*

## (9)

سيارة إنقاذ بدون أرقام.. لا علامة مميزة بها إلا أثر صدمة في الإصطدام وكلب يحرك رأسه يمنى ويسرى مع حركة السيارة.. وداخل السيارة كان هناك ثلاثة أشخاص وفرد وسنجة ونبوت.. لقد جاء ملوك الصحراوي الجدد..

ينزل الثلاثة يتقدمهم زعيمهم صاحب الحزام ذو توكة الجمجمة يحمل الفرد في يده.. والأضواء من خلفه مع الآخرين منحوه هالة من الأسطورية..

يقترب من السيارة حتى يقف من أمامها.. يفرقع رقبته يمنى ويسرى تؤلمه قليلاً ولكنه يتماسك. ويقترب من (شادي) الذي أنتبه إلى ما يحدث وبدأ يدير مفتاح السيارة.. ينظر إلى موضع جده السابق "أين هو؟" تسائل (شادي) في لحظة وفي اللحظة التالية كان الآخرين قاما بشبك الهيونداي بسيارة الإنقاذ.. وأقترب الزعيم أكثر من (شادي) ليظهر وجهه الأش به بتين شوكى لكن بحاجبين.. وأمسك المفتاح وهو يقول بصوت ممزوج بأمواس الحلاقة وأقراص الترامادول:

- أهو أنت كده بقى مش في البروفيشنال..

- أنا مش محتاج عربية.. هو في أيه بالظبط؟

- ده سؤال بورفيشنال.. محسوبك بكوره.. وده هشومة وده خلودة.. وعلوقة مش موجود علشان في مصر بيعمل مصلحة بروفيشنال.. ولا مؤاخذة إحنا ملوك الصحراوي البروفيشنال..

كان العرق يخرج من (شادي) وكأنه فوطة تعصر.. مع ارتجافة تشبه الفوطة بعد أن نشرت.. كان (شادي) يتحوّر جينياً لفوطة ماركة (غزل المحلة).. حين تابع (بكوره) :

- والعربية بتاعتك مركونة في أرض زراعية وجالها قرار إزالة.. يعوض عليك ربنا تعويض بروفيشنال.. والقرار ممكن يتم بطريقتين طريقة سهلة وبسيطة وطريقة تنحة محبهاش تكون من نصيب شخص بروفيشنال زيـك..

وضرب (بكوره) بالفرد راحة يده مهدداً.. وكذا فعل (هشومة) و(خلودة) بالنبوت والسبحة، وتسائل (بكوره) وهو يفرقع رقبته مرة أخرى لتؤلمه أكثر ولكنه تماسك أيضاً:

- قولت أيه يا بروفيسنال؟

هل ستتوقف أحدى السيارات المارة وتنقذني؟ هل ستذهب السيارة المؤجرة؟ ما الذي سأقوله لحماده؟ كيف سأعوضه؟ ما فهمته أن جدي يملك الكثير من النقود؟ لكن هل هو صادق في أي شيء أصلًا؟ اللعنة.. أين هو؟

قطار الأسئلة يلعب سيارات متصادمة داخل حمامة (شادي).. وبهدوء عبت (شادي) بأي شيئاً بجواره يصلح كسلاح.. لقد أمسك شيئاً.. غالباً عبوة بيسي.. هل يقوم برجها بسرعة ثم يفتحها في وجه (بكورة)، وقبل أن يفهم (بكورة) ما يحدث يفتح باب السيارة ويدفعه بقدمه بكل قوة ليصطدم به ثم يسيطر على الفرد والأمور.. من الممكن الإستغناء عن رج العبوة بإلقاءها مباشرة في الوجه.. من الممكن بل في الغالب أن (شادي) لن يفعل أي شيء من هذا..

ودون سابق إنذار وانطلقت سيارة الإنقاذ ساحبة الهيونداي بسرعة وبمناورة.. جعلت الهيونداي لا تتأذى إلا بكسر الزجاج الأمامي بنبوت (هشومة) وخدش على طولها بستجة (خلودة) أطلق الشرار.. ووقف بكورة وسط الغبار يضغط الزناد عدة مرات.. لكن الفرد لم يستجب إلا لطلاقة واحدة ثم أمعن.. فصرخ وهو يلقي الفرد بعصبية:

- كده مش بروفيسنال..

\* \* \*

خلع الجد البنطال المشدود بالمطاط الخاص بالدار.. وبدأ يضع بعض الماء من الزجاج ليغسل فخذيه ومسائله من أثر العصير حين رأى سيارة الإنقاذ، وأستوعب كل ما يحدث وبهدوء إنطلق ناحية مقدمة السيارة التي لازالت تدور ودلل إلى داخلها ثم وانطلق..

مر بعض الوقت حتى أطمئن أنهم هربوا بالفعل.. ثم أطل من الشباك ناظرًا للخلف ليطمئن (شادي)، وبعد عدة كيلومترات بدأت السيارة تقف تدريجيًا..

الظلام حالك ولا يوجد إلا بعض معدات الإنشاءات الهندسية.. ونزل الجد من السيارة وكذلك فعل (شادي) رغم خوفه قبل قليل ورغم أنه لايزال يعي كيف خرج من الموقف السابق.. ما أن رأى الجد حتى سقط ضحكاً..

- بتضحك يا وسخ!! تصدق أنا غلطان إني مسبتكش ليهم كنت خلصت منك يا أخي.. بس 5 دقائق وكانوا هيرموك وكنت هتجيلي تاني.. شغلانة وسخة..

كان (شادي) لم يكف عن الضحك أقترب من الجد يحتضنه ويحاول أن يقبله:

- حبيبي يا جدو والله..

دفعه الجد رافضاً حضنه.. وهو يقول:

- حبيبك أيه ونيلة أيه؟! أديبني بسبيك أهو من غير بنطلون وبكلوت مبلول..

قال شادي من بين ضحكاته:

- حرقك عليا.. بس تصدق كده أشييك من لبس الدار اللي كنت لابسه..

- تصدق شكلي أنا اللي هلبسهمولك.. المهم العربية دي لازم نخلص منها يا إما هنلاقيهم ورانا بيها تاني..

كانت نية الجد الأكبر أن يلقن تلك العصابة درساً..

فكر قليلاً ثم قال لـ(شادي) وهو يشير له بالإسراع:

- معاك ولاعة؟

هز (شادي) رأسه نافياً:

- أنا مبدخنس أصلًا يا جدو.

فأكمل الجد:

- طب سخن ولاعة العربية وهاتها وهات منديل بسرعة..

عندما جاء (شادي) بولاعة السيارة كان الجد قد خلع فانلتة الداخلية وأصبح يقميص ذو أزرار مفتوحة مع اللباس الداخلي أصبح كثير نساء فاجئته الشرطة في مقر عمله.. تماسك (شادي) عن الضحك وناول الجد الولاعة والمنديل.. وتمتم الجد:

- لو السجائر مكتنث أستهبلت مع صدري.. مش كان زمانا خلصنا..

خلال التمتمة السابقة كان الجد أشعث النار في المنديل.. ثم قام بوضعه على الفانلة التي أصبحت تدلّى من فتحة البنزين.. وركبوا الهيونداي:

- بس دول خدوا مني المفاتيح..

- علشان كده جبت المفك ده من عربتهم..

وصرد الجد المفك في أسفل المقود.. حتى ظهرت بعض الأسلال أوصل منهم ما أشعل غرفة المحرك مرة أخرى.. وانطلقت السيارة مقتربة من بوابة الدخول إلى الأسكندرية.. والنيران تتوجه إلى داخل تانك البنزين، وسطع إنفجار لحظي في مرآة سيارتهم.. وقامت السيارات المارة بالتباطؤ لتشاهد الحريق..

\* \* \*

## (10)

الإسكندرية..

مرحلة ما قبل دخول الصيف..

إنها الشابة المرحة الجميلة التي تبث السعادة في النفوس.. هذا رداؤها رداء عرس.. أما حقيقتها فإنها عجوز حزينة لا تكف عن الأنين.. إنها أم قوية تبدي عكس ما تكمن لكيلًا تنقل هممها دون قصد لأبناؤها أو ضيوفها..

الأشخاص في الإسكندرية يشبهون أمواج بحرها.. لا يكفون عن الارتطام بالحواجز، لا يكفون عن الذبول على الشواطئ بعد الوصول ولكن أيضًا لا يكفون عن الحركة وتكرار الكرة..

وشوارع الأسكندرية دائمًا على وضع الـ(فاست موشن).. ينتهي العرض فتتوقف ويدأ عرض جديد فتسرع..

وفي أحدى الشوارع كانت تلك السيارة ذات الزجاج ذو ضربة محاطة بالشروح.. ومصباح أيمن مكسور.. وربما موضع طلق ناري.. بداخلها شاب وعجز بدون بنطال وفانلة..

- دلوقتي أتصرف بالفلوس اللي معاك وهاتلي هدوم بدل ما أنا شبه السيrik كده.. والصبح أنا هتصرف من البنك علشان الفيزا راحت في البنطلون..

ودخل (شادي) لأحدى المحلات أشتري ملابس شبابية وعاد بها إلى السيارة وناولها للجد.. قلب الجد فيها..

- بقولك شبه السيrik فقررت تخليني بعلوان! جايبللي بارمودا وتيشيرت يا وسخ؟  
- والله يا جدو اللي لقيته واللي على قد الفلوس الموجودة..

- ميتين أبو الفلوس.. طيب المهم يلا بینا.. هأكلك في المكان اللي كنت باكل فيه أنا و (نجيب) لما كنت بقابله هنا في الصيف..

- نجيب مين؟

- نجيب محفوظ..

لم يبدي (شادي) تعجبه هذه المرة لقدر قدر الكف عن التعجب ولكن لم يقرر الكف عن السؤال:

- طب والفلوس؟

- ما قولتلك ميتين أبو الفلوس..

\* \* \*

على منصة بقريبة (بلبع) تراصت الرئيس وأزواج الحمام تزاحمها الفتة وورق اللحمة، وعلى رأسها جلس (شادي) وجده.. أخرج الجد من جيبيه علبة سجائر (ماريلبورو) كان قد أستلها من الأرض أثناء دخولهما.. أنتبه لها (شادي) :

- أيه ده يا جدو؟؟ مش أنت المفترض مبطل؟

- ملكش دعوة يا عم مجدى يعقوب..

وأنهى الجد ليضغط على قدمه التي يزحف عليها الألم ويكسب أرضاً جديدة فيها كل لحظة.. فسألته (شادي) :

- مالك؟

- رجلي بستهبل.. أو أنا اللي بستهبل الحقيقة.. السواقة والشلوت بتاع حسين موتوها إكلينيكياً.. وهي أصلًا صاحبة مرض من يوم ما وقعت من الشباك..

ووحدها (شادي) فرصة لسؤال متاخر:

- هو أنت وقعت ولا كنت بتحاول تنتحر؟!

- أنتحر!! هو أنت لسه معرفتش جدك يله.. الإنتحار ده بتاع الناس اللي مبقيتش قادرة تقاوم أو معندهاش حاجة تقاوم عشانها، وأنا مبعرفتش أعمل حاجة إلا إني أقاوم، وبعدين فكرك إن أنت أقنعت الدكتور بشوية الهيل اللي أنت عملتهم دول.. أنا رجلي فعلًا متدمرة وخصوصاً إني كنت بنط من على سور الدار مرتبين في كل يوم تقريرًا..

- طب إزاي عرفت تضرب التور الهايج ده؟

- أديك قولت تور هايج.. أنا مش جاكي شان يعني.. بس لو فهمت التور الهايج وإزاي تخلி إندفاعه يبقى ضده تبقى كسبت تلتين المعركة من قبل ما تبدأ.. وده اللي بيعمله بتوع مصارعة التيران ..المهم خلينا نخلص الأكل ده علشان نشوف اللي جايين نعمله هنا..

- اللي هو أيه؟

- ما قولتلك بعد الأكل..

رحلة من لذة الطعام تخللها إستراحات قصيرة من الشوربة حتى وصلت لمحطة التخمة بعد نصف ساعة.. كان المكان والطعام يعيدها للجد عدد من الذكريات، وأعاد (شادي) ظهره في كرسيه يتأمل سقف المكان بأعين غشيتها الأكل.. أخرجه الجد من هذه الحالة:

- وله يا شادي.. موبايلك ليه جراب؟

- آه ليه؟

- أصل في ناس متكلمين عليه فيسألوك عليه.. أخلص وفكلي الجراب.. وأعمل نفسك بتتكلم في الموبايل وأنت بتمضغ.. لأن جالك مكالمه مهمة وأنت بتأكل.. وأخرج بره المطعم.. دور العربية وأستناني قبل ما تطلع الشارع وشغل الإنتظار..

- هتعمل أيه؟

- هناخد سلفة من (بلبع) لحد بكرة..

نفذ (شادي) ما طلبه جده.. أما الجد فأخرج مفاتيح سيارة الإنقاذ التي أحتفظ بها ووضعها بجوار علبة الـ(ماريلبورو) ليحاوروا جراب الموبايل المقلوب.. وتوجه للحمام وهو يمسح يده بمنديل.. فأوقفه أحد العاملين:

- أيه رأي حضرتك في الأكل يافندم؟

- يابني السؤال ده تسأله للزيابين.. أنا في المطعم ده من قبلك..

أبتسם العامل من الرد المباغت ورد مجاملًا:

- منورنا والله يا فندم..

وفي الحمام وبعد أن غسل يده.. توجه الجد إلى دورة المياه ليتسدل من الشباك وقفز على قدمه ليزداد ألمها لتفتح فمه ليطلق صرخة كتمها.. ورغم تأخره إلا أن الحاجيات على المنضدة طمأنت العامل..

أما (شادي) فكان في السيارة منتظرًا.. ولم يجد ما يفعله إلا أن وضع الشاحن في موبائله والذي أكتشف أن بطاريته قد نفذت فيما يبدو من فترة طويلة..

حتى جاء الجد وهو يخرج بشدة فتح باب السيارة فلم يفتح وبدى أنه تلف إثر صدمة السنجة.. فتح (شادي) المقبض وهو يعاجله:

- أتأخرت ليه؟

- مفيش.. كنت بقنعهم بموضوع السلفة..

\* \* \*

في الطريق إلى (كفر عبده) بناءً على توجيهات الجد..

كان الإرهاق يزحف على الإثنين ليتملك منهم.. كما يزحف الفجر على السماء.. تشاءب (شادي) قبل أن يقول:

- آه صحيح يا جدو.. أنا لقيت الموبайл فاصل.. سيبته يشحن بس لسه مفتوحوش إلا لما تكون معايا.. علشان أكيد أبويا هيفيشخني.. أنا قولت أسيبك أنت تكلمه..

- مش هكلمه.. أنت توصلني وترجعه على طول وقوله أي حاجة من بتوعكم.. بذاكر عند واحد صاحبي.. أم صاحبي كانت بتولد أي حاجة..

- ثواني أيه أروحله دي!! أنت مش راجع معايا؟

- لا مش راجع.. بص يا شادي بصراحة أنا أستغلينك علشان تجيبني إسكندرية.. وبعد ما جيت مبقاش عندي إستعداد أرجع.. أنا فكرت كتير أحji لوحدي وكان قرار مأجله لحد ما أنت جيت..

- إستغليني!! والأحلام والنبوءة ده كله كلام..

- آه أعتبره كلام.. ولا أحلام ولا نيلة كل ده ملوش لازمة أنا أصلًا مش فاكرها.. وأنا كده فل.. أنا قولتلك مش عايز منك حاجة غير أنك توصلني هي دي الحاجة اللي عايز أعملها قبل ما أموت.. وبالنسبة للعربية أنا هبعتكلك فلوس تصلح العربية

وزيادة بكرة بعده بالكتير.. كلم صاحبك وقوله إنك هتاجر العربية لآخر الأسبوع..  
قفل بقى كلام في موضوع الأحلام ده..

- يا جدو بس أ..

- بس أنت..

ضرب (شادي) على المقود بعصبية وصمت..

\* \* \*

## (11)

فيلا أباطة..

كفر عبده بحى شرق..

أخذ الجد حافظته التي كانت في التابلوه.. ثم قال لـ(شادي) وهو ينزل من السيارة:

- أنت لو طلعت دلوقت هتوصل قبل ما أبوك ينزل شغله.. وبالنسبة ليأنت مخدتنيش من الدار زرتني ومشيت، ومش هيلاقوا نسخة تصريح الخروج في الدار متقلقش..

كان يبدو أن الجد خطط لتسير الأمور بهذه الطريقة من البداية.. هز (شادي) رأسه ذات الفم الرابع مفتوح متصنعاً أن يتفهم الأمر، ورحل حانقاً..

يضغط الجد جرس الباب.. لينطلق الصوت في أرجاء الفيلا.. أمتدت يد أنشوية من تحت الغطاء الخفيف تطرق على كتف الرجل النائم جوارها..

- فاروق.. يا فاروق الجرس بيرن..

- أممم.. ما زينب ه أممم تفتح..

- زينب لسه مجتش الساعة مجتش 7 قوم يا فاروق..

يجلس (فاروق) على السرير بأعين مغمضة:

- الله يحرق فاروق يا شيخة..

يرتدى (فاروق) الروب على عجلة وهو ينزل على السلم مع إستمرار تردد الجرس وفكّر هل من الممكن أن تكون الشرطة قد جاءت لتقبض عليه، وسيقول له الصابط "أتفضل معانا من غير شوشرة" وتقف زوجته بالأعلى بقميص النوم تصرخ ويخرج أولاده على صرخاتها.. و.. تباً للأفلام العربي..

يقف (فاروق) خلف الباب.. يخرج نفس من أنفه ثم يسأل:

- مين؟

- أنا اللي المفروض أسائلك أنت مين؟

..... -

- أنت سيد ولا فاروق ولا عادل؟

لابد أن هذا شخص من العائلة.. هكذا فكر (فاروق) حين أكمل الصوت من خلف الباب:

- أنت هتسيني كتير ع الباب! وبعدين أنا مش جايلك أصلًا ولا عايز أتكلم معاك أنا جاي لكاريeman قولها مروان..

أقشعر جسد (فاروق) للحظة عندما سمع اسم والدته، ودفع اسم (مروان) يده ليفتح الباب وهو يقول:

- أستاذ مروان!

انفتح الباب وأصبحا متقابلين، وأكمل (فاروق) والأسى بدأ يحفر في صوته:

- أنت في حاجة بتاعتك عندنا ماما كانت سيبهالك..

- كانت! هو أنتو رميتوها في دار مسنين تاني..

الأسى يحفر أكثر في صوت (فاروق) :

- ماما الله يرحمها من 3 شهور..

يدخل صوت أنتوي من أعلى ليقطع أحداث:

- مين يا فاروق؟

- خشي أنتي يا دولت دلوكتي.. خشي نامي..

أما الجد فلم يستطع أن يجعل قدمه تتماسك أكثر من ذلك، وسقط أرضاً..

\* \* \*

يضغط (شادي) الفرامل بكل قوة، ويلتف بالسيارة عائداً للفيلا..

كان التفكير يأكل رأسه.. هل ستتنازل عن موضوع الأحلام هكذا بكل بساطة؟ هل ستتنازل عن الهدف بعد أن وجدته؟ صاحب الأمر أصلاً غير مهم.. ولكن صاحب الأمر أيضاً هو من قال أنك صرت جزء من هذا؟ ومن باب الفضول ماذا يفعل حبك في هذه الفيلا؟

وضغط على البنزين أكثر.. حتى توقف على الجانب الآخر للفيلا في جانب غير مرئي.. يراقب جده حتى فتح الباب ودارت محادثة بسيطة وحتى سقط الجد، وانطلق (شادي) بسرعة نحوه وهو يصبح بانفعال:

- جدو!!

لم تعد رؤية الجد واضحة.. كل ما يراه هو وجه (كاريمان) في كل مكان في أعمار مختلفة.. بشعرها الأحمر وشعرها الأبيض.. بإبتسامتها ذات الأسنان البيضاء وإبتسامتها ذات الفم المغلق لكيلاً تظهر أسنانها.. كان وجهها في كل مكان.. على كل الأجساد كان وجهها.. في كل الزخارف بربز وجهها..

أما (شادي) فقد عرف من (فاروق) ما حدث، وكان (شادي) يعلم اسم (كاريمان) من أستاذة (هالة)، وتجمعت الخيوط لدى (شادي).. رغم غرائبية جده إلا أنه كان مجرد عاشق يسعى لمقابلة حبيبه.. وأعطاه (فاروق) صندوق صغير يخص الجد..

الجد الذي عاد لحالة صمته السابقة.. لا يتكلم ولا يشير ولا يمانع ولا يهتم.. أخذه (شادي) للسيارة وحاول أن يجذبه لأطراف أي حوار..

- هترجع معايا طيب؟ طب عايزنني أوديك فين؟ طب تحب أفتحلك الصندوق؟ طب شاور أي حاجة طيب..

لا يتكلم ولا يشير ولا يمانع ولا يهتم..

- طيب بقولك أيه تحب نطلع ع البحر؟ هز دماغك طيب..

لا يتكلم ولا يشير ولا يمانع ولا يهتم..

بدأت السماء في سكب زرقتها على مياه البحر.. لوحة من الأبيض والأزرق وإنعكاسها.. قال شادي:

- منظر البحر فشيخ يا جدو..

.... -

- طيب.. أنا هسيبك لوحدك شوية تفكـر أنت عايزـنا نعمل أيه دلوقـت..

نزل شادي من السيارة.. وجلس على الكورنيش.. يراقب الأمواج التي تزبل على الشاطئ مرة تلو الأخرى ثم يسـرح في الأفق إلى نقطة التقاء زرقة السماء والبحر.. لم يـعدـه من سـرـحـه إلى يـدـ تـربـتـ على كـفـهـ مع صـوتـ جـدهـ:

- ولـهـ يا شـاديـ.. هوـ أـنتـ لـسـهـ عـاـيزـ تـحـقـقـلـيـ أحـلامـيـ؟

\* \* \*

## (12)

أواخر السنتين تقربياً..

بعد رحلة سير من المنشية لم نشعر بوقتها كالعادة.. كنت أجلس أنا وهي على السور المطل على البحر في يد كل منا واحدة من الآيس كريم رغم برودة الجو.. كانت الأمواج تصطدم بالحواجز ذات الحلقات المعدنية الصدئة.. فتنشر رذاذها علينا فأقتربنا أكثر ورائحة البيود تمواج في أنوفنا، وفي الخلفية كانت تطل علينا قلعة قايتباي القادمة من عصور المماليك البحريه..

- توعدنني ترجع؟

- أوعدك.. السنة الجاية بالكتير.. النهاردة 20/12.. 20 الجاي هكون هنا.. متأخر..

- أنا جيبت القفل ده علشان نقفله على صخرة من اللي هنا.. وده معناه إن إحنا هنفضل مع بعض..

- ده معناه إنك بتستهيللي يا كاريeman..

أعطتني لكمة حفيفة على صدرى، وهي تقول:

- بطل تترىق على أي فكرة بقولها..

أبسمت وأنا أنظر لها.. وضعت القفل أمام وجهي.. فتناولته وقمت بما أرادت.. وأكملت هي باقي التعليمات..

- دلوقتي بقى هنرمي المفتاح في المایه علشان محدش يقدر يفتحه..

- علشان السمك يشهد علينا كمان..

- قولتلك بطل..

أقتربت مني أكثر ونحن نسير.. فاحتضنتها نتبادل حرارة جسدينا.. فرفعت رأسها لأعلى تنظر إلى:

- هترجع؟

لم أكن أريد أن أنطقها ولكن إستمرار نظرها إلى جعلني أقول بشبه ثقة:  
- السنة الجاية..

كانت مصر في هذا الوقت قد دخلت مرحلة جديدة في حرب الإستنزاف.. و كنت مكلفاً بمهمة غير محددة المدة.. كنت متورطاً في أمور أخرى وأخشى أن تتورط معنـي.. كنت.. كنت كاذباً، وأخبرتني هي فيما بعد رغم أنها أستشعرت كذبي إلا أن هذا لم يمنعها أن تأتي لنفس المكان في كل 20/12.. حتى بعـدما شاع خبر فقدانـي في الحرب ضمن خطة مخابراتية ربما أحـكيها لك فيما بعد..

تأتي وحيدة وترحل وحيدة.. حتى بعد أن تزوجت (مسعد أباظة) الذي يكبرها بعشـر سنـوات على الأقل بضغط من الأهل.. هل تهـرب؟ ولكن لأين؟ ولـمـاذا؟

تأتي وحيدة.. بعد أن بدأت في التعافي من ولادة متـعثرة أضافت للبشرية ثلاثة ذكور.. لـتمـنـح (مسعد أباظة) فـرحة جعلـته يـكتب لها الفيلا باسمـها.. ويـكتب للأـلـاد اسمـاء على اسمـاء أـبـاطـرـة عـائـلـتـه الأولـون اللـذـين أـورـثـوا العـائـلـة مـفـاتـيح إـمـبراـطـوريـات السـيـراـمـيك..

كـما حـكت.. كانت تستـشـعـر كـذـبـي ولـذـا لم تـلـقـي كلـ المـفـاتـيح.. أـبـقـت وـاحـدـا فـتـحـتـ بهـ القـفلـ الخـشنـ بصـعـوبـةـ بـعـدـ أنـ كـادـتـ تـنـزلـقـ عـدـةـ مـرـاتـ.. وـأـقـتـهـمـ فيـ الـبـحـرـ.. هـلـ كانـ رـذـادـ الـبـحـرـ عـلـىـ وـجـهـهـاـ أـمـ الدـمـوعـ هـيـ لـمـ تـعـرـفـ.. وـرـحـلـتـ وـحـيدـةـ..

وـحـينـما أـتـيـتـ مـتأـخـراـ بـعـشـرـاتـ السـنـواتـ لـمـ أـجـدـ القـفلـ.. ربـماـ هـذـهـ لـيـسـتـ نـفـسـ الصـخـورـ حتـىـ..

\* \* \*

- مرـمـتـشـ كـلـ المـفـاتـيحـ.. كـانـتـ صـايـعـةـ بـرـضـهـ اللهـ يـرـحـمـهـاـ..

يـقولـهـاـ الجـدـ وـهـوـ يـمـسـحـ جـانـبـ عـيـنـهـ الدـاخـلـيـ بـطـرـفـ أـصـبـعـهـ الأـصـغـرـ.. وـفـتـحـ الصـندـوقـ (شـاديـ) يـرـاقـبـهـ، وـكـانـ بـداـخـلـ الصـندـوقـ قـفـلـ صـدـأـ يـبـدوـ أـنـهـ تـعـاـيـشـ لـفـتـرـةـ معـ مـلـحـ الـبـحـرـ، وـبـداـخـلـهـ مـفـتـاحـ أـنـتـقـلـ إـلـيـهـ بـعـضـ الصـدـأـ.. وـبـطـةـ مـطـاطـيـةـ صـفـراءـ.. يـمـسـحـ الجـدـ كـلـتـاـ عـيـنـيـهـ بـأـصـبـعـيـهـ لـيـخـلـفـاـ أـعـيـنـ حـمـراءـ..

\* \* \*

عدت لنفس المكان عدة مرات في نفس التاريخ.. ولكن دعنا نترك زمان ومكان عودتي ولنذهب إلى زمان ومكان آخر..

سنة 1992.. أعلم أنها سنة مولدك، ولكن الأمر لا يخصك الكون لا يدور حولك.. في سنة 92.. في ليلة عاصفة سقطة حاوية من سفينة في المحيط الهادئ.. كانت الحاوية تحتوي على 29000 لعبة بلاستيكية.. أغلبها بطات مطاطية صفراء..

بطات تسبح حول العالم.. تزور كل البلدان.. وإستغلها العلماء لدراسة التيارات البحرية وأشياء من هذا الهراء..

في إحدى المرات عندما عدت لنفس المكان أنظر إلى موضع القفل غير الموجود.. وجدت تلك البطة والتي يبدو أنها تركت زملائنا وقدمت في رحلة منفردة تصعد وتهبط بجوار الصخور..هذه الصغيرة قدمت في رحلة استغرقت منها أكثر من 15 عام.. تركت الجميع وجاءت منفردة إلى المكان التي ترقصيه لم تهتم وترتضى بالحلول السهلة القريبة كما فعلت صديقاتها وتوجهن إلى أستراليا وأمريكا الجنوبية..

هل أرضى بالحلول السهلة القريبة وأرحل كما يؤخذني التيار؟

ورغم أنني كنت أعيش بهوية جديدة نهائية.. هوية كان من المفترض أن تنقطع عن كل تاريخها السابق، ولكنني أخذت كل شيئاً للطريق الصعب، سأذهب لـ(كاريمان)، وطفت أبحث عنها حتى علمت بأمر زوجها وأولادها الثلاثة اللذين قرروا أن يودعوها في أحدى دور المسنين في القاهرة بعد وفاة والدهم.. حيث يقطن أشنان من الثلاثة ليكون أقرب لهم وقت الزيارة التي لم تتكرر كثيراً..

وبعد بحث مع تليفون لأحد من يأتون بالإجابة دوماً علمت مكانها.. وكان لقاءاً بـ برودة الأسكندرية في أطراافنا.. ضربتني في صدرني بخفة وهي تقول بإبتسامتها التي أظهرت أسنانها رغمما:

- ما لسه بدري..

كنت فارس الرواية الذي أتى لسنوات بعد كلمة النهاية.. وقرر ألا يترك الجزء الأبيض الباقى في الصفحة بعد كلمة النهاية.. سأبقى هنا..

مكاني هنا..

\* \* \*

- مكانني هنا يا شادي يا وسخ ياللي بتتاوب..
- كف (شادي) عن تناوبه.. وهو يحاول محسنًا صورته:
- معلش يا جدو.. أنا كده معدي 24 ساعة صاحي..
- لوحدي يعني ما أنا متتيل معاك.. طيب.. ننام ساعتين في العربية وبعددين نطلع على المقابر عايز أحفر للحاجات دي مكان جمب قبرها.. الحاجات دي ماتت معاهها..
- مع مين يا جدو؟
- مع أمي يا شادي.. نام يله.. نام..  
يصمت الجد لفترة يتأمل سقف السيارة بعد أن أرجعا كرسياها للخلف.. ثم يسطرد:
  - هو صحيح أنت رجعت ليه بعد ما مشيت؟
  - ما أنا قايلك يا جدو.. ممعيش فلوس.. والبنزين ميكملش لحد ما أوصل..
  - آه يا وسخ..

\* \* \*

## (13)

يكتس عامل النظافة الشارع بدون ضمير حتى يصل لتلك السيارة المتوقفة.. ذهب إلى الشباك وطرق لكي يطلب أي إحسان.. ثم توقف ينظر متفحصاً إلى تلك السيارة التي تحوي شخصان مستلقين أحدهما عجوز ذو ملابس شبابية.. ضيق عامل النظافة عيناه ظاناً أن هذا قد يمنحه روح المحقق (كونان) ألت حول السيارة فكر هل هما شواد والعياذ بالله؟ ما غير ذلك قد يجمع هذا الشاب والعجوز المتصابي؟ ولكن السؤال من منهم الذي يركب الآخر؟ ولماذا الزجاج الأمامي وفانوس الأيمن مكسوران؟ هل هذا موضع طلق ناري؟ هل سرقة السيارة؟ أم صدماً بها شخص ما.. هل هم قتلة؟ أم أنهم هم قتلة شواد؟

يهذه الخيال أبتعد عامل النظافة عن تلك السيارة مسرعاً ثم عاد إلى العمل الذي لا يجيده..

الجد أستيقظ من الطرفة ونظر لصاحبها بنصف عين حتى رحل.. ثم خرج خارج السيارة يشتم بعض الهواء وعندما عاد كان باب السيارة الذي أغلق لا يفتح.. جذب المقابض عدة مرات لا يستجيب وتذكر أن هذا الباب لم يعد يفتح من الخارج.. ربما هذا بسبب أحدى ضربات من أرادوا سرقة السيارة.. ربما.. لا يهم الآن.. يطرق على الزجاج على الباب على سقفها ينادي على (شادي) .. وكان رد فعل (شادي) الوحيد أن أكل طعام النوم..

\* \* \*

الجد وحيداً خارج السيارة.. يستكمل تفكيره.. كانت تراوده فكرة الترك.. أن يترك (شادي) هنا ويرحل هو للامكان.. الترك هو أفضل ما كان يفعله.. حصل على دكتوراه في تخصص الترك والرحيل.. أم أن هذه المرة مختلفة.. وهو من يجب عليه التمسك.. الحياة تتقلب من جسده هو يشعر بهذا ولم يبقى له أي شيء إلا أحلام قد أتت من الماضي..

هل سيتركها هي الأخرى ويرحل؟

\* \* \*

يقبض بيده على ذلك الحجر، ويتجه نحو السيارة ويضرره به السقف ليصدر فرقعة أيقظت (شادي) أخيراً الذي أدار عينه في السيارة وأحتاج للحظات ليفهم

أين هو ولما؟ ولكن لم يفهم لماذا جده في خارج السيارة يشير له؟ فتح الباب  
فقال الجد وهو يدخل السيارة بنوع من العصبية:

- يا وسخ احنا قولنا ساعتين مش يومين!!

- أنا نمت يومين؟

- أكيد مش هفضل يومين واقف في الشارع.. هما 4 ساعات.. بس لو متحركتاش  
دلوقتي مش هنلحق البنك.. والعربية هتفصل بنزين ولسه عايزين نروح المقابر..  
ومحتاج كمان أي حاجة لرجل.. ومتش هقعد طول اليوم هشرحلك هنعمل أيه!  
أطلع بینا الأول على أي فرع لبنك..

فكر قليلاً ويده تحسب حسبة وهمية.. وأكمل:

- البنك الأهلي.. بسرعة..

\* \* \*

مقابر العمود..

بعد ساعتين كان الجد يخرج من بين عدة قبور إلى شارع في المنتصف بين  
الأحواش (شادي).. مشية الجد بقدمه التي وضع عليها مسكن وتم ربطها..  
والإنحناء المتأكة على عكاز أشتراه من الصيدلية.. مع بالطو خفيف أراده.. وفي  
الخلفية يطل عمود السواري ويتناثر الغبار الأصفر.. كلها أمور جعلت (شادي) يرى  
جده كأنه المعلم (رشدان).. لم يبقى إلا أن تظهر سلاحف النينجا في الخلفية،  
ولكن من ظهر كان حارس المقابر ذو الزي الصعيدي.. تحدث مع الجد ووضح أنه  
كان يتطلب من الجد أي أموال لروح الأموات.. وإن كان ظهر الجد يخفي ما يدور إلا  
أن (شادي) رأى الجد، وهو يخرج ورقة مالية من جيب البالطو وناولها للحارس..  
ثم أكمل طريقه للسيارة.. ساعده (شادي) ليدخل وسألة:

- رحلتك عاملة أيه دلوقت؟

الجد لم يكن يريد الإنخراط في أي حديث الآن.. فرد على مضض:

- الحمد لله.. زي الزفت..

نظر له (شادي) ببعض الصدمة من الإجابة.. فأكمل الجد:

- أكيد يعني مخفيتش بشوية إسبراي وضاغط.. مش فيلم عربي هو هاخد الدوا من هنا وتقولي "عامل أيه دلوقت؟" هقولك "أحسن" والدوا لسه موصلش المعدة أصلًا..

يغلق (شادي) الموضوع:

- أنا آسف خلاص.. طيب حطيت الحاجة؟

قال بإستهزاء:

- لا يا شادي كنت جاي أتملى في جمال المقابر بس.. أصل ده كيف عندي..

ثم أكمل بجدية تشوبها العصبية:

- زيارة المقابر دي حاجة ملهاش معنى.. شوية طوب مكتوب عليهم اسم.. كل وظيفتهم أنهم يفكرون إن كان في حد موجود في حياتنا مبقاش موجود ولا هنقابلهم تاني.. شوية طوب بيوقفوا طريق حياة الناس اللي كانوا حولين اللي مات.. الوقفة مش طويلة دائمًا.. بس في ناس يستاهلو نقف عندهم للنهاية وأنا معنديش دلوقت حتى وقت للوقفة.. الميت بقى نفسه مش حاسس بأي حاجة هو تقريباً بيقى أكثر واحد مبسوط في المناسبة دي.. ده غير إن الموت بيخلية يحلو كمان..

- أهدى يا جدو.. أنا أول مرة أشوفك عصبي كده.. للدرجادي كنت بتحبها؟

ضحك الجد ضحكة قصيرة وهو ينظر من الشباك جانبه.. وقال وقد بدأ يهدأ:

- مفيش حاجة اسمها حب.. في تفهم وممكن تعود.. اللي بيفهمك من غير ما تتكلم.. اللي بيسمعك لما تتكلم.. اللي بيستك لما تكون مش عايز تسمع.. اللي بيكمel كل حاجة ناقصة فيك.. نص البارل اللي ناقص منك.. النص ده في منه كتير في الدنيا.. بس مش سهل تخلق الظروف تاني اللي تخليك تلاقيه.. وللي تخليك تتأكد أنك فعلًا لقيته.. وأنا لقيت كاريمان كتير.. كاريمان كانت إجابة واضحة..

- طب عايزنا نطلع على فين دلوقت يا حاج أسامة منير؟

- خلينا نروح نسد اللي علينا يا حاج لطافة..

\* \* \*

يخرج الجد من بوابة (بلبع) بعد أن دفع فاتورة أمس.. أخبر العامل أنه حدث سوء تفاصيل وأنهم وردهم إتصال يحمل خبر حالة وفاة مما جعلهم ينصرفون بسرعة وكل منهم ظن أن الآخر قد دفع.. وتنفس العامل الصعداء بعد أن أعد نفسه لخصم الفاتورة من راتبه، ومنحه الجد 100 جنيه في جانب بعيد كإعتذار..

وعندما خرج الجد كان (شادي) قد أنهى من عد رزمة النقود التي أعطاها له الجد بعد أن خرج من البنك، وإنشغل بالتلقيب في ورقة الأحلام.. فتح (شادي) لجذع الباب ونظره لازال معلقاً بالورقة وقال:

- معلش يا جدو أذرني يعني.. أحلامك فيها شوية حاجات حاسسها مش راكبة على بعض وحاجات تافهة..

- أنا مش فاكر منهم كتير أصلًا.. بس أنت كنت متوقع أيه يعني؟

- هو بصراحة اللي مكتننس متوقعه إني ألاقي مكتوب.. بحلم أخلص أقساط العربية.. يعني حتى يا جدو مفيش أي لمحة فلسفية كده في الحلم..

- معلش المرة الجاية هبقى أكلم سocrates بيجي يكتبلي أحلامي.. المهم هنعمل أيه دلوقتي..

- ما احنا متفقين يا جدو.. هنحقق الأحلام..

- بس شوفلنا مكان نأكل فيه الأول.. ومكان تشتري منه قلم علشان تشطب ع الحلم ده لأنني حققته فعلًا..

”بحلم أن أنهى من أقساط السيارة بدون مشاكل“

\* \* \*

## (14)

اليوم العالمي لتنفيذ الأحلام..

بعد أن قاما بمسح أوانى الألمنيوم التي يصنع فيها مطعم (ألبان سويسرا) أطباقه و يقدمها كما هي.. كان الجد يلوك اللقمة الأخيرة التي يختلط فيها قطع السجق الإسكندراني بالجبنه السويسري السائلة.. لاكها بيضاء وهو يستشعر ذرات الجبنه وهي تتخل أنحاء جسده.. أما (شادي) فقد انفلت منه آنة كأنه يمارس الجنس مع الطعام..

حمل الطعام الجد إلى جنة بيضاء على حواجزها شلالات الجبنه السويسري الدافئة.. التي شقت الجنة لتصنع أنهااراً.. والجد يبحر في أحد الأنهر وهو مستلقي على قطعة من السجق الإسكندراني.. يقلب وجهه للناحية الأخرى ليجد حبيبته و..

- روحت فين يا جدو؟

أخرج صوت (شادي) جده من الجنة.. فنظر له الجد غير فاهماً فتابع (شادي) :

- أيه رأيك في الأكل؟

- مش عارف..

- أيه معجبكش؟

- لا مش عارف السجق أحلى ولا الجبنه المشكلة.. في حاجة غلط..

و قبل أن يكمل كلامه كان العامل بالمطعم الصغير.. يرفع الأطباق الفارغة ويضع طبقين أحديهما على كوارث طبيعية.. تختلط فيها نيازك القشطة ببراكين مربي الفراولة وإنهيارات العسل الأسود بتسموني النوتيللا.. كان الجد يستعد لأخذ خطوة للفردوس.. حين أكمل (شادي) المحادثة:

- طيب نقدر نقول أنك مجربيتش حاجة شبه الأكل ده قبل كده؟

- ممكن نقول أي حاجة يا وسخ لو سكت أنت وسيبتننا نشوف الطبق ده بيقول

أيه..

وقطع الجد قطعة من الرغيف مررها على كل ما يحويه الطبق كأنها ترقص البالية المائي لتكون مفتاحه لجنة أخرى.. وفي نفس الوقت كان يخرج شادي القلم ويخط خطه الأول داخله فوق أحدى السطور..

“بحلم بتجربة شيء مختلف”

\* \* \*

- بتركن ليه؟

- علشان هنزل النفق ونعدى الناحية الثانية.. هنمشي من هنا لغاية القلعة يا جدو..

- وحياة جدك!! هنمسي برجلتي دي..

- علشان كده سيبتك في المطعم شوية وروحت حبيت ده..

كان كرسي متتحرك.. أرتفع حاجب الجد وهو يلوى شفاه.. فبادله (شادي) إماءة برأسه مع نظره مصممة.. على الكورنيش وانطلق شادي يدفع جده بسرعة.. وسرعة أكبر.. أكبر.. حتى تفاعل الجد وتحول من مجرد عجوز مستلقى إلى طفل يمرح مع صديقه الذي تحولت خطواته لقفزات ليلاحقه.. وما إن وصلا إلى القلعة حتى أخرج (شادي) الورقة وشطب حلما آخر..

“بحلم أن أعود لفعل الأشياء التي كنت أحب فعلها”

دخلـا إلى (جيـلاتـيـ عـزـهـ) وتركـ (شـاديـ) الجـدـ ليـ طـلبـ لـهـماـ ثـمـ سـأـلـ عنـ دـوـرـةـ المـيـاهـ وـ ذـهـبـ تـجـاهـهـاـ،ـ وـلـكـنـ لـمـ يـدـخـلـهـاـ إـنـمـاـ تـسـلـلـ لـلـخـارـجـ لـيـفـعـلـ شـئـ مـاـ فـيـ مـكـانـ قـرـيبـ،ـ وـعـنـدـمـاـ عـادـ أـسـتـقـبـلـهـ الجـدـ الجـالـسـ عـلـىـ كـرـسـيـ المـتـحـرـكـ فـيـ يـدـهـ مـخـرـوطـينـ سـالـ عـلـىـ طـرـفيـهـماـ بـعـضـ الـأـيـسـ كـرـيمـ..ـ قـالـ بـصـوـتـ عـالـيـ لـيـنـظـرـ لـهـ رـوـادـ المـحلـ:

- ساعـةـ فـيـ الحـمـامـ!!

- خـلاـصـ يـاـ جـدوـ فـضـحـتـنـيـ..ـ المـحـلـ كـلـهـ عـرـفـ إـنـيـ كـنـتـ بـعـملـ حـمـامـ..ـ

فـأـكـمـلـ الجـدـ بـصـوـتـ أـهـدـأـ:

- ما يمكن مكنتش بتعمل حمام وكنت بتكتب ع الحيطة سالب ببحث عن شريك الحياة ورقم تليفونك..

- مقبولة منك يا جدو..

- يابني متتكسفش ده توجهك الجنسي.. أنت حر..

- خلاص يا جدو خلاص.. تعالا هوريك حاجة..

- متورنيش يا شادي.. أنا متأكد أنك معنديكش حاجة..

ضحك (شادي) ضحكة قصيرة وهو بعض على قشرة شفته اليسري ويوجه الكرسي للخارج:

- والله أنت رايق..

- طب خد يا رايق الجيلاتي بتاعك بدل ما أنا متذنب كده..

أخذه (شادي) للخارج.. متوجهًا به إلى مكان يعلمه الجد جيدًا.. مكان يحمل كثيراً من الذكريات التي حكى بعضها لـ(شادي) سابقًا..

- أنت جايينا هنا ليه؟

- هتعرف..

لم يزد عليها (شادي) وأسند جده ليقف ومشي به حتى يجلسا ع السور لترحب بهم قطرات من البحر.. ورأى الجد ما أراد (شادي).. لقد كان القفل الذي أستله (شادي) من الصندوق دون أن يدرى الجد.. معلقاً في أحدى حلقات الصخور.. نظر (شادي) لجده ليرى وقع الأمر عليه.. ثم وضع المفتاح في يد الجد.. وأبتعد..

وقف يراقب الجد من بعيد وأخرج الورقة وشطب أحد السطور..

”بحلم عندما أعود من غياب لا تكون الأشياء المهمة قد أختفت“

ثم أكمل مراقبته للجد الذي وقف وألقى بالمفتاح في البحر بأقصى إمتداد ذراعه.. فقلب (شادي) الورقة وبحث عن سطر آخر..

”بحلم أن أسلم مفاتيح قلبي لحب يبقى للأبد“

وعندما عاد بعينه كان الجد يشير له وهو يقول:

- يلا بینا؟

أقترب منه (شادي) وأستلم قيادة الكرسي..

- يلا بینا..

- خلص بقى وشوغلنا تاكسي بدل الكرسي ده.. يا إما تطلع تشحت بيا قصاد أبو العباس أحسن..

- نعدى الطريق الأول.. ومتسألنيش ليه..

- ماشي.. بس ليه؟

- أيه يا جدو أنت مش واثق فيا ولا أيه؟

- بصراحة.. لأ..

- هي دي الروح المطلوبة..

يقف (شادي) ممسكاً بالكرسي أمام الطريق (الفاست موشن) يتحين التوقف اللحظي.. ثم قال مقلداً الصوت الذي يصدر من سماعات الطائرة:

- نرجو من السادة الركاب ربط الأحزمة.. وعدم الوقوف.. تن تن تن..

ثم جرى وهو يدفع الجد.. وأنطلقت صرخات الجد وصرخات (شادي) أيضاً رغمما عنه.. حتى وصلا للناحية الأخرى.. قال الجد منفعلاً وهو ينهج:

- الله يخربيت سينيك كنت هتموتنا..

رد (شادي) وهو يتمالك أنفاسه:

- بص للجانب الإيجابي يا جدو.. إحنا كده حققنا حلم كمان..

وأخرج الورقة وشطب سطراً آخر..

“بحلم أن أعبر طريق الموت دون أن يدركني”

- علشان تحقق حلم تقوم تموتنا يا وسخ؟
- مش بيقولوا يا جدو الآمال العظيمة تحتاج لتضحيات عظيمة..
- طب هنعمل أيه دلوقت يا سنت أمال؟
- هحقلك حلم أنك تقابل أسطورة.. أنا مستبني تليفون من حد كده بيشوفلي سكة الأسطورة فين.. آه صحيح أنا فتحت التليفون ولقيت أبيها متصل بيها بتاع 27 مرة وكلمته وعارف أنك معايا.. الدار أتصلوا بيها بعد ما الـ 24 ساعة عدوا..
- قالك أيه؟
- المشكلة مش في اللي قاله.. المشكلة في اللي هي عمله لما نرجع..
- قال الجد مصححاً:
- لما ترجع.. وهتعمل أيه؟
- هنقابل الأسطورة..
- وأمسك مقبضي الكرسي وبدأ في دفعه..

\* \* \*

## (15)

قهوة المُلْخ.. الأزاريطه..

ليس سهلاً أن تقرأ اسمها صحيحاً بتلك البساطة المكتوب عليها الاسم بدون تشكيلاً.. يافطة وضعت قبل بدء الخلقة.. لقهوة تأتي من عصور ما قبل الجمهوريات العسكرية.. تترافق على حوائطها صور للعلم الأخضر، وأناس بطرابيش، وقائمة أسعار بالملاليم.. والشيش النحاسية المتراسة في صفين علوي.. وكاسيت يصدر منه صوت (عبد الحليم حافظ) وهو يغني (موعد) بصوت شرخته عوامل التعرية..

وكان هو يجلس هناك يدخن أحجار السلوم التي فرقع فحمنها إثر انفاسه.. تصبغه عظمة من جلس على العرش الحديدي في نهاية الصراع.. أما (شادي) وجده فوقاً في طرف خفي مظلم..

- معرفتوش برضه يا جدو؟

- ياض أنا أصلًا مش عارف أنت بتشاور على مين!

- طب تعالا يا جدو.. علشان أعرفك على الأسطورة..

أقبلًا عليه مع عكاير الجد ليظهر لهما تماماً بترجمه الأزرق.. وشاربه الكث التي تتناثر فيه الشعيرات البيضاء.. مع بقعة (سامي العدل) البيضاء في شعره.. ووجه وجسد يليق بمقاتل من القايكينج.. يحمل لقب (أحمد التابع).. قال (شادي) وهو يمد يده مسلماً:

- أزيك يا عم أحمد..

قام من مجلسه، ورحب بتواضع بصوته الأحسن ويد كسبت حشونتها من الشقاء في عالم المعدات:

- أزيك أبيب قلبي..

ثم أشار (شادي) إلى جده معرفاً:

- جدو..

- أزيك أجدو.. أتفضلو أتفضلو.. تشربوا أيه؟

كان الجد هنا لأول مرة هو من لا يفهم ما يدور.. نظر لشادي نظرة تقول "مين ده؟.." فأشار (شادي) على (أحمد التابع) وهو يقول:

- هو ده الأسطورة..

كان الجد ينظر لـ(التابع) نظرة متفحصة حين أطلق سحابة دخان من فمه تكفي لأن تظلل الإسكندرية بالكامل، وأكد:

- أنا الأسطورة.. أنت مشفتتش الفيلم ولا أيه أ جدو؟

حکى (التابع) عن (هبة) التي سجلت له مكالماتهم الجنسية ونشرتها على الـ(Youtube) لتحقيق شهرة واسعة له.. شهرة رفضها في البداية وتنصل منها، ولكنه استسلم لها وبدأ الاستفادة منها.. (التابع) حين يحكي يختلف الكثير من الأحداث، ولكنه حكاياته تحتوي دوماً على أخطاء فادحة.. فيقول أن مهندس الموقع هو من سجل المكالمات ثم يؤكد أن (هبة) شخصية حقيقة وأنه قابلها وكان معه صور لها ولكنها سافرت للإمارات!

ثم يحكي عن (جيسيكا) المديرة الأجنبية التي عشقته عندما رأته يتحكم باللودر ويجعله يميل على جانب لينفذ مهمة مستحيلة.. (جيسيكا) أيضاً سافرت لكن لبلجيكا!

ثم يحكي وهو يضحك عن أنه لم يكن يعرف من هو أصلاً (رامز جلال) الذي أستضافه في البرنامج.. ثم يكمل وهو يطلق دخانه:

- الواد سعيد ابن الوصخة.. إدوله 50 ألف جنيه.. حسبة إنه يديلي نصهم.. أداني 5 وضرب الباقي في جيبي.. بس إحنا مسامحينه..

قال (شادي) كلاماً وإن لم يحسن تعبيره.. ولكن الجد فهمه، ورأى أين تكمن الأسطورية.. أسطورية الرجل تكمن في أن تعبيراته وجمله لازال الكثير يرددتها رغم مرور سنوات عليها وهو أمر غريب في عصر تسارعت فيه الكوميديا للغاية، والإيفيه لا يبقى حياً فيه لمدة أسبوع.. أسطورية تكمن في شهرة من شيئاً غير أخلاقي وفقاً لمجتمع مدعى الأخلاق، ومع ذلك كانت شهرة غير مقتنة بالكره.. أسطورية تكمن في قلب الجميلة داخل جسد الوحش.. أسطورية تكمن في

رجل منقوع في مصاعب الحياة وعندما رتبت الحياة على كتفه لم يستسلم لغوايتها بسهولة.. ربما لو أستمر في إحتفاؤه لتضاعفت الأسطورية.. فالإحتفاء دوماً ما يمنح الأسطورية والتقديس.. أياً كان هناك لمحات أسطورية تجعل (شادي) محقاً.. إنه أسطورة..

كان (التابع) مستمراً في أحدى حكاياته عن المعارك والرحلات التي خاضها حول (كفر عشري) حيث نساء (الأباصرى) وأباطرة (أبو جريشة) وجيوش (صبيحي العو).. قاتلهم (التابع) جميعاً وخرج بدون جرح واحد..

كان (شادي) يستمع بإهتمام لحكايات.. إهتمام مشابه للإهتمام بأفلام التسلية.. هذا النوع من الحكايات يختلف عن حكايات جده.. نعم هو في النهاية قرر أن يصدق الجد رغم غرائبية حكاياته فهي بالمقارنة بحكايات (التابع) تعتبر أفلام وثائقية من إنتاج الـ(BBC)..

توقف (التابع) عن الجري في حواري حكاياته أمام حائط السؤال الأساسي.. ما العمل الذي يريده من هذا الشخص كما أخبره في الهاتف هل هو عمل يخص المعدات أم عمل جديد في الميديا.. "المرة دي لن يقبل بأقل من 7000 جني بأسكتهم".." هذه كانت الفكرة التي تدور برأسه قبل أن يقتلها (شادي) :

- لا هو جدو بس كان بيحلم يشوفك..

- ميجراش حاجة.. منور أجدو..

قالها وهو ينظر تجاه الجد، ولما لم يجد منه أي رد فعل عاد بنظره لـ(شادي) :

- بس هو قاعد ساكت من أول القعدة ليه؟

- آه صحيح يا جدو.. ما تحكي حكايتك لعم أحمد..

هز (التابع) رأسه موافقاً.. أما الجد فكان يعرف أن ما يريده (شادي) هو أن يحصل على سيرة حياة مرتبة.. وهو ما لم يكن ليفعله.. كانت الإذاعة قد جعلت (عبد الحليم) يتتحول إلى أغنية أخرى.. أنتبه الجد للصوت المشروح..

"لا لا لا تكذبي.. إني رأيتكم معاً.. ودعني الدموع فقد كرهت الأدمعا"

ثم قال:

- بس ممكن أحكي لكم حكاية الأغنية دي.. زي ما حكاها لي حد من أبطالها..

\* \* \*

1961 تقريرًا..

كان (كامل الشناوي) شاعرًا ورئيس تحرير ذو جسد سمين وقلب سمين أيضًا.. قلب مكتظ به الكثير من القاعات.. وكل قاعة تمتلئ بالعديد من التماشيل.. كان لديه قاعة خاصة للسيدات الصعب الحصول عليهن.. السيدات اللاتي تجذب الزوار كان يريدهم أن يكن له وحده.. حتى أتت (نجاة الصغيرة) لتجعل (كامل) يهدم كل التماشيل، ويجعل لها القلب كاملاً بإتساعه..

(نجاة) لم تحبه ولم تجده.. كانت في البداية وكان يساعدها.. كان يدفعها دفعاً للمقدمة.. فتح لها كل ما أستطيع من أبواب مغلقة.. وبنى لها كل سلم للصعود..  
فهل كانت لتجبيه؟

كانت لعبة شد حبل.. وكان هو دائمًا أمامها يصيّب الوهن ويصبح لاعبًا خاسراً..  
هل أحبته؟ لم تجده..

أحباه إتصال من مجهول.. يخبره بمكان يذهب إليه لو أراد أن يعرف هل تحبه أم لا.. وعندما ذهب رآها هناك بين أحضانه.. هل كان (يوسف إدريس) أم (يوسف السباعي) أم (نزار قباني)؟ أم (عز الدين ذو الفقار)؟ لا يفهم..

رحل بعدها إلى منزل (مصطفى أمين) بالزمالة ليبكى.. وجلس في غرفة يبكي يسمع نحيبه خلف الباب كل من (مصطفى) و (أحمد رجب).. حتى صمت وأخذ سماعة التليفون وأدار قرصه برقم (نجاة) وذهب (مصطفى) و(رجب) ليستمعا من سماعة أخرى.. قال (كامل) بصوت يدمع:

- لا تكذبي إني رأيتكم معاً.. ودعني الدموع فقد كرهت الأدمعا.. ما أهون الدمع الجسور إذا جرى.. من عين كاذبة فأنكر وإدعى.. إني رأيتكم.. إني سمعتكم.. عيناك في عينيه في شفتيه، في كفيه، في قدميه ويداك صارعتان ترتعشان من لھف عليه.. لا تكذبي..

أما هي فردت بصوت مرح:

- حلوة قوي يا كمولتي.. تنفع أغنية.. أنا لازم أغنّيها..

وصمت (كامل) ليدخل عليه (مصطفى) و(رجب) ليجدوه سقط أرضًا.. بعدها أكمل

(كامل) الأغنية لتعنّيها (نجاة) في فيلم (الشمع السوداء).. (كامل) لم يكره (نجاة).. (كامل) كره نفسه حتى مات بعد ذلك بعده سنوات قليلة..

من حكى لي هذه الحكاية هو (عبد الحليم) الذي غنى الأغنية بدون إستئذان (نجاة) كان يقصد أن يضايقها وقد فعل.. ما دخل (عبد الحليم) بكل هذه الحكاية أصلًا؟ (عبد الحليم) كان المجهول الذي أتصل به-(كامل)..

\* \* \*

- يا نهار أصوخ.. كيدهن عظيم أنت هتقولي.. محسوبك خبرة 9 خوازيف والله..

أخرجهم (التابع) من تأثير القصة بطريقته في الكلام.. ليضحك الكل، ويتبعهم (التابع) دون أن يعرف سبب الضحك.. صمت الجد لفترة ثم سأله (التابع):

- هو إحنا عايشين ليه يا أسطورة؟ أيه السبب اللي أنت عايش عشانه؟ فاهمني؟

أومئ (التابع) برأسه أنه يفهم.. أخذ نفس طويل من الشيشة لم يزفره وفتح فمه ليتسدل الدخان بهدوء إلى أعلى وهو يقول:

- إحنا عايشين علشان نطلع ميتين الناس اللي طلعوا ميتينا قبل كده..

لاقت الإجابة إستحسان الجد، في نهاية الجلسة أصر (شادي) على دفع الحساب وطلب (التابع) حجر آخر.. وبعد أن اتخذ (شادي) و(الجد) خطوات للخارج عاد (شادي) للتابع يسأله:

- متعرفش يا عم أحمد حد هنا بيع حشيش؟

- نعرف.. ممكن ندولوك على واحد بناء كلـه.. الإكس..

\* \* \*

## (16)

جراج الإكس..

مكان غير موجود على خرائط جوجل..

في أحدى الشوارع الجانبية من شارع الجيش.. شارع جانبي ينتهي بحائط سد.. وعلى أحد جانبه يكمن جراج في مستوى منخفض عن الأرض تعنى به الموبقات السبعة.. يقال أنه يعمل لصالح مجموعة من كبار مجرمي الإسكندرية، وقيل أيضاً أنه لصالح يعمل صالح واحد من كبار رجال الأمن..

يركن (شادي) السيارة بهدوء أمام كشك الكهرباء الصغير في الجانب.. بينما الجد ينهي حواره:

- في أسئلة بيكون وجودها هو السبب الوحيد في الإستمرار.. لما قابلت داود عبد السيد من فترة قريبة قالـي إنه مكمـل بـس عـلـشـان بـيدـور عـلـى إـجـابـة سـؤـال واحد.. "أـنـا مـبـدـع فـعـلـاً وـلـا لـأـ؟" ..

ثم أنتبه إلى أن (شادي) أوقف السيارة فسأل:

- هو إحنا هنا ليه؟

- جدو حاول تثق فيها شوية..

- مش قادر والله..

- هجيـلـنـا سيـجـارـتـين حـشـيشـ..

- مش بقولك مش قادر يا وسخ..

- طب تعالـا بـس مـتـقـلـقـنـيـش.. أـنـا مـقـلـقـ خـلـقـة..

باب الجراج أسود عليه خطان أحمران متقطعان تظاهرهما تلك اللمة الصفراء الصغيرة.. كان فيما قبل مضاف لهم (جراج خاص.. ممنوع الوقوف).. وبعد أن أعيد دهانه مع تجديد النشاط لم يكتب إلا تلك الـ(X) الحمراء..

يطرق (شادي) الباب وينتظر، ويتبادل النظارات مع الجد.. وقبل أن يطرق مرة أخرى.. أنكشفت فتحة في الباب لشخص أقرع ضخم تشع الهرمونات من جسده ذو عين تكاسل عنها اللحم فوقها اللحم المزدان بأثر خيطة طويلة.. إنه المسيح الدجال.. هكذا فكر شادي وأرتعد للفكرة.. ليقول الأقرع بصوت قادم من أحداث نهاية العالم:

- كلمة السر؟

تبادل (شادي) النظارات مع جده وهو يقول بأنه بنصف يتحدث مع الجد ونصف يتحدث مع الأقرع:

- محدث قالنا إن في كلمة سر!

ثم إنтиه (شادي) لمدى غباؤه.. أكان من الأفضل أن يخمن كلمة.. ولكن العجيب أن الأقرع سحب الملاج الحديدي.. فالحقيقة أنه لا توجد كلمة سر إنما هي فقط حملة تجعله يقيم الزبائن..

وفتح الباب.. أمسك الجد بكتف (شادي):

- أنا مش قادر أقف على رجلي.. هستناك في العربية.. هات المفتاح..

وأمام نظرات الأقرع لم يجد (شادي) فرصة ليقنع جده أن يدخل معه.. إثنان أفضل من واحد بالتأكيد، ولكن ناوله المفتاح ودخل.. وأغلق الباب..

يأخذ (شادي) خطوات متعددة بين الموسيقى ذات إيقاع السريع.. والأصوات مختلفة.. والدخان.. وزجاجات السستلا وال-ID.. والصدور والأوراك.. والـ.. دولاب..

وجوار الدولاب يقف شاب يمتلك قصة شعر (حسن الشافعي).. يتدلّى من صدره قلادة فضية ثقيلة فوق تيشيرته الأسود، وبهذه التي أمتلأ بخواتم تكفي مملكة الخواتم يمسك زجاجة ID بطيخ سوداء تحتوي في الحقيقة على فانتا تفاح.. فهو لا يقرب المحظورات.. قال (شادي) وهو يحاول أن يرسم دور الشاب الخطير:

- عايز حته حشيش تودي في حته تانية.. حته تلف سيجارتين يا وحش..

أخذ الشاب رشفة فانتا من زجاجته وقال بهدوء:

- لا نبيع الدخان خوفاً من الرحمن..

وأنتظر قليلاً ليرى وجه (شادي) ثم ضربه على كتفه لأنهما أصدقاء وهو يضحك:

- بهزز معاك يا وحش.. سايكو.. دراسات حرة تحت السرة.. مبدأ حياتي دماغي وحمامتي وحمد الله على سلامتي..

وضع (شادي) يده في يد (سايكو) الممدودة مصافحاً، وحاول أن يقلد طريقته في الحوار لكن لم يجد ما يقوله:

- شادي..

- شادي!! أنت من النهاردة شيتوس..

تدخل عليهم تلك المهرة العربية الأصيلة تستند على البار وتترك صدرها ليستريح عليه بحوار (شادي)، وقالت بصوت وأنفاس يمتلكان حنان بطانية محممية في ليالي بنایر:

- سايكو.. سيجارة..

- حمامة سايكو..

ناولها سيجارة من علبة التي يحملها فقط لتنفيذ الرغبات.. ثم ناولها الولاعة لتشعل السيجارة وهي على نفس الوضع.. ولم يستطع (شادي) أن يتمالك نفسه منأخذ فكرة عن هذا المنتج الذي يعد من أجود إنتاج الصدور المصرية.. ثم أنصرفت.. فلم يتماسك عنأخذ فكرة سريعة عن مؤخرتها وسمانتها.. قطع الفكرة صوت (سايكو) ليعد إتجاه نظر (شادي) إليه :

- توتة اللولة.. اللي تديها في القلة تقول يا حلولة.. بحبها والله البت دي.. بنت حرام وتستأهل كل خير والله.. حكمة حياتها الصدر مفتاح الفرج.. وربنا فرجها عليها من وسع الحقيقة.. لو حبتها أنا عندي جوه أووضة إيجار قديم بـ 500 جنيه الساعة بس.. وهي كانت بتلاعليك على فكرة..

- لا لا لا.. أنا عايز اللي قولتلك عليه بس..

- أيه شيتوس خايف يطلع من هنا ملفوف في ملابسة بيضاء؟

فكر (شادي) للحظة وأنغلقت الإجابة التي تصئ عقله مع إنذار مضيء بالأحمر:

- آه..

- دي وجع ولا دلع؟! أنت أصلًا ممکن تطلع من هنا حالاً ملفوف في ملاية بيضاء..  
قالها بهدوء، وأنظر قليلاً ليري وجه (شادي) ثم ضربه على كتفه مرة أخرى وهو يضحك:

- بهزز معاك.. الحالة الوحيدة اللي ممکن تطلع فيها من هنا ملفوف في ملاية بيضاء إنك تموت لا قدر الله.. هنلفك ونرموك في الجبل..

صمت (شادي) للحظة ثم ضحك وكأنه أدرك المزحة:

- بتهزز برضه؟

فرد بدون أي أثر للمزاح:

- لا بتكلم بحد يا شيتوس إحنا بنرمي واحد كل الأقل كل أسبوع.. قولتلي عايز أيه بقى غير توتة اللولة؟

- توتة أيه!! أنا عايز حشيش بس..

\* \* \*

كان الجد قد بدأ في القلق من تأخر (شادي)، ولكن مع ذلك حاول أن يمهله 5 دقائق أخرى قبل أن يدخل ليطمئن.. حتى أنه حاول أن يغفل.. حتى أنت تلك الأنوار المتباطئة من الخلف..

توقفت الجيب رانجلر موديل 96 صاحبة الضوء خلف الهيونداي.. ونزل منها ذلك الشخص الذي أقترب لتفحص الهيونداي يتتأكد بشيئاً يدور بخلده.. كان الجد الآن في قاع السيارة يملؤه التوتر يغطى نفسه بالباطو معتقداً أنه مع الضوء الخافت القادم من تلك اللامبة والشارع سيكون ستاراً مناسباً وقد كان.. ولم يسمع إلى صوت طرقة.. غالباً إنها ركلة من الشخص لاصدام ولابد أيضاً أنها ألمته..

يسمع الجد خطوات ذلك الشخص وهي تبتعد.. يطرق الشخص بوابة الجراج.. وما أن يفتح الشباك حتى حشر ما أستطيع من وجهه فيها وهو يقول:

- أحلى مسا بروفيشنال.. بقولك... .

وقبل أن يكمل أظلمت الأنوار عن الشارع.. وصرخ الأطفال فرحاً، وقال شخصاً ما في أحد الشقق "الله يخربيتك يا مرسي!"

\* \* \*

## (17)

- خد مني بقى المفید اللذید وحطه في الدهالیز.. أنت بتعرف تلف الأول؟

قالها (سايكو) ونظر لـ(شادي) الذي يفكر:

- بيقى ما بتعرفيش يا شيتوس.. متقلقش عندي سجائر ملفوفة للعيال الهتيبة اللي زيك..

ثم ضربه على كتفه:

- بهزز معاك.. بص أنا تاخد مني سيجارة أستفة جديدة اسمها الأستاذ مدحت صالح كوكب تاني.. تسخن بيها تطلع منها بقى على مرحلة الوحش سيجارة (غياب الجوب) متكترش عن نفسين.. تطلع فوق تدعى لسايكو وتنزل على طول.. وأوعى تضرب غيابة لوحدها وإلى هتغيب معاك وتقلب بغيوبة.. آمين؟

- خليهم بقى 2 الأستاذ مدحت و2 غيابة.. كام كده؟

كان يؤمن بأن الإستغلال من المحظورات ولكنه كذلك يؤمن أكثر بأن (الدولارات تبيح المحظورات)..

- بص هو السعر كبير شوية.. 7 جني..

توقف (شادي) عن إخراج النقود ليتأكد من الرقم.. و.. ضربة كتف لعينة أخرى:

- بهزز معاك.. 700 يا شيتوس.. والسعر مش شامل الدعوة اللي هتدعيهالي..

وفتح (سايكو) علبة ضخمة داخل الدولاب.. مرصوص فيها بعض السجائر ملفوفة بالإضافة إلى سجائر (Smoking) القابلة للتبغة.. كل صف يحتوى على نوع معلم فلتره بلون من قلم ماركر كدليل على نسب ما تحويه السيجارة إلى العائلات الكيميائية (JWH, THC, HU, AM) تبادلا النقود والسيجائر.. وفجأة أظلمت الأنوار.. وسمعت أصوات غريبة، وبعدها بثوانٍ شعر (شادي) بتلك اليد تحضنه بعنف..

\* \* \*

ما أن خرجا من الباب وسط الظلام الدامس قال المحتضن:

- أركب بسرعة..

- جدو! هو في أبيه؟

- أخلص مفيش وقت..

- الباب مبيفتحش..

- أركب ورا..

وأدأر الجد السيارة ورجع للخلف بكل سرعة.. ليجبر الرانجلر أن تعود للخلف متزمنة.. لتصطدم بها سيارة أخرى على الطريق وتجعلها تدور.. وانطلق الجد بين السيارات وهو لا زال في وضع الرجوع للخلف.. مع موسيقى تصويرية مكونة من صرخات شادي وتساؤله مراراً وتكراراً "في أبيه؟؟ في أبيه؟؟" وأصوات إرتطامه بجانبي السيارة.. حتى أبتعدا..

\* \* \*

"في أبيه؟؟ في أبيه؟؟"

كان الجد في السيارة عندما رأى ذلك الشخص يتفحصها.. إنه يشبه نفس الشخص من العصابة التي كانت تنتوي سرقة سيارتهم.. صوت الركلة أكدت أنه يعرف السيارة.. إنه هو نفس الشخص بالتأكيد.. هل علم هذا الشخص بأننا أحرقنا سيارته؟ بالتأكيد أنه علم.. هل سيحرق السيارة وهو داخلها؟ لم يفعل.. ربما لأنه أعتقد أنهم شركاء بشكل ما في عالم الإجرام وهو ليس بقديم في هذا العالم.. وسيكون قد أخطئ مرتين مرة عندما أعتدى عليهم ومرة عندما حاول أن يؤخذ حقه.. الشخص يأخذ خطوات نحو باب الجراج وهو يرتدي أفكاره.. (شادي) بالداخل وهو يعرف وجه (شادي).. وصندوق الكهرباء يقف أمام السيارة.. خطوات الشخص رافقها خطوات الجد.. الباب ينفتح.. والجد يحشر عينه في الداخل ليرى موضع (شادي) ثم يخفض كل الأزرار.. ويستغل الباب المفتوح ليدخل للداخل وتعامل مع كل جسد يؤخر تقدمه بواسطة عكاشه.. سيطر على الهدف وأنسحب بدون خسائر.. هذه أمور تعلمها من مكان ما..

التحرك بهذه السيارة الآن خطر ولابد من ركبتها في مكان ما ووضع غطاء عليها.. حتى تمر عدة ساعات قبل أن ينطلقوا بالسيارة مرة أخرى مبتعدين عن إسكندرية بطريقه ما.. لابد أن يغيرا السيارة.. من الممكن أن يؤجرا سيارة نقل مقطأة تنقل السيارة.. كانت كل تلك الأفكار الأخيرة يقولها (شادي) بسرعة أكبر من سرعة نبضات الألم التي تلم برأسه.. حين قال جده:

- سيبك بقى من أم العربية دي.. إحنا هنرميها في أي حته بدل ما نروح معاهـا..
- بس العربية دي في عهـدتـنا يا جدو.. يعني حقـنا ومظـنـش أـنـكـ عـاـيـزـناـ نـسـيـبـ حقـناـ كـدـهـ دـهـ ضدـ حـلـمـ أـنـتـ كـاتـبـهـ فيـ الـوـرـقـةـ عـلـىـ فـكـرـهـ..  
كان الجد يأكل فمه متـماـسـكاـ.. زـفـرـ منـ أـنـفـهـ وـهـوـ يـنـظـرـ لـ(ـشـادـيـ)ـ ثـمـ قـالـ:
- رـوـحـ أـشـتـريـ غـطـاـ للـعـرـبـيـةـ.. لـسـهـ باـقـيـ مـعـاكـ فـلوـسـ؟

\* \* \*

على الشاطئ المظلم.. لم تظهر إلى نقاط نور بعيدة لمجموعة شباب يصطحبون.. ومحبين أبعد يتبدلـاـ بـعـضـاـ منـ القـبـلـ مـسـرـوـقـهـ.. أما المسيطر فـكـانـ سـيـمـفـونـيـةـ الـأـمـوـاجـ..

- قال شادي وهو يفترش الأرض ليحاور جده وهو يضحك:
- عارف يا جدو لما جيت حضنتـنيـ فيـ الجـرـاجـ كـنـتـ فـاـكـرـكـ بـتـ..
  - تصدق يا شادي نفس الإحساس بالظبط.. كنت فاكرك راحل..
  - ماشي يا جدو..
  - متزعـلـشـ كـدـهـ.. دـهـ عبدـ العـزـيزـ البـشـرـيـ مـزـعـلـشـ كـدـهـ منـ حـافـظـ إـبرـاهـيمـ لـماـ قـالـهـالـهـ..
  - طـبـ فـكـكـ بـقـىـ ياـ جـدوـ مـنـ النـاسـ بـتـوعـكـ دولـ.. وـخـلـيـنـاـ نـشـوفـ السـيـجـارـتـينـ دولـ..
  - سـيـجـارـتـينـ!!ـ يعنيـ أـمـبـارـحـ عـامـليـ فـيـهاـ مـجـديـ يـعـقوـبـ وـالـنـهـارـدـةـ عـامـليـ عـزـ حـفـيـ؟
  - أـعـملـ أـيـهـ طـيـبـ فـيـ أحـلـامـكـ!!

- ده أنهي حلم ده اللي أستغلية علشان تحشش يا وسخ؟

- نشرب بس سيجارتين مدحت دول وأنا هقولك..

في يد كل منهم سيجارة.. سيجارة وإن أطلقت السعال في البداية إلا أنها أنتهت بمسح كل الأصوات من الخلفية.. وجعلت أصوات الأمواج تختلف تشبه فิروز وهي تغنى "أنا لحبيبي وحبيبي إلي" ولكنه صوت بعيد.. حتى بنات الأفكار ذهبن في رحلة سحاقية صامتة.. صحراء ليست بها حتى غراب ينعق..

أخرج (شادي) السيجارة الأخرى ذات النقطة الخضراء.. سيجارة ستكتفل الأنفاس للأثنين.. النفس الأول أطلق بعض الهواء في الصحراء ثم عادت لطبيعتها.. النفس الثاني أطلق عاصفة ولكنها هدئت.. لقد قال (سايكو) نفسان ليس أكثر ولكن لم يحدث أي شيئاً بعد.. لا بأس بعده أنفاس أخرى.. وتناولوا (شادي) وجده على السيجارة.. التي لم تطلق إلا زعابيب في الصحراء أو تجعل كرة من الأغصان المتيسسة تمر بها أو تغيرلونها إلى الأبيض والأسود أو تظلم، ولكنها تعود دوماً صحراء خالية.. سأدعى عليك يا (سايكو) لن أدعى لك.. هكذا فكر (شادي) وهو يمد يده في جيده ناوياً إخراج السيجارة الأخرى.. حين قال الجد بصوت بطئ وهو يلكر (شادي):

- سامع صفاره القطر؟

حاول (شادي) أن ينصلح أكثر:

- أنا مش سامع إلا صوت طيارة..

تذكرة الـ(غياب) تختلف رحلاتها باختلاف المخ الذي تلتصلق به تركيباتها الكيميائية.. مخ تنطلق في صحراؤه قطار.. ومخ تهبط طائرة إلى مدرج ظهر فجأة في الصحراء.. رحلة غرائبية تتنفس فيها الأرضي، ويتحول الأشخاص إلى حيوانات.. وتنفتح السماء لتكتشف عن الآلهة الإغريقية.. كل شيء هنا.. كل الأفكار كل الأشخاص كل الحكايات ممزوجين تماماً إنما رحلة انتقال آني مزجت بوابة خروجها الإلكترونيات.. طيارة (شادي) تسقط بسرعة دالفة إلى فم والده.. وقطار الجد يدلُّ إلى نفق مثلث الشكل وضعَت عليه يافطة "مرحباً بك في مثلث بارمودا".." الطيارة تسبح في أعماق المحيط.. والقطار يعشى في الفضاء..

حيتان.. حوريات بحر.. كائنات فضائية.. سيد قشطة.. عناكب عملاقة.. عش الغراب.. ألعاب نارية.. نجوم.. قوس قزح..

ألوان قوس قزح تتفرد..

أزرق..

أصفر..

أحمر..

لا لون..

وأستيقظ (شادي) صارخا .. صرخة جعلت السلطعون الذي قرص أنفه يتبعد  
خائفا، نظر (شادي) حوله.. و..

تبّا.. ما الذي يحدث هنا؟!!

\* \* \*

## (18)

حينما فتح (شادي) عينه لم يكونا في نفس الشاطئ.. نعم هو شاطئ.. ولكن هذه الجبال لم تكن موجودة هنا!

أستيقظ الجد بسبب صرخة (شادي) وقال بصوت متعب وهو يغمض عينه ويفتحها طارداً بقايا الهلوسة:

- الله يخربيت سينيك.. أنت شربتنا أيه؟

- والنبي يا جدو أستنى أما نشوف المصيبة اللي إحنا فيها دي الأول..

كان الوضع كالتالي.. (شادي) وحده مغمومسان في الرمال لا تظهر إلا رأسهما.. وبجوارهما على الشاطئ تماثيل رملية لنساء مستلقيات بعضهم عاري والآخر يرتدي البكيني المصنوع من الأكياس السوداء التي يلقيها البحر.. وإنشائات رملية أخرى.. والسيارة!

السيارة مختلفة.. فإنصاراتها القديمة قد عولجت، وإن كانت قد أكتسبت إصابات جديدة.. السيارة تحولت من الفضي إلى أحمر يختلط مع اللهب.. وعلى باب السيارة كتب بخط أسود كبير S&M.. والباب الآخر كتب عليه الرقم 100.. مع بعض الإكسسورات التي منحتها تنكرًا رياضيًّا.. بعد أن تخلصا بصعوبة من وضعية الزرع السابقة.. لم يستكملا الجد لومة.. فلم يكن أحد يفهم ما الذي يدور هنا.. لم يكن أحد يجد حتى ما يقوله..

كانا بملابس مختلفة أكثر شبابية وأكثر إمتلائًا بالرمال.. ركبا السيارة التي كانت مفتوحة.. المفتاح موجود بالداخل لحسن الحظ.. أدار (شادي) السيارة.. ثم لاحظ في المرأة أن الزجاج الخلفي مغطى بشيئًا ما ليحجب الرؤية.. زفر وهو ينظر للخلف.. لاحظ الجد ذلك.. فقال:

- هنزل أنا.. وأفتحلي الشنطة علشان واضح إن إحنا هنلاقي فيها جثة..

في الخلف كان ملصق على السيارة ستيكر يملئ الزجاج.. لصورة الجد (شادي) يرتديان كابان، وهم يخرجان لسانهما ويشيرا لبعضهم بأيدي بخنصر وبنصر مضمومان كنجوم الراب.. حاول الجد نزعه كأنه يداري فضيحة، ولكنه صنع بطريقة تجعله لا ينزع ففتش بصعوبة جزء يسمح حتى بالرؤية..

الحقيقة لم تحتوى على أي جريمة.. إلا إن كانت الأشياء التي بها مسروق..  
مجموعة من الملابس وعلبة وأدوات أخرى وقوعة!

كان (شادي) في نفس الوقت قد نزل من السيارة ولكن ليخرج ورقة الأحلام التي كانت موضوعة أسفل المساحة.. ورقة الأحلام التي كانت قد تصاعفت أحلامها المشطوبة.. ورقة الأحلام التي كانت تحوي دائرة تدل على إتجاههم.. حين سمع (شادي) جده يناديه:

- شادي.. تعالا غير هدولك إحنا تقربياً سرقنا زارا..

توجه (شادي) له وهو يشير للورقة:

- وتقربياً أنا كمان عرفت إحنا كنا رايحين فين.. أية الصورة دي يا جدو؟

تبادل النظرات.. بينما ظلت يد (شادي) موجهة للدائرة التي كتب فيها (مارينا) مع رقم تليفون..

\* \* \*

مارينا-20 كيلو..

- دلوقتي يا جدو في أحلام مشطوب عليها وأنا مش عارف إحنا حققناها إزاي..  
في أحلام أقدر أتوقع إن إحنا عملناها بس مكناش شطبناها.. يعني..

“بحلم زيارة عالم مختلف”

- وده الحلم اللي جبب السיגارتين علشانه أصلاً وهما حققوا ده وزيادة..  
كمان..

“بحلم أن أنقذ حياة شخص يستحق”

- أنت أنقذت حياتي أكثر من مرة..

- ده على أساس إن أنت تستحق يعني..

- عديها يا جدو.. وبعدين لو مكنتش أستحق كنت هتنقذني مرتين يعني! خليني  
أكمل..

**”بحلم أن أفوز في معاركى“**

- ممکن نكون أعتبرنا إن اللي عملته في الكاشير ده معركة يعني.. وكمان..

**”بحلم أن يعود بي العمر إلى الخلف عشر سنوات“**

- أنت كام سنة يا جدو؟

- سبعين وشوية حلوين..

- طيب أنت باللي أنت لابسه ده متجميسن 20 سنة.. بس في بقى حاجات مش مريحة يعني..

**”بحلم بالقضاء على كل من يعطل طريقي“**

**”بحلم أن يحترق من جعلوا الحياة أصعب“**

**”بحلم أن أحصل على أموال تكفيني طوال حياتي“**

- الأخيرة دي أنا حققتها فعلًا..

قالها الجد وهو يخرج كارت الفيزا..

- أتمنى إن إحنا منكنش سرقنا بنك.. بس أنا فعلًا مش عارف إحنا حققنا الحاجات دي إزاي.. وفي غيرهم كمان..

**”بحلم بممارسة الجنس مع 100 سيدة مرة واحدة“**

- أنا مش فاكر الحلم ده أصلًا..

قالها الجد وهو يهز رأسه نافياً وأبقى يهزها كأنه ينفي التهمة عن نفسه.. فأكمل (شادي) :

- أياً كان يا جدو.. لسه في حاجات تانية مستحيل نكون لحقنا عملنا كل ده في الكام ساعة اللي فاتوا..

"نحن لسنا في نفس اليوم" هذه هي الفكرة المسيطرة.. موبايل (شادي) غير موجود.. الراديو إشارته ضعيفة.. وتذكر الجد شيئاً ما:

- صحيح في علبة موبايل تقريرًا في الشنطة..

كانت تقريرًا على بياض تحتوي على (iPhone 6) وخط فودافون لم ينزع من كارتة بعد.. الخط يحمل نفس رقم (شادي).. أخذ نفس وفكـرـ. الأمر بسيط لقد صاع موبايلي أو سرق أو أيـاـ كان.. لقد أشترينا موبايل جديد ومن أحد فروع فودافون استخرجت خط بنفس الرقم.. الأمر بسيط هذا أوضح ما يكون قد حدث خلال المدة الغير مفهومة أو معلومـةـ.. يضع الخط في الموبايل.. عدد من الرسائل وجرس.. تبادل النظر مع جده وضغط زر الإجابة..

- أـاـأـاـ.. أـلوـ..

صوت بكاء يتخلله:

- آخرتها.. شادي.. ليه؟..

(فرح) !!

- في أـيـهـ يا فـرـحـ؟

- أـنتـ الليـ فيـ أـيـهـ ياـ شـاديـ؟!

حـكتـ (فرح) عن تلك المـكـالـمـةـ التيـ دـارـتـ بـيـنـهـمـ.. أـتـصلـ بـهـاـ لـيـخـبـرـهـاـ أـنـهـ لـنـ يـكـمـلـ.. لـسـتـ قـطـعـةـ الـبـازـلـ الـمـنـاسـبـةـ! وـلـمـ تـكـوـنـيـ إـلـجـابـةـ الـواـضـحةـ! وـسـيـلـقـيـ الـهـاتـفـ بالـبـحـرـ لـيـشـهـدـ عـلـىـ هـذـهـ النـهـاـيـةـ! لـمـ تـفـهـمـ.. وـأـغـلـقـ المـوـبـاـيـلـ منـ وـقـتـهـاـ مـنـ حـوـالـيـ ثـلـاثـةـ أـيـامـ..

- من تـلـاتـ تـيـامـ! طـيـبـ ياـ فـرـحـ.. وـرـبـنـاـ يـكـرـمـكـ وـتـلـاقـيـ اـبـنـ الـحـلـالـ أـوـ غالـبـاـ اللـيـ أـمـكـ هـتـلـاقـيـهـولـكـ..

وـأـنـهـ الـمـكـالـمـةـ.. كـانـ قدـ ضـرـبـ القـاضـيـةـ وـهـوـ فـيـ غـيـرـ وـعـيـهـ وـأـرـادـ أـنـ يـجـربـ لـكـمةـ خـفـيـفـةـ بـعـدـ إـنـتـهـاءـ الـمـبـارـةـ.. تـنـ تـنـ.. الـمـبـارـةـ الـنـهـاـيـةـ حـسـمـتـ لـصـالـحـ (ـشـاديـ)..

هـنـاكـ رسـائـلـ عـرـفـ مـنـ أـرـقـامـهـاـ مـنـ وـالـدـتـهـ وـأـخـتـهـ يـتـرـجـاهـ بـأـنـ يـعـودـ لـلـمـنـزـلـ، وـرـسـالـةـ مـنـ وـالـدـهـ تـخـبـرـهـ بـأـلـاـ يـعـودـ أـبـدـاـ لـلـمـنـزـلـ.. وـرـسـالـةـ مـنـ (ـحـمـادـهـ) يـخـبـرـهـ بـأـنـ الـنـقـودـ وـصـلـتـ مـعـ سـبـةـ بـالـأـمـ.. غالـبـاـ نـقـودـ التـأـجـيـرـ.. هـكـذاـ فـكـرـ (ـشـاديـ) وـرـسـائـلـ عـدـةـ مـنـ (ـفـرـحـ) لـاـ تـهـمـ بـعـدـ فـوزـهـ.. قـالـ بـالـجـوـجـلـةـ عـلـىـ سـرـقـاتـ الـبـنـوكـ خـلـالـ الـأـيـامـ السـابـقـةـ، وـحـمـدـ اللـهـ أـنـهـ لـمـ يـجـدـ شـيءـ..

كان الفوز قد منح (شادي) الكثير من الحماسة جعلته يأخذ شهيق طويل وكأن حمل قد أنزع عن صدره.. فقاطعه الجد الذي يفكر:

- تلات تيام!! أنا مش قلقان غير إن إحنا نكون مطلوبين أو العربية متبلغ عنها.. الله يخربيت الزفت اللي شربتهولنا..

قالها الجد بعصبية.. فحاول (شادي) تهدئته:

- أنا غلطان.. بس ده كله عshan أفذلك حل...-

قاطعه الجد وترمومتر عصبيته يكاد ينفجر:

- الله يلعن ميتين أم أحلامي..

مررت دقائق حتى إستعاد الجد هدوؤه، وعاد بنظره لـ(شادي) الذي يحمل وجهه تعابير الأسف.. وقال:

- بعد كده قبل ما نعمل حاجة عايزين نفكـر فيها كويـس.. أـيه الأـحـمـرـ الليـ عندـك دـهـ؟!

قالها الجد وهو يشير لأنفه.. فنظر (شادي) في المرأة يتفحصها:

- دـهـ بـجـدـ!! أناـ كـنـتـ فـاكـرـهـ تـبعـ الـهـلـوـسـةـ!!

- هوـ أـيهـ؟

- الـبـنـاعـ الليـ قـرـصـنـيـ دـهـ الليـ اـسـمـهـ طـعـلـسـ... طـلـسـعـونـ.. سـطـلـعـونـ.. اـسـمـهـ أـيهـ؟

قال الجد وهو يضحك:

- سـطـلـعـونـ؟! طـبـ أـطـلـعـ ياـ سـطـلـعـونـ.. أـطـلـعـ..

- وـتـرـجـعـ تـقـولـيـ مـيـتـيـنـ أـمـ الـأـحـلـامـ.. ماـ نـرـجـعـ أـحـسـنـ..

- أـطـلـعـ ياـ وـسـخـ..

عاد (شادي) للقيادة وهو يقول:

- وبعدين يا جدو.. إحنا لو وقعنـا في أي مشكلة أنت هتطلعـنا منها مش أنت لواء  
برضه ولـيك عـلاقـاتـك؟

- تسمع عن خيل الحكومة يا شادي؟ الخيل كانت وسيلة النقل للهيئات الحكومية زمان.. ولسه الشرطة بـيستخدمـها في بعض الأماكن.. الخيل دي تفضل تشـتـغلـ لـحدـ ماـ تـكـبـرـ شـوـيـةـ.. وأـولـ ماـ بـتـكـبـرـ مـبـتـسـبـشـ تـطـلـعـ عـلـىـ المـعـاشـ.. لأنـهاـ هـتـفـضـلـ تـصـرـفـ أـكـلـ وـنـصـافـةـ وهيـ مـبـتـعـمـلـشـ المـطلـوبـ.. بـتـضـربـ بالـنـارـ بـيـنـ عـنـيـهـاـ عـلـشـانـ مـتـكـلـفـشـ رـصـاصـةـ تـانـيـةـ.. وـتـبـاعـ لـحـدـيقـةـ الـحـيـوانـ وـجـبـةـ لـأـسـدـ الليـ مـبـيـعـمـلـشـ حـاجـةـ غـيرـ أـنـهـ بـيـنـامـ عـلـىـ بـطـنـهـ أوـ عـلـىـ الـلـبـوـةـ الليـ جـايـيـنـهـاـهـ..

ثم أـسـتـدرـكـ:

- غالـباـ الأـسـدـ هـيـنـامـ عـلـيـنـاـ كـمـانـ قـبـلـ ماـ يـتـغـدـىـ بـيـنـاـ..

\* \* \*

## (19)

يافطة في منتصف الطريق كتب عليها "المتوجه إلى مارينا طريق جديد" مع سهم يشير إلى طريق في الصحراء بين جبلين.. لم يتكلم (شادي) أو الجد ولكن تبادل نظراتهم كان يعني أنهم سيجربون الطريق الجديد.. من ناحية كان كل تفكير الجد في الإبعاد عن البوابة.. البوابة التي في الغالب ستمنحهم المعرفة الصعبة لأن كانوا مطلوبين أو لا.. ولكن فلنبعده عنها ونجعلها الحل الأخير الآن.. أما (شادي) فكان يهتم لفكرة الجديد.. أنه يبحث عن المغامرة..

والمغامرة لا تتأخر لمن يبحث عنها.. لقد أنتهى ما يبدو أنه كان الطريق ولم يعد هناك إلا كثبان الرمال الصفراء.. وظهرت فجأة ثلاث سيارات دفع رباعي.. يحملن ملثمين ذو ملابس سوداء وجواكيت مموهة.. وعلق على رقبتهم كوفية من الرصاص.. يحملون الرشاشات وتحمل سيارتهم ذلك العلم الأسود ذو الدائرة البيضاء المقپض..

\* \* \*

لم يقتلوهم وإنما رحبوا بهم وأخبروهم أن الشيخ (خليفة الإمامي) ينتظركم وإقتادوهم إلى معسكر لاح من بعيد.. وما إن وصلوا حتى قابلهم ذلك الرجل ذو ذقن طويلة عريضة وعلامة صلاة تكفي مسجداً بمصلحته.. يرتدي جلباب تقاطع عليها أشرطة الرصاص ومتذمراً بعباءة.. رحب بهم.. تحديداً هو رحب بالجد.. أحضنه وضممه إليه كضمة القبر:

- يا هلا وألف هلا بأستاذنا وشيخنا وعمنا.. يا بيبيه وبين اللحية وليس ملابس الكفر ذي؟ تمويه يا شيخنا تمويه.. والله أنك عقلية.. تعلم كيف تلبـد.. أنت تقاتل العـير ولـاد ذيلـ الكـفر بـ زـيـهم.. بـورـكـت وـتـبارـكت وـأـكرـمـك اللهـ كـرمـاـ كـبـيرـاـ..

كان ذو الذقن يتكلم بكلتا يديه ويحتضن كثيراً.. وكان واضح أنه هو الشيخ (خليفة الإمامي).. وكان واضح أيضاً أن هناك سوء تفاهم كبير يدور هنا.. وكان أكثر وضوحاً من كل ذلك أن هناك إتفاق ضمني تم بين (شادي) والجد هنا.. سنجارتهم في الأمر حتى تأتي فرصة للهرب.. أو نستطيع المغاراة حتى يتركونا نرحل في هدوء.. هناك حل أحمق آخر وهو القتال.. لكننا سنجارتهم بالتأكيد لن نفعل أي حماقة..

أشار (خليفة) لأحد الملثمين:

- يا ولد إنقلع رح هات تياب للشيخ ولـ. من ذا يا شيخنا؟ غُليمك هذا.. والله أنه غُليمك يا شيخ يا شيخ يا شيخ..

قالها وهو يضحك ويحضن الجد عدة مرات.. يبعده ثم يؤخذه في حضنه مرة أخرى.. فضحك معه الجد وأحتضنه لإستمرار خطة المغاراة.. فأقترب (خليفة) من (شادي) وأمسك ذقنه وقلب رأسه لناحية وأخرى يتفحصه..

- يا زين خدته زيناه.. مليح والله يا شيخ بارك الله لك فيه.. وكلي رجاء من الله إن بنينتي (زليخة) تمنحك ما يجعلك تقرطه وتدهكه يا شيخ.. يا عسانى ما أذوق حرك..

وأحتضن (خليفة) الجد ومشي معه ومن خلفهمها (شادي)..

يجلس الجد جوار (خليفة) على الأرض المفروشة بالحصير والمساند وطللت بسعف رفعت على جزوع النخل.. وكان الجد (شادي) قد غيرا ملابسهم.. ملابس الجد منحته إطلالة (خليفة) أما ملابس (شادي) فمنحته إطلالة (مايا خليفة).. الأمور باتت واضحة.. فرح الجد على (زليخة) ابنة (خليفة) الليلة.. الجد هو عنصر هام في هذا التنظيم.. هذا بالتأكيد سوء تفاهم وإما أنهم خلال الأيام السابقة التي لا يعلمون عنها شيئاً.. قد فعلوا شيئاً يجعلهم بهذه الأهمية للتنظيم.. لحظة.. لقد أخذوا هذا الطريق أصلاً بالمصادفة.. هذا مجرد سوء تفاهم غالباً.. ما كان يمكن (شادي) أن يفكر جيداً هو ذلك الجلباب المذهب اللذين ألبسوه إياه، وعلم كيف ظنوا ما يمثله للشيخ.. لكن هذا ليس وقت إيضاح أي ملابسات داخل الملابس المسقبة.. سيصير غليم الشيخ..

كان أحد الملثمين يصب الشاي في كوب نحاسي للجد.. حين مال عليه (خليفة) :

- تكفى يا شيخ.. ودي طلب عندك..

هز الجد رأسه موافقاً.. فأكمل (خليفة) :

- ودي تخلّي غليمك يرقصلنا شوي شكله دقاق وماهر..

هز الجد رأسه موافقاً ثانية.. وأتلف لـ(شادي) مال عليه وقال بصوت خفيض بعد أن نظر يمنى ويسري وهو يتماسك عن الضحك:

- قوم أرقص.. متبلصليش وقوم أرقص..

وقام (شادي) ولا يعلم من أين أتى هذا الحزام الذي ألتـف حول وسطه.. ومجموعة من الملثمين يحملون الدفوف ويغنون "الليلة الليلة الليلة ليلة مؤمنين.. والفرحة الليلة الليلة فرحة مجاهدين" ووسط ذلك صاح (خليفة) :

- وبين العروس؟

وأنخفضت الشمس وهجم الظلام عندما دخلت تلك البارحة الحربية السوداء.. جلست البارحة حوار والدها.. فمال على الجد:

- شن هنيه يا شيخ.. عانيه..

قالها بإبتسامة.. الجد لم يفهم لكن ترقـب نظراته جعلته يظهر وكأنه سيري الشـيخ مفاجأة عظيمة هنا.. ورفع الغطاء قليلاً عن وجه (زليخة) ليتضح وجهها.. حسـنـاً (زليخة) تشـيه والدها هذا واضح لكنـها تختلف عنه أيضاً فهي ليس لها ذقن ووالدها ليس له شـارـب! أخفـضـ الغـطـاءـ حينـ قالـتـ (زليخة) بـحـرـجـ:

- أـبيـاهـ..

وأتسـعـتـ إـبـتسـامـتـهـ وـهـوـ يـنـظـرـ لـلـجـدـ:

- أـيـشـ قـولـكـ؟

حـالـةـ الصـدـمـةـ جـعـلـتـ الجـدـ يـهـزـ رـأـسـهـ موـافـقاًـ مـرـةـ أـخـرىـ وـوـانـطـلـقـتـ زـغـارـيدـ منـ مـكـانـ ماـ..ـ وأـصـوـاتـ طـلـقـاتـ نـارـيـةـ فـرـحةـ..ـ الـأـمـورـ تـجـريـ بـسـرـعـةـ هـنـاـ..ـ وـرـبـماـ بـعـدـ رـبـعـ سـاعـةـ سـتـكـونـ (زـليـخـةـ)ـ قـدـ أـنـجـبـتـ..ـ الـفـرـحةـ أـشـتـعـلـتـ أـكـثـرـ وأـصـوـاتـ الدـفـوـفـ وـكـانـ وـسـطـ (شـادـيـ)ـ يـحـاـوـلـ أـنـ يـجـارـيـ هـذـاـ الإـشـتـعـالـ..ـ

مال (خليفة) على الجد:

- والله يا شـيخـ نـهـارـ اـهـنـيـهـ..ـ كـانـ وـادـ عـمـهاـ يـمـوتـ عـلـيـهاـ وـزـاطـ عـنـدـهـيـ بـسـ نـحرـنـاهـ..ـ

قالـهاـ (خلـيفـةـ)ـ وـهـوـ يـشـيرـ إـلـىـ جـمـجمـةـ مـعـلـقـةـ عـلـىـ أـحـدـ الـجـزـوـعـ ثـمـ أـكـمـلـ:

- ما في حـبـ قـبـلـ العـرـسـ أـنتـ رـجـالـ تـعـرـفـ الأـصـوـلـ وـالـدـيـنـ..ـ يـاـ شـيخـ..ـ يـاـ شـيخـ..ـ

وـأـحـتـضـنـهـ وـقـبـلـهـ عـدـةـ مـرـاتـ..ـ اـبـتـلـعـ الجـدـ رـيقـهـ ثـمـ قـامـ وـحاـوـلـ أـنـ يـبـدوـ جـادـاـ فـصـيـحاـ،ـ وـلـكـنـ لاـ يـجـدـ مـاـ يـقـولـهـ هـوـ فـقـطـ يـرـيدـ الخـروـجـ مـنـ هـنـاـ مـصـبـرـ اـبـنـ عـمـ (زـليـخـةـ)ـ لـمـ يـكـنـ

مصيرًا جيدًا:

- سأذهب لدورة المايه.. هل تريد شيئاً من هناك؟

- أضحك الله سنك يا شيخ.. بذك حد من الورعان يدلك ع الخلا..

- لا.. سيأتي الغليم معى..

أنتبه (شادي) لإشارة جده.. ورحل خلفه.. ما أن خرجا من الخيمة.. حتى قال الجد:

- إحنا لازم نهرب من هنا بسرعة.. هنطلع ع العربية ونمشي على طول.. لو حد قابلنا قبل ما نوصل إحنا بنجيب أي حاجة من العربية.. فاهمني؟ أنا اللي هسوق.. فين المفاتيح؟؟؟

قالها الجد وهو ينظر لـ(شادي) بعد أن تحسس جيوبه هو الآخر.. وكان قد وصلا للعربية.. وقبل أن يرد (شادي) أو الجد.. سمعوا صوت (خليفة) :

- ارعه اللي بتتخرب عليه.. وذك تهج يا شيخ؟

وكان يمسك (خليفة) بالمفتاح وخلفه خمسة ملثمين كاملين العتاد..

\* \* \*

(شادي) وجده كانا مقيدان الآن.. المفاتيح كانت في الملابس التي غيروها.. و(خليفة) علم أنهم مدعين لقد أتصل به الشيخ الحقيقي ليخبره أنهم سيتآخر قليلًا.. لكن هذان الرجلان عرفا مكاننا وكذبوا والأسوأ أن أحدهم قد رأى (زليخة) قبل العرس.. قال (خليفة) وهو يحيى ويذهب أمامه وهو يبعث في ذقنه ثم وقف أمام الجد وصرخ في وجهه وهو يمد سبابته أمامه:

- تبرق من جبله.. مبوقع أنت.. أنت.. أنت أمهرى يا رجل.. أمهرى.. ولا غفران لك إلا النحر.. أما الورع..

وألتفت لشادي:

- يندك من فوق الجبل..

"تبًا.. سيدكوني!" الفكرة التي طرأت برأس (شادي) جعلت الدموع تتجمع حول

عنيـيـه.. في نفس الوقت كان الجـد يـهـتم بأـمـرـ الـوـثـاق.. كان يـعـرـفـ كـيـفـ يـتـعـاـمـلـ فـيـ مـوـقـفـ مـمـاـلـ.. الحـبـالـ كـانـتـ مـرـبـوـطـةـ بـطـرـيـقـةـ غـيـرـ إـحـتـرـافـيـةـ أـصـلـاـ.. سـيـخـاطـرـ مـخـاطـرـ تـحـمـلـ الـمـوـتـ وـفـيـ نـفـسـ الـوـقـتـ تـحـمـلـ النـجـاهـ.. أـفـضـلـ مـنـ إـلـسـكـانـةـ وـإـلـسـتـسـلـامـ لـمـوـتـ مـحـقـقـ.. وـفـيـ لـحظـةـ وـقـفـ الجـدـ وـهـوـ يـجـريـ وـأـنـدـفـعـ نـحـوـ أـحـدـ الـمـلـثـمـينـ يـسـقـطـهـ أـرـضـاـ، وـأـسـتـلـ سـلاـحـهـ، وـوـجـهـهـ نـحـوـ (ـخـلـيـفـةـ)ـ :

- بصـيـاحـ يـاـ شـيـخـ خـلـيـفـةـ.. خـلـيـنـاـ كـلـنـاـ نـطـلـعـ مـنـ المـوـقـفـ دـهـ مـنـ غـيـرـ أـيـ خـسـاـيـرـ.. الـمـفـتـاحـ تـدـيـهـ لـشـادـيـ.. يـدـورـ الـعـرـبـيـةـ.. نـرـكـبـ.. نـمـشـيـ.. إـحـنـاـ مـشـوـفـنـاـشـ بـعـضـ..

وـجـهـ (ـخـلـيـفـةـ)ـ الـآنـ يـصـلـحـ تـمـاماـ أـنـ يـوـضـعـ فـيـ الـقـامـوسـ بـجـوارـ كـلـمـةـ (ـمـاتـ غـيـظـاـ).. وـأـسـارـ الـجـدـ لـأـحـدـ الـمـلـثـمـينـ:

- فـُكـلـهـ الـجـبـلـ.. خـلـصـ..

نـظـرـ الـمـلـثـمـ لـ(ـخـلـيـفـةـ)ـ الـّـذـيـ أـوـمـئـ لـهـ لـيـفـعـلـ.. (ـشـادـيـ)ـ يـأـخـذـ الـمـفـتـاحـ وـيـتـوـجـهـ لـلـسـيـارـةـ.. وـالـجـدـ يـقـلـبـ وـجـهـهـ حـرـكـتـهـ لـلـسـيـارـةـ مـعـ إـبـقاءـ تـوـجـيهـ السـلاـحـ تـجـاهـ (ـخـلـيـفـةـ)ـ..

- مشـمـحـتـاجـ أـقـولـكـ لـوـحدـ جـهـ وـرـانـاـ هـيـحـصـلـ فـيـهـ أـيـهـ..

كانـ تـهـدىـدـاـ خـائـبـاـ هوـ يـعـلـمـ، وـلـكـنـ رـبـماـ يـأـتـيـ بـنـتـيـجـةـ.. يـرـجـعـ خـطـوـاتـ لـلـخـلـفـ.. حـينـ تـقـدـمـ (ـخـلـيـفـةـ)ـ خـطـوـةـ تـجـاهـهـ..

- شـنـ عـلـيـهـ يـاـ مـبـوـقـعـ.. يـوـرـالـيـ أـنـكـ الـخـائـفـ مـبـ أـنـاـ..

- لوـ خـدـتـ خـطـوـةـ تـانـيـةـ هـفـتـحـ النـارـ..

قـاطـعـهـ (ـخـلـيـفـةـ)ـ :

- أـقـطـعـ وـأـخـسـ يـاـ مـخـزـيـ.. أـضـرـبـ لـوـ فـيـكـ رـجـولـةـ..

وضـغـطـ الـجـدـ الـزـنـادـ.. فـيـ نـفـسـ الـوـقـتـ كـانـ (ـشـادـيـ)ـ يـدـيرـ مـفـتـاحـ السـيـارـةـ.. التـوـتـرـ جـعـلـ الـمـفـتـاحـ يـسـقـطـ مـنـ يـدـهـ أـسـفـلـ الـكـرـسـيـ.. مـدـ يـدـهـ.. لـلـدـاخـلـ أـبـعـدـ.. أـبـعـدـ.. وـأـصـطـدـمـتـ يـدـهـ بـشـيـءـ غـيـرـ الـمـفـتـاحـ..

عـنـدـمـاـ ضـغـطـ الـجـدـ الـزـنـادـ.. لـمـ يـطـلـقـ الرـصـاصـ.. ضـغـطـ عـدـةـ مـرـاتـ.. سـحـبـ الـأـجـزـاءـ.. لـاـ شـيـءـ.. وـضـحـكـ (ـخـلـيـفـةـ)ـ :

- بـدك تغاليـني يا مـبـوـقـعـ! وهـنـيـهـ! مـجـنـونـ أـنتـ وـالـلـهـ.. مـجـنـونـ..

خرج (شادي) من السيارة يحمل ما وجده أمامه.. كان مسدس (بيريتا).. التوتر يتملكه، ولكنه قرر أن يكون فعال.. هل سيعتمد دوماً على جده أن يكون هو من ينقذه.. قبل أن يتكلم (شادي) صاح خليفة وعدد من الموجودين:

- مسدس حـقـيقـيـ يا جـمـاعـةـ.. مـسـدـسـ حـقـيقـيـ..

\* \* \*

## (20)

يجلس (شادي) الآن بجوار جده بعد أن تم تهديتهم ، و(خليفة) أيضاً بجوارهم بعد أن نزع ذقنه ومسح بعض المكياج وعدد من الملثمين أيضاً كشفوا عن وجوههم.. وأمامهم عدد من الكاميرات يقف خلفها مسئولو إنتاج البرنامج والمخرج.. وقال (خليفة) أو الذي كان (خليفة) :

- هو ده اللي عايزين قوله من البرنامج.. إن مهما كان إحنا أقوى من الإرهاب.. وبلينا رجاله.. شباب.. سبات.. عواجيز.. رجاله.. رجاله ميقفيش قدامها أي حد.. إحنا ضغطنا عليهم أنا عارف.. بس هما خلاص مش زعلانيين مني.. مش كده؟ ونشوفوكو في حلقة جديدة من برنامج (داعش ومش داعش).. وكل سنة وأنتم طيبين.. ورمضان كريم..

\* \* \*

كان الليل قد بدأ في الحلول عندما كانت السيارة تخرج من الصحراء.. (شادي) كل فترة يتذكر شيئاً ما مما حدث ويضحك.. فقال جده:

- ما خلاص بقى يله.. مش عايزين نتكلم في اللي حصل ده تاني..  
- ليه يا جدو؟! ده أنت عملت أحلى أداء والله أنا كل اللي عملته إني قعدت أرقص..

وضحك ثانية..

- في حاجة أهم لازم نفكر فيها.. المسدس ده كان بيعمل أيه في العربية؟  
- مش عارف بس زي ما شفت هو مفيهوش رصاص.. يعني لو بتاعنا فاحنا مستخدمهوش أصلًا..  
- وممكن نكون خلصنا الرصاص اللي فيه..

الفرض الأخير بـث القلق داخل السيارة.. أما ما جعل القلق يفور.. فهو ذلك الكميم الذي يقتربان منه..

طالع الأمين أرقام السيارة وقارن مع الأرقام في ورقة معه.. طلب الرخص ثم أشار إلى السيارة أن تركن إلى الجانب الأيمن..

القلق ولا شيئاً إلا القلق.. رجح الجد قدميه لتألمه قليلاً، ووضع المسدس بهدوء أسفل كرسيه.. هل يهربان الآن؟ ربما لا يكونا مطلوبان أصلاً ويكتفلا فقط بإدخال أنفسهم في مشكلة جديدة.. سينتظرا وستضح الأمور..

أقترب الأمين من السيارة.. لاحظ الستيكر في الخلف.. تعجب، ولكنه غير مهم الآن.. مال على شباك السيارة..

- رخص العربية مش باسمك.. يا..

ينظر في الرخصة ويكمel:

- شادي..

- آه.. العربية متاجرة.. العقد أهو..

لا تفعلها أيها العقد اللعين ولا تكن في التابلوه.. هكذا فكر (شادي) وهو يعبث في التابلوه، وكان موجوداً من حسن الحظ.. طالع الأمين العقد بدون إهتمام حقيقي..

- ومعدى السرعة ليه يا (شادي)؟

حسناً يبدو أننا نجينا ولم نفعل ما يجعل أرقام سيارتنا مهمة غير تجاوز السرعة..

- معلش يا باشا الطريق كان فاضي فسرحت شوية..

- بس الردار مبيسرحش يا شادي.. والمخالفه بـ 150 جنيه.. وعندك فاميء وأمن ومتانة نقول 300..

تدخل الجد:

- أمن ومتانة من غير المهندس؟!

- والله يا حاج لو عايزة نطلع ع القسم المهندس يشوفها ماشي.. بس هتدفع أكثر شوية وهتعطل شويتين.. وأنا عايزة أجيبي معاك من الآخر وأديك عرض دخول الصيف..

كان (شادي) ي يريد أن يعرف جده باللواط لعل هذا ينجيهم من كل هذا ولكنه صمت لصمت جده.. المبلغ موجود من حسن الحظ فغالباً هنا لا يتعاملون بالفيزا كارد..

ووانطلقا.. حسن الحظ يمن عليهم أخيراً..

اليوم سببينا في أوتيل حجزه (شادي) بالتليفون.. الأوتييل يعد واحداً من أحلام الجد بشكل ما.. عندما سيصل سبلاً مكتوبًا على الورقة ليعلم ماذا يفعلان تحديداً في (مارينا)..

يعبران البوابات.. ويدخلان إلى (مارينا).. (مارينا) والتي تعني حوض رسو السفن.. حوض رست فيه السفن من العصور الرومانية وربما من الفرعونية، والآن يستعدان للرسو فيه ضمن مسار رحلة الـ100 حلم..

\* \* \*

## (21)

اليوم العالمي لتحقيق الأحلام (نسخة مارينا)..

في الصباح بعدما أستقلوا السيارة التي أحضرها عامل الفندق أمام باب الأوتيel  
وفتح لهم بابها.. سأله (شادي) جده:

- نمت كويس؟

- أنا مُت.. لو كنت سيبقى شوية كمان كنت أتحلل..

أخرج شادي الورقة وشطب..

“بحلم أن أحظى بنوم مريح خالي من أي قلق”

ثم وانطلق بالسيارة إلى Pearl Island.. أشار إلى المدخل ثم قال للجد:

- ده المكان اللي كان مكتوب رقم تليفونه.. لما دورت عليه على النت عرفت إنه  
المكان الوحيد في مصر لحد دلوقت اللي هيخليلك تحقق حلمك..

- حلم أيه؟

- هتتعرف دلوقت..

يمitti كلاً منهم ماكينة الـ(Jetovator) متصلة بدراجة نارية بحرية التي تضخ  
فيها الماء لترتفع لأعلى وتمتحن حلم الطيران.. واحد من أوائل أحلام البشر.. ثلات  
ساعة من الصعود والتحكم والسقوط في الماء ثم إختراقها كالدلافين صاعداً  
مرة أخرى لأعلى طائراً.. ثلات ساعة من الحياة..

“بحلم أن أطير”

كان بعدها نص ساعة أخرى مع الغطس.. قبلها كانت هناك مجموعة من  
إرشادات الغطاس (كابتن/فهمي النيمو) التي لم يركز (شادي) فيها كثيراً.. إرتداء  
الأدوات.. ثم الغطس..

صمت مختلف.. صمت ينبع بالحياة.. أنت ترى حياة أخرى بقوانين مختلفة.. حياة

تجعلك تكتشف أنك مجرد جزء من هذا الكوكب.. لا تسيطر عليه كاملاً مهماً ظنت.. هناك حيوانات أخرى تعيش هنا.. حيوانات أكثر حملاً ومشاهدتها تجعلك تدرك أنك لم تر شيئاً بعد.. اللإعجاز هو الوصف المناسب..

أشار (النيمو) إلى (شادي) والجد بإبهام وسبابة يصنعان دائرة.. والتي تعني (هل كل الأمور على ما يرام؟) فرد الجد بذات الإشارة كما أوضح في التعليمات.. أما (شادي) فرفع إيهامه لأعلى بعلامة الجودة.. علامة الجودة في هذا العالم تعني (الأعلى) وهو الفرق الذي لم يعرفه (شادي) إلا عندما وجد الغواص يشده بقوة ويسحبه لأعلى.. موقف ومر لقد مررنا بالأسوء هنا هكذا فكر (شادي) وهو بيتنسم ويُشطب..

### “بحلم أن أرى معجزة بعيني”

كان بعدها ثلث ساعة أخرى مع الحاكوزي.. ثم الإستلقاء على البطن على سرير رفيع في إنتظار المساج.. قال الجد وهو يوجه رأسه إلى جانب سرير (شادي) :

- النهاردة يا شادي حاسس بشعور غريب شوية.. تقريباً مرحلة مختلفة من السعادة.. حسيت رغم أنك وسخ يعني.. إني لازمأشكرك..
- ولسه هتشكرني لما تيجي المزة تدللك يا جدو..

قالها (شادي) وهو يغمز بعينه.. ثم نظر خلف جده يطالع من أتي وضحك فألتفت الجد تجاه نظر شادي.. ليجد تلك العجوز الآسيوية.. تمسك زجاجة زيت المساج.. وتستعد لوضع قطرات من السائل الأصفر المائل للأخضرار على ظهره.. فعاد الجد بوجهه تجاه شادي بنظرة تقول "نقيت فيها" ثم انفجر الجد ضاحكاً.. فألتفت (شادي) لإتجاه نظر الجد ليجد ذلك الرجل العجوز الآسيوي يحمل زجاجة الزيت.. فعاد بنظره للجد وكلاً منهم يتماسك عن الصحك..

### “بحلم بتجربة مشاعر جديدة”

كان الجد بعد إن أنهى من الغذاء يجلس على أحد القوالب الطافية لتصنع ما يشبه الطريق فوق الماء.. أقترب منه (شادي) بعد أن كان قد تأخر قليلاً عنه.. وما أن رأه الجد حتى ضحك مرة أخرى.. فقال (شادي) وهو يجلس جواره:

- أنت لسه بتضحك! طب بص بقى لو عايزني مجيبيش سيرة اللي حصل في الصحراء تاني متجيبش سيرة اللي حصل في المساج.. آه.. أنا بصيت على الحاجات اللي في العربية.. وعرفت من ورقة الأحلام إحنا كنا جيبيتها ليه..

وأمسك (شادي) بالقوعة وأكمل:

- مش أنت بتحب إسكندرية؟ أهي القوعة دي غالباً من بحر إسكندرية.. كل ما هتحطها على ودانك هتسمع صوت بحر إسكندرية وهتخدك عنده.. إسكندرية هتبقى معاك على طول..

- أنت بتتفلسف عليا يله! ماشي.. هعديهالك..

“بحلم أن تكون الأماكن التي أحبها بجواري دائمًا”

- طيب.. كمان في حلم عن التقدير..

- آه.. فاكره ده.. ده كان حلم إسماعيل ياسين برضه.. كان بيحلم أنه يتم تقديره قبل الموت.. والتقدير الوحيد اللي خده إن الضرايب خلته بيع كل حاجة ويرجع زي ما بدأ.. وقبل ما السادات يكرمه فعلًا كان مات.. غير (سمعة) في كثير أصلًا ميعرفوش إن اللي عملوه كان مهم ووصل للناس.. يعني في مصورة اسمها (في بيان) كانت بتشغل خدامة ولما ماتت وكامييرتها أتباعت في مزاد أكتشفوا إن كان في مبدعة هنا محدث خد باله منها.. في كمان مغني اسمه (رودريجيز) معرفش إن اللي بيعمله ليه لازمة إلا متاخر.. وغيرهم كتير منعفهمش حتى..

- طيب النهاردة أنا هكرمك.. مش أنت عديت الـ 75.. يبقى مبروك عليك اليوبيل الماسي..

وناوله درع مكتوب عليه "اليوبيل الماسي" السيد الفائز يحب يقول أيه بمناسبة إنه قدر يكمل 75 سنة في الحياة؟

- أبو شكلك..

- نشكر السيد الفائز على الكلمة.. ونحب نقوله ياريت يستعد علشان هنسافر علشان في أحلام مش هيمنع نعملها إلا هناك..

- السيد الفائز عايز يرجع إسكندرية الأول..

- إسكندرية!! ليه؟؟

\* \* \*

## (22)

أقنع الحد (شادي) بالعودة.. هناك أمور يجب أن تغلق، وهو يملك خطة.. طريق العودة أشتمل على حوارات عدة وحکى الحد الكثير وأستمع (شادي) للنهاية.. آخر حكاياته كانت عن (نجيب محفوظ) وعاد إلى زلزال ٩٢.

- لما سألوا نجيب هو حس بأيه وقت الزلزال.. قالهم كنت مستني السقف يقع وألاقي برلنطي عبد الحميد في حجري.. ماهي كانت ساكنة فوقه في العمارة..

وأكمل بالحكاية التي كررها (فريد شوقي) كثيراً:

- عارف فيلم (جعلوني مجرماً) الفيلم ده كان سبب إن الحكومة تصدر قانون يعفي من السبقة الأولى في الصحيفة الجنائية علشان مبيقوش جعلوه مجرماً.. المهم إنهم جابوا نجيب يكتب حواره ويضبط السيناريyo.. وإدوله ١٠٠ جنيه بالتقسيط.. بس بعد ما خلصوا الكتابة رجع الـ ١٠٠ جنيه تاني مع إنه كان يحتاجها، وقالهم إن أنا أتعلمت السيناريyo منكم ودي أجرة التعليم.. فريد حاكها كتير يعني أنه صاحب فضل على نجيب وأتعلم منه وكده.. لما نجيب خد نوب.. وأنعمل حفلة بعدها علشان ياخد قلادة النيل.. كان في ضيوف كتير سياسيين بقى وإعلاميين وممثلين وأنا كنت موجود وسط العك ده.. وكان من ضمن الموجودين كمان فريد شوقي.. نجيب وهو بيسلم عليه راح ممبل على ودانه وقاله حاجة في ودنه.. فريد قعد يضحك بعدها عشر دقايق.. لما سألت نجيب أنت قولته أيه؟ قالني شتمته بالأم..

صمت قليلاً ثم بدأ يعرى:

- السياسة لعبة.. لعبة علشان تفرض نظام على شكل حياة الناس.. النظام مش غلط بس عمره ما يكون عادل.. لأن اللي مسئولين عن السياسة دائمًا بيخلوا عدوهم هو عدو الدولة.. اللي بيوقف مصالحهم بيقى عدو الدولة والدولة كلها لازم تحاربهم.. وبيدخلوا الناس اللي هما مفروض مسئولين عن تنظيمهم جزء من الحرب دي.. أول ما ده يحصل بيقى النظام بايظ وغالباً ده اللي بيحصل.. ولازم يفضل النظام بايظ ولازم الشعوب تفضل حاسة بنقص.. نقص بيكبر ويكبر لحد ما النظام نفسه يأكل نفسه ويقع.. لكن الناس تحتاجة النظام.. الناس بشكل ما بيعملوا اللي النظام عايزه فيعتبروا نفسهم جزء منه، ودي أكثر حاجة تغير.. فيرجع بمنطق إنه رجع علشانهم.. لكنه أصلًا لازم يرجع علشان مصالحه..

واه أعداء النظام برضه بيدوروا على مصالحهم.. الناس كده كده ملهاش في اللعبة دي..

يسكب الجاز:

- الإعلام طبعاً جزء من الدولة زي الدين والقضاء.. الحاجات دي هي اللي مقومة الدولة.. بمناسبة الإعلام الناس مش قادرة تفهم إن الإعلام ده كله معمول علشان المتعة.. مفيش حاجة اسمها إعلام هادف فن هادف هيل هادف.. في حاجة اسمها بيحب فلوس ولا لأ؟ بيحب إعلانات ولا لأ؟ صناعة الإعلانات لو وقعت الإعلام كله هيقع تاني يوم.. إعلام الدولة اللي معمول مخصوص علشان يوصل الصورة اللي دوله عايزة توصلها وعلشان كده الدولة هتفضل تدفع فيه فلوس مهمًا خسر..

يشعل:

- إنما القضاء المفترض بيقى برة اللعبة دي خالص.. فالحقيقة الواضحة إن في ناس بيحاولوا يزقوه جوه الماتش.. ومتش عايزيته حتى بيقى لعيب إنما عايزيته بيقى الكورة.. وعمر ما في كورة هتمشي زي ما هي عايزة، وفي كام رجل وسخة بيسوطوا فيها.. ده إن أصلًا الكورة متتوسختش منهم.. ولو القضاء بقى كورة بيقى البلد كلها ليست الفورة..

يسكب المزيد:

- الدين.. كل مؤسسة دينية عايزة اللي تبعها يفضلوا تحتها ميخرجوش منها إلا للموت.. يفضلوا محتاجينها دائمًا عايزيتها.. يخلوا الدين أصعب.. يخلوه يدخل في كل حاجة طالما في حدود قوانين اللعبة.. بص كده على المؤسسات الدينية هتلaciهم كلهم بيأيدوا النظام..

يرق:

- والناس ترجع تقولك المؤامرة.. وأكيد مؤامرة لأن ليه البلد مش قادرة تاخد خطوة لقدم؟ لأن البلد بكل مؤسساتها مش فاضية.. المؤامرة إنك تقنع الناس إن عليهم مؤامرة علشان ميخرجوش عن نظامك..

يصمت ويعود:

- فاكر لما سألت (التابع) إحنا عايشين ليه؟ عجبتني إجايته.. إجابة حقيقة بتدور

حولين نفسه مش أكثر.. المشكلة إن إحنا مقتنيعين دايماً إن إحنا أكبر من اللازم..  
ومش قادرين نفهم إن إحنا كلنا تافهين ملناش قيمة وسط الكون ده كله.. إحنا  
كلنا منكمليش نقطة في بحر.. ممكن كل حياتنا دي بعد ما تختفي متكونيش  
سطر في كتاب هيختفي برضه.. اللي أقدر أقوله النهارده إن هدفي في الحياة  
بساطة إني أعيش مبسوط..

**”بحلم أن أعلم فعلًا الهدف من الحياة“**

يعود ويصمت:

- كلنا مقتنيعين إن إحنا معانا الحقيقة اللي ممكن نموت أي حد عشانها.. كلنا  
مقتنيعين إن إحنا صح والباقي كله غلط علشان موصلش لنفس الحقيقة اللي  
وصلنالها أصلًا بصدفة إن إحنا أتولدتنا في ظروف وصلتنا ليها.. يمكن اللي بفكر  
فيه دلوقتي واضح ليا جدًا.. إن الحقيقة مفيش حقيقة.. يمكن دي الحقيقة  
الوحيدة..

**”بحلم أن أصل للحقيقة“**

\* \* \*

## (23)

جراج الإكس.. مرة أخرى..

لماذا عاد؟ (شادي) لم يعلم، ولم يعلم لماذا توجها للبنك لسحب أموال إحتاجت لشراء حقيبة سفر سوداء.. ولا لماذا ترك الجد السيارة وحده ثم عاد.. هو يعلم فقط الآن لما أشتري اللصق الأبيض.. المهم أن الجد يملك خطة.. هكذا كرر وقرر..

المسيخ الدجال مرة أخرى..

الجراج هادئ في هذا الوقت إلا من بعض المستلقين.. (سايكو) يلعب البلاي ستيشن مع تلك الهضبة الملبدية.. وما إن رأهم حتى قام من مكانه:

- أوبااااظ.. شيتوس الوحش.. سكة وطريق إنتي يا زينات..

لوت (زينات) شفتاها التي تستحق الأكل وهي تنظر للقادمين ورحلت.. فأكمل (سايكو) وهو يشير ناحيتها:

- زينات بتاعت الحاجات.. حنينة وبنت ناس وسخين.. والأوضة لسه فاضية للإيجار.. بس أيه صحيح اللي عملتوه في بكرة ده.. ده أنت طلعت خطير يا شيتوس.. ربنا يجعلنا براغيت في لباسك..

"حسناً.. ما الذي فعلناه في بكرة؟" كان السؤال أعلاهم داخل سحابة..

- ده أنتو مش بس حرقتوه الورشة اللي بيفكك فيها العربيات اللي مقلبها، ومبقاش حيلته إلا حنة الرانجلر المفستكة.. ده أنتو حرقتووا ورقة إعتماده الوظيفي في عالم الإجرام.. عيل هتيبة وعاملني عصابة.. يستاهل كل خير والله..

الحرق.. يذكر (شادي) بإحدى الأمنيات التي لم يكونا موجودان حين نفذت.. يكمل (سايكو) وهو يحقق نفسه بحقنة فيتامينات..

- بكرة كان فاهم إنك مخاوي.. لغاية ما الشبح ظهر..

قالها وهو يشير للجد..

- أنت جبتهم على مخ الواد يا شيتوس.. وهو الصراحة محلفني لو حيت هنا تاني

أكمرك لحد ما ييجي.. واللي هيحصل دلوقت إني هقول لـ(هالك) يقفل الباب..  
ألتفت الجد و(شادي) تجاه الباب المغلق مسبقاً.. كيف سيهربا من هنا؟ القلق  
يعود بقوه و..

ضربة الكتف اللعينة.. كيف نسى أمرها؟؟

- بهزر معاك.. إلا الغدر يا صاحبي.. أومال نسيب أيه للعالم الوسخة..  
- المهم..

كانت من الجد الذي أردف:

- إحنا عايزين طربتين حشيش..  
- طربتين مرة واحدة!! أيه هتشتغلوا موردين الأستفة في مصر!! بس دي سعرها  
غالى شويتين يا شبح..

رفع الجد الحقيقة وفتحها.. وما أن رأى (سايكو) كتل النقود صفق بكلتا يديه:  
- اللهم صلي على كامل الدسم..

تبادل النقود والطربتين المدموغتان بصورة مدهشة صالح مكتوب أسفلها "كوكب  
تاني" .. كان شادي يتسائل داخله عما يفعله جده هنا.. حين كان الجد يسأل:  
- إحنا لو طلعناع الصحراوى كمان شوية نعدي بيهم إزاي؟

- الشلة هي الحل.. أرزعهم في الشلة.. وقول اللهم أجعل من بين أيديهم  
سدًا ومن خلفهم سدًا.. وتشد على مصر سدًا.. بس ممكن أول ما تطلعوا من  
هنا أكلم بكرة وأقوله.. والحاجة هترجعلي قبل ما أخش أبل القرموط مع زينات..

هذه المرة كانت خبطة الكتف من نصيب الجد:

- بهزر معاك يا شبح.. ما أنا قايلك الغدر مش بتاعنا.. هالك أفتح لهم الباب..  
ما أنأغلق المسيح الدجال الباب خلفهم حتى مال الجد على أذن (شادي) :  
- هيغدر بينا..

تابعهم (سايكو) بعينه حتى خرجا ثم رفع الموبايل على أذنه بعد أن ضغط على شاشته عدة ضغطات:

- حبابيك طالعين ع الصحراوي كمان سيكا.. الحاجة اللي معاهم بتاعتي.. هما والعربيه قشرهم والبسهم.. آمين؟

- آمين يا بروفيسنال.. هي حمراء بجناحات بروفيسنال ولا لعب فيها تاني؟

أحابه (سايكو) وأنهى المكالمة ووفر بعض الضيق.. فالغدر يعد من محظوراته.. ولكنها (الدولارات التي تبيح المحظورات) مرة أخرى.. ثم صاح بصوت عالي:

- زينات يا نجسة.. خشي شطفي وتعالي علشان نحط القرد في الجراب الجلد..

\* \* \*

إسكندرية الصحراوي..

(شادي) لا يعرف شيء عن الخطة غير إنهم يحملوا ما يكفل لهم سنوات في السجن.. ولم يكن يعرف أن توقفهم عند محل موبایلات لشراء عدة وخط يفعل أثناء الوقوف هو جزء أيضًا من الخطة..

في طريقهم على الصحراوي طلب الجد من (شادي) أن يقوم بالبحث على الإنترنت عن السيارات الرانجلر.. قلب في الصور حتى وجدها..

- زي دي بس على أزرق.. أول ما تعدد عليك أديني رنة.. مش أنت خدت الرقم برضه؟

- آه.. بس يا ج..

- مبتش.. مش أنت كل شوية تقولي ثق فيا.. أنا بقولك المرة دي ثق فيا..

وقف (شادي) منحنياً خلف السور الاسمنتى لا يفهم شيء يراقب الطريق منتظرًا تلك الرانجلر.. الجد توقف بعد حوالي كيلو.. مسح أي أثر لل بصمات محتملة على طربتي الحشيش.. والمسدس أيضًا الذي كان سينسى أمره.. ثم قام بتنفيذ الجزء المهم من الخطة.. ضبط العكار ليثبت المقود ويضغط البنزين.. والفتيس على 1 الذي يعطي للسيارة عزم ويجعلها أبطأ.. السيارة تريد الإنطلاق لا يجمح رغبة إنطلاقها إلا فرامل اليد المرفوعة.. المهم ألا ينهار المحرك قبل الـ.. رنة الموبايل..

يخرج الجد من السيارة ويمد يده ليختفي خلف السور ويتصل بـ(شادي) ليتقابلا.. أما (بكورة) فعندما رأى السيارة إبتسامة تحمل الكثير من الشر.. وكان بجواره (خلودة) و(هشومة) اللذان هلا.. وأنفلت من (بكورة) ضحكة شر تمامى فيها وضغط البنزين.. عندما رأى السيارة لا يقودها أحد..

- مش قولتكو أنه مخاوي جن بروفيسنال محدث صدقني.. علشان تعرفوا مين بس اللي بروفيسنال..

لا يهم الآن الأشخاص.. سيدعون أنهم قتلواهم، ولكن رجوعهم بالسيارة هو المفتاح الوحيد لهم للعودة لعالم الإجرام مرة أخرى بعد حرق الورشة وسرقة المسدس الشمين الذي كان أشتراه (بكوره) بالدين بديلاً عن الفرد التالف.. وأصطدم بالسيارة ليدفعها إلى السور .. ثم يميل للليسار ويذيقها دفعه مستمرة لينطلق شرار الاحتراك حتى توقفت.. لم يفهم فكرة العكاز ولم يفهموا.. إنه الجن بالتأكيد.. يصلا بين السيارتين بذلك الجبل.. فالهيونداي لن تقبل القيادة بعد تلك الصدمة.. يركب الثلاثة كما كانوا في الرانجلر، (بكوره) يعني على لحن أغنية (شيكوتي) مع تغيير كلماتها لتعبير عن الحالة:

- اللي سبق العرسة.. بكا، شقاوة وبروفيشالية.. يقع الواد ده أله؟

فرد عليه (خلودة) و (هشومة) وهم بصفة:

-روفشناااال..

أستمرّا في الغناء تتملّكم فرحةً أكبر من فرحة أبٍ من العصر الحجري عاد  
لأولاده بغزالة.. فرحة ستنتهي قريساً جدًا قبل أن يقشروه ويلبسوه للنهاية..

أما (علوقة) فسيحمد ربه كثيراً أنه لم يكن موجود هنا، وسيتوب وسيتوجه للعمل على مشروع خط المنشية عصافرة..

”بحلم أنا اعتاد على عدم التفريط في حقى بمسؤوله“

\* \* \*

## (24)

- ياض كمل مشي لقدماء.. آه زي العربيات بس حاول تفضل مستخبي ورا السور..  
ممکن يكون متقبضش عليهم ويكونوا راجعين ع الناحية الثانية ويشفوفوك.. تعالى  
بس وهفهمك..

عندما وصل (شادي) كان جده مستلقى على الأرض وقد نزع رباطه الضاغط..  
ووضحت قدمه التي أخذت درجة من درجات البنفسجي.. جلس (شادي) بجواره  
وبدأ الجد شرحه..

الوقت الذي طلب فيه الجد من (شادي) الإنتظار في أحد الشوارع الجانبية وأن  
يشترى لصق أبيض حتى يعود.. كان يمر على الجد داخل مديرية أمن  
الإسكندرية التي تقع على بعد شارع من موقع (شادي).. وفي قسم مكافحة  
السيارات أبلغ عن سيارته التي سرقت بالقرب من الصحاوي.. والمح لكونه رجل  
يحب أن يهتم بأمره، وذكر عدد من اسماء الشخصيات الهاامة ليجذب إهتمامهم،  
ويتم تفعيل أمر البحث عن السيارة بالفعل.. وأوضح أكثر من مرة أنه يجب إرسال  
بلاغ لبوابات الأسكندرية والقاهرة بالذات.. وكان الرد:

- متقلقش يا فندم.. إحنا عارفين شغلنا كوييس.. حضرتك قولتلي أنت تعرف  
(الصفي) باشا منين؟

اللصق الأبيض كان لتتلعب بأرقام وحروف لوحه السيارة السيارة.. كاخفاء نقطة  
أو طمس جزء من رقم.. لكيلا يتم التعرف على أرقام السيارة وهم بداخلها.. وقبل  
أن يخوض الفرامل قام بنزع اللصقات..

- يابن اللعيبة يا جدو.. هو حمادة هيفشخني.. بس أنت ابن لعيبة..  
وأحتضن جده.. فتمنع الجد ودفعه كعادته وهو يقول:  
- المهم هنطلع من هنا إزاى..

بعد مرور بعض الوقت.. يقف (شادي) مثبّتاً يد يشير لكل السيارات المارة بعد أن  
قام بإتصال بعده شركات لتأجير السيارات لم يلبوا طلبه.. الصحاوي ليس أمّا  
هذه الأيام حتى يرسل له سيارة بسائلتها لزيون يتعامل معهم لأول مرة.. ربما  
هذه طريقة جديدة للسرقة..

قال الجد وهو يستند للسور:

- شكلنا هنبا هنبا يا فقر..

و قبل أن يكمل جملته هلت مجموعة أنوار متباطئة..

\* \* \*

كانت الأنوار لمجموعة يمتطون موتسيكلات الـ(Chopper) وعلى ظهر أغلبهم تقع حيتارات كهربائية.. يرتدون جواكيت جلدية سوداء ذات دائرة معدنية على الأيسر حفر فيها لوجو يتكون من حرفي (PB) اختصاراً لاسم فرقتهم Punk (Band)، ومن بين قفازاتهم الجلدية الغير كاملة تظهر الأصابع الموشومة والمطلية بعض أظافرها بالأسود.. كما ظهرت وجوههم بعد أن خلعوا خوذاتهم لتظهر مجموعة من الذقن المدببة التي تختلف غرابتها كاختلاف حلقات رؤوسهم.. بالإضافة إلى الأذان والأنوف المحتوية على حلقات تمنحها فتحات دائيرية والأعين الكحلية التي تبيث بعض الخوف..

ونزعت هي خوذتها لتجعل الوقت يمر ببطء..

أعينها هي أعطاها الكحل بعداً آخرًا لا يكمله إلى طلاء شفافها الغامق المثقوبة بحلية لامعة مع قصة شعر قصيرة غير متساوية.. لو تم إتخاذ أبعادها لأعطت النسبة الذهبية.. إنها من أضافت صفة لعلم الجمال لم يكتب فيها إلا "الجمال لا يملك صورة واحدة" ..

وكان واضحًا أن هي من أوقفت المجموعة عندما رفعت يدها لأعلى وقبضتها.. لتهدمي العجلات وتبقى المحركات على هديرها المتقطع المستمر.. تأملتهم وكأنها تنتظر منهم إجابة لشيئاً ما ثم قال:

- محتاجين توصيلة؟

- أيه !! آه .. آه ..

(ماذا نريد غير توصيلة؟) كان هذا واضحًا عليهم.. فصاحت وهي ترفع يدها:

- بانك باند هتوصلكم..

فصاحت باقي المجموعة وهم يرفعون أيديهم صيحة الهنود الحُمر.. حدث تعارف سريع للأسماء قبل الإنطلاق.. المجموعة لا تملك اسماءً إنما ألقاب أخذت من

الطبيعة وكانت هي (روتس) والتي تعني الجذور.. أما من جلس الجد خلفه فكان (إيفوري) والذي يعني العاج..

تمسك (شادي) بالجذور، وهو ينظر للجد نظرة قصد بها بعض من الكيد.. الهواء يمر على وجههم ويخللهم.. وتمسك (شادي) أكثر مع إزدياد السرعة.. أما الجد فكان يحاول الإختباء من الهواء أكثر خلف العاج..

هذا في الأعلى أما في الأسفل فكان رباط قدمه لم يستطع التماسك.. وبدأ يتفكك.. يتفكك.. يمر بين أسلاك الإطار الخلفي.. وأول ما لاحظ ما يجذب قدمه.. طرق على كتف (إيفوري) قبل أن يهدا سرعته بالكامل.. كان الموسيكل قد بدأ في الإحتلال ولم يفهם ما حدث لكي يسقط أرضًا ويتنااثرا على الطريق..

ثبت الجد على وضعه مرغماً ينظر لأعلى.. ثم انخفض جفنيه بهدوء..

\* \* \*

مستشفى النوبالية العام..

أمام غرفة الإستقبال كان (شادي) يجلس وحيداً دافئاً يده بين كفيه.. بعد أن ودع الـ(PB) الذين لم يتركوه حتى طمأنهم الدكتور بشكل مبدئي فصاحوا صيحتهم الهندية، وأعطوا (شادي) كارتاً ليطمئنهم فيما بعد.. كانوا ودودين وكان ((إيفوري)) يعتذر حتى بعد ما علم أنه لم يكن السبب.. (شادي) كان يبادله الإعتذار.. العاج لم ينل من الحادث إلا قطع في بنطاله جعله يحب البنطال أكثر..

نقد (شادي) الممرض مبلغًا وهو يطلب منه الإهتمام وأن يسمح له بالدخول.. فرد الممرض وهو يضع المال في جيبه:

- متقلقش كده.. الوعقة مكتنثش جامدة.. هي بس الصدمة وشوية كدمات ورضوض مش أكثر.. هو بس أكمنه كبير شوية الحاجات دي بتاخذ وقت.. أستريح شوية أو أطلع أشربلوك سيجارة يكون الدكتور خرج وهدخلك على طول..

خرج (شادي).. وجلس على سلالم المستشفى لا يعلم ما يفعله.. حتى أتى الممرض، وطرق على كتفه وأشار له إشارة بمعنى "يلا" ..

جلس الشادي بجوار العمود الذي علقت عليه المحاليل.. وأنشى على يد جده قبلها بهدوء وظل ممسكاً بها وهو يردد:

- أنا آسف..

فتح الجد عينه وأمال رأسه ناحية (شادي) وقال بصوت متعب:

- آسف على أيه يا فقر؟

تجمعت دمعة على جانب عين (شادي) مسحها بسرعة وهو يقول:

- حاسس إن السبب في اللي حصل؟ وإنني علشان عايز أحمقلك أحلامك كنت  
...<sup>5</sup>

صمت.. فأكمel الجد:

- هتموتنى يعني!! أوعى تحس بکده مهمما حصل.. أنا مش عيل صغير.. وبعدين  
هي دي أول مرة تكون هتموتنى؟

إبتسما وسعل الجد ثم يكمل:

- وبعدين مينفعش أموت دلوقت.. لسه الـ100 حلم مخلصوش..

وسالت دمعة على جانب عين (شادي) لم يمسحها.. ثم قال:

- هو بس أنا عملت حاجة ممكنا تضايقك.. أنا فعلًا مكنتش عارف أعمل أيه..  
فأتصلت بيهم في البيت وزمانهم جايين دلوقت..

- يعني علشان مموتش في الحادثة فهتموتنى بالجلطة! طيب خليني قبل ما  
أموت أحكي لك حكاياتي.. مش أنت كنت عايز تعرفها..

رد (شادي) بصدق:

- لا خلاص يا جدو.. مبقتش عايز أعرف..

- خليني برضه أحكي لك.. أنا كنت وعدتك إني هحكيلك لو موجعتش دماغي.. هو  
أي نعم دماغي وجعاني دلوقت بس برضه هحكيلك..

\* \* \*

## (25)

1967 تقريراً..

الأجواء مشتعلة في تلك البقعة من الخريطة.. والحالة المسيطرة أن مصر ستدخل بقدمها في خضم هذا الإشتعال.. وبدأ الجيش في الإستعداد والإستدعاء..

جائني إستدعاء للعودة للجيش بعد أن إنتهي خدمتي بحاولي عام واحد.. لم أعود لمكان خدمتي وإنما لمكان آخر

في هذا المكان وقفت مثل كثيرون ممن جاؤهم نفس الجواب في صف طويل لا يداري عورتنا إلا غيار داخلي سفلي.. كان كشف طبي ولكن مختلفاً أكثر فحصاً وأكثر اختباراً، وكثيراً رسبوا وعادوا لوحدتهم.. عندما كنا ننتقل من اختبار للأخر لم نعلم هل نسعد بذلك أم لا.. لم يكن أحد يعلم ما الذي يحدث هنا..

الاختبارات وإن أكثر تدقيقاً إلا إنها معتادة.. عظام.. جراحة.. قلب.. نظر.. إلا الاختبار الأخير الذي لم يصل له إلا قلة كنت منهم..

الاختبار في مبني منعزل.. ووقفنا أمام الباب في نهاية الممر بعد أن ثبتت في يد كل منا إبرة مثل إبرة المحاليل تلك.. باب تعلوه لمبة حمراء.. تصيء.. فيدخل الجندي حامل الكشف ثم يخرج ويسمح لل التالي بالدخول.. خمس دقائق.. نسمع أزيز ثم تصيء فيدخل ثم يخرج وتسمح لل التالي بالدخول.. أما من يدخل منا فيدخل ولا يخرج!

مشاعر الخوف موجودة لا شك، ولكن يبدها سمع اسمك.. فتنتصب قامتك وتتقدم.. وربما الفكرة التي أنتقلت للجميع أن هناك باب آخر للخروج..

اللمبة الحمراء.. يدخل يخرج.. اسمع اسمي.. فتنتصب وأتقدم..

أثناء دخولي للغرفة أكتشفت أنها تحتوي على جدار آخر سميك من الفولاذ يتلو الجدار الحجري مباشرة.. وأنغلق الباب الخشبي ثم الباب الفولاذي وكان هناك هذا الجهاز يشبه جهاز أشعة الرنين المغناطيسي.. ثم سمعت صوت يطلب مني إعادة تعريفني ورتبني.. وألتفت لأجد ذلك الحائط الذي يحتوى على منفذ زجاجي يقف خلفه عقيد مصرى وأخرين يتضح أنهم لا ينتمون لهنا.. عرفت

نفسي، وكانت رتبتي السابقة مجرد ملازم أول من ضباط الاحتياط.

ما علمته فيما بعد أن الآخرين كانوا مجموعة من الخبراء السوفيت.. ما علمته أيضاً فيما بعد أن السوفيت تعاملوا معنا كفثران تجارب.. كما فعلت النازية باليهود..

أخبرني العقيد بأن أنزع حتى ذلك اللباس الداخلي.. وأن أفرغ حقنة من مجموعة حقن مرصوصة على منصة حديدية داخل الأبرة بروية وليس دفعه واحدة..

أنت جندي هنا.. لا حق لك إلا أن تنتصب قامتك.. تعطي التمام وتنفذ..

نفذت الأمر وأفرغت السائل الأزرق في وريدي.. ثم توجهت إلى السرير الحديدي البارد ومددت يدي وجسدي وفقاً للعلامات المرسومة كما أمرت.. خطواتي إليه شعرت أنها بعيدة وكأنه يتبع خطواتي مائلاً وكان الغرفة هي التي مالت.. تمسكت حتى وصلت ونممت فوق السرير البارد.. هل كان عليه قطرات من الدماء؟

عقلِي أهداً كثيراً بتأثير السائل.. أهداً لدرجة أنه لا يستطيع أن يتمسك بهذه الفكرة أو غيرها.. لم يهتم حتى بتلك الحلقات المعدنية التي قبضت على يدي وقدمي.. ولا بأن الشباك الزجاجي تخبي خلف الفولاذ هو الآخر..

الأذير..

السرير يتحرك دالقاً إلى الجهاز.. تبتعد الجدران.. وكل شيء يبتعد.. فقط من يقترب كانت الأصوات التي تصدر من باطن الجهاز وهي تلتف بسرعة جنونية..

الأذير..

الأصوات تكاد تطفئ عيني.. والأذير يكاد أن يصم أذني.. أذير يختلط بصوت معادن تتصادم وأصوات صرخات يتردد صداها في رأسي.. والضغط يكاد يفجر صدري.. والأطراف متختسبة..

استمر في التنفس فقط.. استمر.. فقط..

أتمنى أن يكون الجزء الماضي عقلانياً لك إلى حد كبير.. فالجندون سيبدأ الآن..

الأذير..

ما أراه الآن بعين الراصد من مكان ما كان وأنا أدخل وأن أخفض القطعة السفلية..  
تَّـأنا سيء للغاية من الخلف.. وأنا أستلقى على السرير وأنا أدخل إلى الجهاز..  
وأنا في الجيش.. في الجامعة.. في المدرسة.. وأنا طفل.. ظلام.. وأستمع لنبضات  
قلب أمي! يعود الضوء وكأنها ولادتي والـ..

الأزير..

أرى نفسي بعين الراصد وأنا أستند متبعاً أخرج من الجهاز بعدما أطفأ.. وباب آخر  
للخروج يدخل منه جندي يسندني للخارج.. وـ..

اـل... أـر... يـ. زـ...

أنطفأ الجهاز الأخير.. ولازلت أتنفس..

وخرجت بنفس الطريقة التي رأيتها.. وأنقلت إلى مبني آخر قريب لأنضم إلى  
ثلاثة آخرين.. ورغم الإجهاد لم أستطع أن أمنع نفسي لأنظر من الشباك باحثاً  
بعيني عن مكان الخروج الذي كنا فيه، ورأيت السيارة النصف النقل التي يلقي  
فيها جثة لشاب عاري تسيل الدماء من كل فتحات جسده لتنضم إلى أخواتها..

\* \* \*

جرس الموبايل.. يرد (شادي):

- أيوه يا ماما.. جدو كوييس الدكتور طمني مفيش حاجة.. أنا تمام والله.. أيه؟؟  
مش هتيحوا؟؟؟

قالها شادي بصوت أعلى لكي يسمع جده.. وتهلللت أساريرهم.. ثم انقلب وجه  
(شادي) حينما أكملت والدته:

- أبوك مرضاش ياخذنا وصمم يجيلكم لوحده..

\* \* \*

دعنا نترك كل القشور ونصل إلى اللُّب..

التعاون المصري السوفييتي كان في أوجهه.. الخبراء السوفييت ينتشرون في كل  
المؤسسات العسكرية.. الخبراء السوفييت ينظمون ويدربون ويفعلوا ما يريدون..  
الخبراء السوفييت بدئوا يأخذون التعاون العسكري لمرحلة جديدة سرية تماماً..

مرحلة تحمل أبعاداً جديدة وتحتاج للعديد من التجارب.. ولا يوجد في هذه البلد أكثر من فئران التجارب الذي من السهل أن يختفون دون أن يسأل عنهم..

لا أعلم كل ما ذهبت إليه هذه التجارب ولكن أنا والثلاثة الآخرين إنضممنا لمجموعة أخرى وتلانا أثنيين جدد.. كنا مجموعة كما علمنا فيما بعد مختصة في مراقبة الزمن..

أنتقلنا إلى موقع في الصحراء الغربية.. موقع انتقال رحلات السفر في الزمن.. ودعني أوضح لك أن السفر في الزمن لا يتم بالات سهلة كما تدعى الأفلام.. ليست آلة صغيرة تستطيع أن تحملها معك أو آلة تنقل من مكان إلى آخر.. السفر في الزمن يتم من موقع واحد تم اختياره بدقة محاط بأسوار عسكرية وحراسة مشددة..

موقع لا يتكون إلا من مبني وحيد يحتوي على مجموعة من الأشخاص الذين يتغيرون بإستمرار مع عدد من المولدات الكهربائية الضخمة، وثلاثة عواميد دائيرية عملاقة زرعت في الرمال لتصنع أطراف مثلث.. تتعلم أن تقوم بتشغيل أحدهم بواسطة مفتاح يعطي لك مع رقم سري.. ثم تقف في المركز عارياً.. تمر فترة.. ثم تبدأ خطوط برقية تلسعك.. خط تلو الآخر.. وتشعر بانسحاب روحك ثم البعد من جديد عارياً في نفس المكان.. تدلف إلى المبني وتعطي المعلومات التي جمعتها.. معلومات تتعلق بالإقتصاد والسياسة.. صعود وهبوط الدول وعلاقاتها وغيرها..

ثم ترحل في رحلة جديدة.. وكل مرة تحمل هوية مختلفة تمكنك من جمع المعلومات المطلوبة.. لا علاقة بين هوية والأخرى إلا الحرف الأول من اسمك لا أكثر -لعلك لاحظت تكرار حرف الميم-، ولا يحق لك التداخل مع مسارات الزمن..

مسارات الزمن تبقى معضلة حقيقة في هذه المسألة ولم أفهمها أبداً.. في كل مسار تتزدّه تكون أكتسبت خبرات و المعارف لا تعلم من أين أنت.. هل كانوا يعيشون في عقولنا ليضيفوا خبرات وقدرات لم تكن موجودة تليق بكل مهمة؟ ربما.. المهم أنك تصير شخص مختلف.. ثم تعود فتترافق المسارات.. حتى تصل لمرحلة لا تعلم فيها من أنت فعلًا..

وكانت المهمة الأخير هي رحلة إلى عام 1981.. إلى منصة العرض العسكري بمدينة نصر..

\* \* \*

كانت مهمة مختلفة.. بعد الإنقال الزمني دلفت إلى المبني الذي كان يتم إعطائي من خلاله الملابس والتوجيه الأساسي.. هذه المرة أعطوني ملابس لقيادة عسكرية برتبة لواء مع الهوية مع الموقع.. مع خبير تنكر أهتم بوجهي..

هذه المرة لم يكون المطلوب جمع معلومات ومراقبة كالمعتاد.. إنما كان المطلوب الحصول على حقيقة الرئيس (السادات) نفسه.. كيف سيحدث هذا؟ هناك حادث سيحدث وفقاً لمعلومات حصلوا عليها من آخرين ضمن المشروع، وأنت خلال هذا ستحصل على الحقيقة..

أجلس في المنصة خلف (السادات) بعدة صفوف.. ومررت الطائرات الفانтом.. وتوقفت أحدي سيارات الجنود.. إنه الحادث!

أنخفضت قبل أن تبدأ الحفلة.. أقيمت عدة قنابل يدوية.. مع أصوات الطلقات التي أختفت وسط أصوات الصرخات.. لا وقت هنا.. يجب أن أنفذ المهمة.. الطلقات مرة أخرى.. ومن بين الكراسي المبعثرة.. صلت وكان الرئيس (السادات) ملقى أرضاً تتسلل منه الدماء.. ويده ترتجف فوق الحقيقة..

الحقيقة هي ما أتيت لفعله.. لا تداخل مع الزمن وتفعل غير المطلوب.. كانت هذه قاعدة أساسية في اللعبة.. لأكون صريحاً لم ألتزم بهذه القاعدة دوماً وأستغلت بعض رحلاتي للمضاربة في البورصة وخرن الأموال في البنوك.. هذا ليس تدخلاً في الأحداث غير أنه محاولة للفوز بأي شيء في النهاية.. واستغلال لما أنا مستغل فيه بالفعل..

ومع حالة الهرج العامة خرجت بالحقيقة.. وعدت للقاعدة في نفس السيارة.. لم أتمكن عن رغبتي في معرفة محتويات الحقيقة.. كانت هناك أوراق تحص عدة قرارات سيادية.. وكان هناك ذلك الملف الأسود ذو الشمع الأحمر المختوم بـ-(سري جداً/رئاسة الجمهورية).. الملف كان يحتوي على أوراق تحص تجارب ومشاريع عدة تتعلق بفترة السوفيات منها المشروع الذي كنت جزءاً منه.. وكان واضحاً أن هذا هو المطلوب..

بعد أن سلمت الحقيقة أخبروني أنني سأنتقل الآن لرحلة معتادة للمراقبة، وكان هذا مخالفًا لفترة الراحة المعتادة قبل الرحلة الأخرى.. ومخالفًا أيضاً للعودة إلى فترة نقطة البداية بعد كل رحلة..

لا يهم.. أنت جندي لا يفعل غير تنفيذ الأوامر.. ورحلت لا أعلم إلى أين؟ إلى أي زمن أقصد.. ولم تكن هناك سيارة أو حراسة عندما عدت.. تجاوز الصحراء كان معتاداً في لعبتنا عندما أعود للموقع في رحلات سير تستغرق الفترة من إدبار

النهار حتى قرب هلوته.. لم يكن هذا الغريب فقط.. الغريب أيضاً أنه لم تكن هناك أي حراسة أو أحد في المبني..

تجاوزت الصحراء عارياً.. ليس إلى نهايتها ولكن إلى الموضع الذي اعتدت أن أحفر فيه سرّاً لأترك صوراً من هوياتي وأوراق أخرى قد أحتاجها والأهم الآن الملابس الاحتياطية.. جمعت المعلومات كالمعتاد.. وعندما عدت.. لم يكن هناك إلا عمود واحد مائل..

ما الذي أفعله الآن.. بالطبع لن يصدق أحد هذه القصة.. لا أهتم حقيقة فأنا أعلم ما عشت.. هل أعود لأنتأخر في مسارات الزمن.. القاعدة الوحيدة كانت لا تقرب.. ولكنني أفترضت حتى أعلم.. لاكتشاف أنني وفقاً لهذا المسار قد تزوجت جدتك وأنها أنجبت أيضاً.. وأنني أحد شهداء الحرب!

اكتفيت بالرحيل.. وأكتشفت أن مساري الجديد حمل عدد من الأصدقاء الجدد والحكايات الجديدة.. حياة جديدة كنت بدأت أناعتادها حتى رأني أحد أقاربنا في الشارع وكان هو في الأنبويس.. قفز من الأنبويس وتمسك بي، وجاء والدك.. وكان لقاونا الأول لم أعرفه ولم يعرفني.. وحاول والدك أن يعيذني لمسار مختلف.. محاولات أرهقتني أكثر مما أرهقته.. حاولت أن أفهمه ولكنه لم يفهم..

..9

\* \* \*

يسمع (شادي) خطوات يعرفها جيداً.. فilyتفت ليجد والده داخل الغرفة برأسه الصلعاء التي لا تحمل إلا الغضب.. ورائحة النيكوتين التي تقول أنه دخن عليه كاملة في الطريق..

\* \* \*

## (26)

هب (شادي) واقفًا عندما رأى والده.. بينما الجد تحول إلى وضع الـ(Silent)..  
- بابا.. أن...

أنقطعت حروف (شادي) بلطمة على وجهه..

- بابا أيه بقى!! ده أنت اللي بابا.. لما متدرس على تليفوناتي وتعمل اللي في  
دماغك بيقى أنت اللي بابا..

ثم ألتقت إلى الجد:

- وأنت عايز أيه؟ عايزه يسيبني زي ما أنت سبتنى؟ مش كفاية أنت يا أخي؟  
أنت عايز مني أيه؟ ها قولى عايز أيه؟

- يا بابا الحكاي...

- حكاية أيه؟ أنت حكتله أنهى حكاية فيهم بقى؟ حكاية الكائنات الفضائية اللي  
خطفتكم وبعدين رجعتكم؟ ولا حكاية أنك المزور اللي لف بوليس العالم على  
رجل؟ ولا حكاياتك المفضلة بتاعت السفر في الزمن وشنطة السادات؟ أوعى  
 تكون نسيت الحكاية المفضلة ليَا بتاعت إنك مجرد ظابط تاه في الصحراء وسط  
الإنسحاب في 67 اللي حصل والشمس بوظوله دماغه وخلوها متبطلش تخترع  
ذكريات كداية؟

كان الجد صامتًا لم يتغير فيه شيئاً إلا طبقة دموع رقيقة غطت عينه.. فأكمل الأب  
وهو يحاول أن يهدئ من حدة عصبيته:

- أنت كنت في حياتي زي شجرة الموز اللي أبنها لازم يموتها علشان يعرف  
يكبر.. مجرد عطلة في حياتي لازم تتشال.. بس أنا مسلتكش ولا موتك.. أنا  
حاولت معاك كتير.. حاولت معاك وأنا محتاجك وحاولت معاك وأنت محتاجني..  
إنما أنت محاولتاش تعمل حاجة غير إنك تهرب.. تهرب وتتوه وحد يرجعك ليَا.. بس  
أنا برضه هكون أحسن منك.. ومتش هرميك.. في عربية هتيجي دلوقتني من الدار  
يخدوك.. وأنت..

أشار لـ(شادي):

- وأنت مش هتشوفه تاني.. أنا وصيت الدار أنك متعديش بوابتها تاني وهما مكنوش محتاجين توصية.. لو عايز تفضل معاه خليك.. بس عليا الطلاق بالثلاثة لو مرجعتعش معايا البيت دلوقت ما أنت داخله تاني وتبقى ولا أبني ولا أعرفك..

كان إختباراً ثقيلًا أصعب من كل الإختبارات الدراسية التي مر بها (شادي) مجتمعة.. إختبار من سؤال إختيارات واحد.. إختبار أنسحق (شادي) أسفله حائرًا بين الإختيارين.. لم ينهي الحيرة إلا الجملة الوحيدة التي قالها الجد منذ دخول الآب:

- روح مع أبوك يا شادي..

\* \* \*

مرت ليلة..

الليلة لم تكن تحمل أي ضرب آخر لـ(شادي).. كان هناك أحضان من والدته وأخته ولوم ممزوج بحب عن تعبيه عن المنزل تلك الفترة دون أن يقول.. أما والده فتحولت طاقة غضبه إلى انقطاع عن الكلام معه، والتكلم عنه بصيغة المجهول.. بالإضافة إلى مراقبة كاملة لفرض عدم خروجه من المنزل أضطر والده على أثراها لأخذ أحازته السنوية، والعسكرة في البلكونة مع سجائره..

أما (شادي) فكان يجلس في غرفته ينظر للامكان.. حكاية الأب بالطبع أكثر منطقية.. ولكنها لا تستطيع أن تمحي حكاية جده بالكامل.. هل ورقة تنفيذ الأحلام وظهورها مجرد صدفة ليس أكثر؟!

قام من مكانه، وتوجه إلى المرأة يطالع نفسه.. ولاحظ تلك البقعة الحمراء في أنفه التي بدأت في الإختفاء.. تذكر سببها وأبتسسم.. وإزدات إبتسامته مع مرور ذكرياته مع جده في رأسه في رحلات سريعة..

توجه إلى الشباك.. فكر أن يتسلل منه كما قال جده أنه فعل من قبل.. ولكن الإرتفاع وعدم خبرته ينبعانه بنفسه مصير السقوط، والموت وهو لا يرد الموت الآن.. الموت.. الأحلام..

بحث في جيب الجاكيت الذي كان يرتديه بالأمس.. وأخرج ورقة الأحلام التي كان يدخلها تلك السيجارة ذات النقطة الخضراء.. فكر أن إذا شربها سيجد نفسه مع

جده مرة أخرى.. ثم تذكر كلام (سايكو) اللعين بأنها مفردة ستدخله في غيبة.. ربما سيحتاج للغيبة فيما بعد.. ترك السيجارة جانبًا وطالع ورقة الأحلام.. طالع الأحلام المتبقية.. ثم أخرج الموبايل:

- ألو.. أيوه يا حماده.. الله يسامحك يابن الوسخة.. يابني أنت مش قايلي إني باعتلك تمنها زيادة قبل اللي حصل.. معلش.. يا عم أعتبرها كانت مسروقة وأنا مرضتش أقولك.. مقولتك معلش بقى متمثلش.. المهم أستلمتها يعني؟.. طب أيه هتاخدها تاني يعني؟ لا مش هيبي باسمي باسم جدي.. آه.. المهم بس عايزك في مصلحة بالفلوس الزيادة اللي بتعهالك.. حبيبي.. بتعلم منك.. المهم بقى هو أنتو بتاجروا أوناش؟ طب تعرف حد؟

\* \* \*

في مساء يوم آخر..

يجلس الجد في غرفته.. يلعب الشطرنج وحيداً.. يفكر في الحصار الذي تفرضه عليه الدار الآن أكثر من قبل.. فالباب أصبح يغلق بالمفتاح والممرضة تأتي لتطلل عليه مرة في منتصف الليل.. كم يكره إبتسامتها المصطنعة.. وكم يكره أكثر منها شباب تلك الجمعية الخيرية الذين أتوا لزيارة الدار اليوم.. وفي لحظة بدون مقدمات قلب المنضدة للتناثر قطع الشطرنج.. ثم نظر من بين فتحات الشباك.. حتى انفتح الباب.. لابد أنها تلك الممرضة اللعينة مرة أخرى..

ألتفت لها وجهه يحمل تعbir (أنا موجود أهو.. لسه مهربتش ولا موت نفسي)..  
وعندما طالع من فتح الباب تحول تعbir وجهه إلى (أنت مين؟).. فكان الجواب:  
- أنا حمادة..

\* \* \*

الخطوة كانت من النوعية التي رفضها الجد من قبل..

(حمادة) أشتراك في جمعية (رسالة) من أجل أن يصادق البنات.. هذه حقيقة معلومة.. ولكن جاء وقت فعل بعض الخير.. سيقترح (حمادة) في جروب الفيسبوك زيارة لدار (الحضن الكبير) هؤلاء المسنين يحتاجون لزيارتانا ومد يد تشعرهم بأن آخرين يهتموا لأمرهم.. كم أنت عظيم يا (حمادة)..

وعند الدخول سيقوم بالإمضاء في خانة الحضور والإنضراف.. الخرتيت لن يلاحظ..

وأثناء الزيارة سينفصل (حمادة) عن المجموعة ويعتذر بسبب مشكلة صحية طارئة حدثت لوالده.. سينصرف ويدخل إلى أحد الحمامات حتى نهاية اليوم..

عندما تأتي الممرضة لغلق الباب سيرفض المفتاح الدخول.. ستظن أن (فرج) الغشيم قد كسر المفتاح في الباب.. أياً كان سيأتي النجار في الغد ليصلاح هذا الأمر.. إنها مجرد ليلة ليس أكثر.. لن يحدث شيء.. النجار في الغد سيكتشف خلة الأسنان التي كسرها (حمادة) في فتحة المفتاح أثناء الزيارة..

تبً.. الخطة لم تضمن أن الباب سيفتح الآن.. إنها الممرضة.. يعطيها الجد وجه (أنا موجود أهـو.. لـسـه مهـربـتـش ولا مـوتـ نـفـسي).. تتصـرفـ عـائـدةـ إـلـىـ غـرـفـتـهاـ دونـ أنـ تـلـاحـظـ (ـحـمـادـهـ)ـ الـذـيـ أـنـبـطـحـ خـلـفـ السـرـيرـ بـسـرـعـةـ..

- طب هنعمل أيه دلوقتي في الولية دي يا حجيـحـ؟

- متقلقش.. مش هتيجـيـ تـانـيـ.. هـتـخـسـ تـنـخـمـ للـصـبـحـ..

وأستـندـ عـلـىـ (ـحـمـادـهـ)..ـ حـتـىـ أـنـ بـعـضـ الـخـطـوـاتـ كـانـ تـحـتـاجـ أـنـ يـحـمـلـهـ (ـحـمـادـهـ)..ـ كـمـ أـنـتـ عـظـيمـ ياـ حـمـادـهـ..

وفي البقعة المظلمة المتفق عليها كان الكرسي المتحرك ملقى.. والونش الموجود في الناحية الأخرى من السور يتدلـىـ من شوكـيـتهـ حـبـلـينـ غـلـيـظـينـ،ـ وفيـ الـونـشـ كـانـ يـجـلسـ (ـشـادـيـ)..

كيف خرج (شادي) من المنزل؟ هو يعرف خطوات والده ويعرف صوت باب الحمام.. ويعرف عليه سجائره.. ويعرف كيف يخفـيـ منهمـ عـدـةـ سـجـائـرـ بـحـيـثـ يـبـقـيـ فيهاـ عـدـدـ أـقـلـ..ـ عـدـدـ أـقـلـ يـكـفـيـ الـوقـتـ المـسـمـوحـ لـأنـ يـفـرـغـ قـلـيلـاـ مـنـ تـبـغـهـ وـيـسـتـبـدـلـهـمـ بـعـضـ مـنـ تـبـغـ سـيـجـارـةـ (ـغـيـابـةـ)ـ المـفـرـطـ فـيـ يـدـهـ..ـ وـيـعـرـفـ كـيـفـ يـتـوـجـهـ لـلـمـطـبـخـ ليـتـصـنـعـ الشـرـبـ عـنـدـمـاـ يـخـرـجـ وـالـدـهـ الـذـيـ إـنـتـهـىـ مـصـيـرـهـ نـائـمـاـ مـسـتـنـدـاـ عـلـىـ سـورـ الـبـلـكـوـنـةـ يـنـسـالـ لـعـابـهـ مـنـ جـانـبـ فـمـهـ..

يرفع (شادي) الونش لأعلى مع توجيه (حمادة) للكرسي، وتوجهه (شادي) عن طريق مكالمة مستمرة بينهم.. يتم الهبوط بسلام.. يحتضن (شادي) جده ولأول مرة لا يدفعه ويبادله الحضن.. فيقول (حمادة) قاطعاً اللحظة:

- كـفـاـيـةـ ياـ جـمـاعـةـ عـلـشـانـ دـمـعـتـيـ قـرـيـةـ..

ثم أكمل:

- أظن كده خالصين يا عم.. هات الونش ده أنا هرجعه، وخد مفاتيح عربيتك..  
وهات بطاقتك وتعلالي بكرة نمضي العقد قبل ما تعمل بيها مصيبة تانية..

- يابني قولتلك العقد باسم جدي..

- أبقى قوله أنت اللي قولتهولي يا حجيج.. عالم مش وش نعمة.. وسع كده يا  
عم وسع..

وركب (حمادة) الونش.. وركبت الأحلام رحلتها النهاية..

أما (هالة) في الغد فستنزع أول خصلة من شعرها منذ سنوات..

\* \* \*

## (27)

### اليوم العالمي لتحقيق الأحلام (نسخة الفيوم/أكتوبر)

تزامن وصول الشمس من رحلتها اليومية مع وصولهم إلى تلك الاراضي القادمة من قبل التاريخ.. إنها الأرضي التي عبّدت تماسikh بحيراتها، وزرعتها النبي (يوسف)، وشهدت إنتقال الحضارات..

إنها البلاد التي لم تعرف إلا التنوع.. تنوع أراضيها تنوع حضارتها وتنوع دياتتها وتنوع أنشطة سكانها.. تنوع يكمل أحجزائها فحافظت على نفسها من الإنهايار في حرب مع الزمن مستمرة من ملايين السنين..

تحول الصحاري البعيدة إلى الأخضر ثم تعود مرة أخرى للأصفر قبل أن يصل إلى وجهتهم، وبدأ (شادي) يتحول لمرشد سياحي بفضل ويكيبيديا.. مرشد سياحي لفوج مكون من فرد واحد:

- البحيرة اللي قادمنا دي زي ما حضراتكو شاييفين إنها مليانة مایه صافية.. المایه اللي هنا موجودة طول السنة وعلى طول بتتحرك.. رغم زي ما إحنا شاييفين برضه الجبال حواليه من كل مكان.. وعلشان كده أتسمت بالبحيرة السحرية.. ننتقل للمكان اللي بعده..

#### ”بحلم بحضور عرض سحري حقيقي“

بعد رحلة ليست طويلة تمر السيارة فوق طريق رملي.. يعود (شادي) ويستكمل:

- المكان اللي إحنا فيه حالياً ده كان جزء من بحر في يوم من الأيام.. البحر ده لما نشف ظهرت مصر.. لكن المكان ده أهميته في إنه فيه أقدم حفريات في العالم.. حفريات لحيتان زي ما إحنا شاييفين وسلامف وشجر بيرجعوا لحوالي 40 مليون سنة.. الحفريات دي كمان بتظهر الفترة اللي الحيتان بدأت تتحول فيها لكائنات بحرية بس بعد ما كائنات برمائية بتطلع تتمشى برة كمان.. ياريت الفوج السياحي ميقلبس وشه.. ونحترم المكان اللي يعتبر تقريباً نقطة بداية وتحول في شكل الحياة.. ويلا علشان هتنقل لمكان ثاني..

#### ”بحلم أن أعود إلى نقطة البداية“

على كتل الصخر في منطقة (قصور العرب) تظهور خطوطاً تحتها الرمال.. وعلى الرمال خطوطاً تحتها الهواء وزلاجات الزوار المتزلجين على الرمال..

يجلس الجد على الزلاجة.. ويناوله (شادي) حبلاً متصل بمقعدة الزلاجة وهو يقول:

- خليك شادد ده.. بس متتشدش على أيدك اللي واجعاك.. إحنا محتاجين سلامتك..

- واضح يا وسخ..

وأخرج (شادي) الورقة وبدأ يشطب وهو يفك من الممکن التجاوز عن فكرة الجليد:

”بحلم بالتزلح على جبل جليدي“

ثم جرى بسرعة للأسفل ليلحق بجده الذي سقط عن الزلاجة..

يستكمل (شادي) الإرشاد بعد أن عادا للسيارة:

- لو بصينا على يمينا هنلاقي صخور سوداء ودي أجزاء من أول طريق مرصوف في العالم واللي عمله الفراعنة.. محطتنا الجادة هي شلالات وادي الريان.. الشلالات دائمًا بتعتبر عن الحب وأستاذ أحمد السقا أثبت ده في فيلم أفريكانو.. ومراعة للظروف الصحية للفوج السياحي مش هنط من فوق الشلال.. وهنعمل حاجة تانية..

في قارب مطاطي صغير يجلس الجد.. (شادي) من خلفه يدفع القارب عابرًا بالبحيرة السفلية.. ثم يحاول أن يحمي جده من الماء وهمما يعبروا أسفل الشلال إلى رحمة..

مرت لحظات ثم أنتفت الجد إلى (شادي) من بين أصوات إنهيار الماء القريبة..

- أيوه يعني وبعدين؟

- لا هو كده خلاص..

”بحلم أن أدخل إلى مملكة الحب“

في طريق الفيوم الصحراوي.. فتح الجد صندوق حكاياته:

- تسمع عن واحة زرزورة؟! أتسمت كده على اسم طائر الزرزور.. متضحكش يا وسخ هو اسمه كده.. الواحة دي عبارة عن تجويف في جبل ضخم.. الجبل ده من الطيارة واحد شكل الطائر.. بس ده مش الشبه الوحيد.. الشبه الثاني إن الواحة دي بتعرف تهرب وتنقل من مكان للثاني.. إنما بتختلف عنه في إنها بتحب العزلة.. عين الطائر بتطل على بحيرة وهي المكان الوحيد اللي ممكن تدخل منه للواحة.. كتير دوروا على الواحة دي ومحدثش وصل.. في ناس أشتغلوا نفسهم وقالوا على واحات تانية إنها واحة زرزورة وإنهم لقوها.. طب فين الكنز؟ يسكتوا.. واحة زرزورة مليانة كنوز ده كلام الناس بتقوله لبعض من زمان.. اللي أقدر أكده إن الواحة فعلًا فيها كنز بس أبقى كداب لو قولت إني أعرف هو أيه.. بعد كذا محاولة بالطيارة لقينا الواحة كانت قرب الفيوم.. أنا نطيت من الطيارة الشراعية ودخلت الواحة ببارشوت.. أهلها ضايفوني 3 أيام.. عرفت فيهم إنهم عايشين فيها من يوم ما أتولدوا وإنهم باقيين لحد ما تحل البشارة ويظهر الرجل اللي هيخرجهم منها علشان كنzechم هينقد العالم بعد إنهياره.. هما فهموا الأول إن أنا البشرى.. راجل نازل من السماء يبقى أكيد المنتظر.. ولما ملقوش عندي الإجابة.. أكتشفت إني واقف وسط الصحراء لوحدي وكل حاجة اختفت.. لما كررنا المحاولة ملقيناش للواحة أي أثر.. وأكيد لغاية النهاردة هتلaci في في ناس بتدور ع الواحة والكنز..

كان (شادي) يستمع لجده بإهتمام حقيقي.. ثم عقب:

- مش مهم يا جدو الكنز.. مش بيقال إن الكنز في الرحلة..

- لأ.. الكنز في حنة تانية يا وسخ..

\* \* \*

## (28)

أكتوبر-20 كيلو..

في تكملة طريق العودة كان الجد سارحاً. حين تدخل (شادي) :

- مالك يا جدو؟ سرحان في أية؟

- حاسس دلوقتي إن أنا أنااني.. وإنني هعملك مشاكل مع أبوك ع الفاضي..

- ع الفاضي!! وبعدين يا جدو أنا مش عيل صغير وعارف بعمل أية.. مش ده كلامك!! وكمان متقلقش من أبويا هو مش هيتفوق دلوقت من الغيبة.. والدار أنا هرجعلك ليهم وأتخانق معاهم إن أنت إزاي خرجت لوحدك الشارع وجيت عند البيت وأنت مينفعش تخرج لوحدك..

- هتطلعني مجنون يا وسخ زي ما أبوك بيقول..

- عديها يا جدو.. عديها.. يمكن حكاية أبويا منطقية أكثر وواضحة أكثر ومش ناقصة قد حكاياتك بس أنت حكاياتك أحلى بكثير..

- يعني أنت شايفني مجنون برضه؟

- مش قصدي والله..

- ومينفعش تيجي في بالك حتى يا وسخ..

كان (شادي) يريد أن يوضح كلامه أكثر.. ولكن الجد أستمر:

- مينفعش حكاية جدك تكون نهايتها أنه مجنون عنده شوية تخيلات.. ولا إنك تروح تدور على فصل الرواية اللي بدأها وتكمله، ولا حتى تكتب اللي حصلنا في رواية أو فيلم.. أو تنهيها نهاية عميقه وترجع أسكندرية وتقف ع الشط وتبدأ تدخل في البحر.. مش أنا اللي نهاية حكايته تبقى كده..

- حاضر.. أنا عايز أنا بقى أحكي لك حكاية.. أنا عارف إن أنت كنت عايز تتحر ساعة الشباك.. موقعتش زي ما قولتلي.. مفيش مبرر إن حد يكتب كلمة "النهاية" على ورقة قبل ما يقع.. غير إنه حد قرر يحط نهاية لحكايتها.. غير حالتك قبلها وبعدها

وإنك كنت رافض تتكلم مع أي حد.. بس ده مش مهم دلوقتي.. المهم إنني بعد بشوية كده عرفت الحالة اللي أنت كنت فيها كويسي.. وعارف إنك كنت دائمًا محتاج ناس حواليك يحسسوك إنك مهم ليهم مهما كنت بتبيّن العكس.. وأنت كنت مهم ليها.. عرفت إزاى بقى عشان ده..

قالها (شادي) وهو ينزع تلك الحطاطة عن يده اليسرى ليظهر أثر جرح قطعي:

- مش عارف أنت خدت بالك ولا لا.. بس الحطاطة في العادي بتلبس في اليمين وأنا كنت بلبسها في أيدي الشمال علىشان أخبي بيها الجرح ده.. كانت محاولة إنتشار فاشلة مكنتش عندي الشجاعة إني عملتها فعلًا.. أنت قولتلي قبل كده إن الإنتشار اللي مش لاقين حاجة يقاوموا علىشانها أو زهقو من المقاومة.. أنا أصلًا مكنتش عارف أيه اللي يستحق إن الواحد يقاوم عشانه.. أطن دلوقتي إنني عرفت إن الحياة نفسها تستحق المقاومة..

- أنت بتعلي عليا يعني؟

ضحك (شادي) صحكة قصيرة:

- بحاول يا جدو.. قصدي يعني إن أنا كنت محتاجك زي ما أنت كنت محتاجني.. أحلامك دي بقت بطريقة كده أحلامي أنا كمان..

- وكلمة النهاية بطريقة كده مش يمكن يكون المقصود بيها نهاية فصل مش أكثر..

\* \* \*

القرية الكونية (كوزموس)..

المكان من الطائرة يبدو كخربيطة مصر بحريرها وبالدلتا التي ينسال منها النيل منتصفًا إياها.. كان ميعاد غلق القرية قريباً وتوقفت الرحلات المائية.. ربع ساعة تتبعى فقط.. ربع ساعة كافية جدًا لأن يؤخذ (شادي) جده بكرسيه المتحرك ليりبه القرية.. القرية تحتوى على مصغرات ضخمة لأغلب الأماكن الأثرية في مصر.. وعند مجسم قلعة قايتباي كانا يقفان.. فقال (شادي) عائداً لدور المرشد السياحي:

- شوف يا جدو من هنا.. ممكن تشوف الأهرامات وأبو الهول وقلعة صلاح الدين ولو بصيت هنا هتلacci معابد الأقصر وأسوان والسد العالي.. يعني أنت في مصر كلها في نفس الوقت..

- ما كفاية يا عم زاهي حوس..  
- أنا آسف..

قالها (شادي) وهو يخرج الورقة:  
“بحلم أكون في عدة أماكن في نفس الوقت”  
ووانطلقا إلى المحطة التالية..

\* \* \*

عاد (شادي) إلى السيارة يحمل تذاكر (دريم بارك) وعلى وجهه إبتسامة أكبر من الطابور الذي مر به منذ قليل:

- أنا جيت التذاكر.. إيه ده أنت لقيت موبايلك؟  
كان الجد يمسك الموبايل اللذين أشتراه قبل الخروج من إسكندرية..  
- آه.. كل حاجة موجودة..

قال (شادي) وهو ينظر لشفرة الحلقة ملقة في جانب:  
- وأيه ده؟  
- أنا اللي المفروض أسألك مش أنت خبرة في الأمواس..  
- هو غالباً حمادة بقى بيسيطر بودرة.. وبعدين يا جدو أنا عملتها بكتتر.. هي ورقة الأحلام فين؟

- معرفش.. هتلaciها زي ماسيتها..  
أخذ (شادي) الورقة.. وعاد ليدفع كرسي الجد.. وهو يقول:

- الكرسي ده هنستغله أحسن إستغلال.. أنا عرفت إن مفيش طابور للـ...  
لم يكمل فأكمل الجد:

- للمعاقيين يعني متقولها متتكش.. وهنحتاج الكرسي في أيه ما أنت كفاية؟!

ضحك (شادي) وهو يقول:

- مashi يا جدو..

توقفا بالقرب من لعبة (الصاروخ) مروّا بـ(الإعصار) والـ(تورنيدو) وغيرهم.. فمال (شادي) على جده:

- أيه أكثر لعبة من دول مخوفاك؟

فقال الجد وهو يصطنع الثقة:

- هو أنت تعرف عن جدك إنه بيحاف..

ثم توجه بنظره ناحية قطار الموت.. كان صوت مرور القطار على القضايان يذكره بصوت لم يكره مثله..

الأزيز...

كان (شادي) ينوي تكرار السؤال حين أحب الجد قبله وهو يشير برأسه تجاه (قطار الموت) :

- ممكن ده..

-يلا بينا.. أستناني هنا هجيب حاجة وأرجعلك..

غاب (شادي) قليلاً وعاد يحمل القناع من فيلم (Scream)..

- بص يا جدو.. أنت هتلبس القناع ده وأنت اللي هترقني.. علشان لو عندهم مشاكل مع كبار السن ولا حاجة..

- تصدق أنت كبرتلي حاجة تانية غير السن.. خلص..

كان الجد يستند على الكرسي مدعياً الدفع.. وفتح لهم العامل على اللعبة بوابة أخرى.. وتسند (شادي) على الجد وإن كانت الأدوار متبادلة.. حتى جلسا، وبعدما مر العامل الذي يطمئن على إغلاق الأجزاء.. نزع الجد القناع.. أخرج من جيبيه ورقة لكرز (شادي) لكي يلاحظه فاذرع القطار كانت تحول الرؤية المباشرة..

- أيه الورقة دي؟

- لما ننزل هقولك..

بدأ القطار في الصعود.. فأكمل الجد:

- عارف يا شادي.. سيبك من موضوع أنك وسخ يعني.. بس أنا أتبسطت بالرحلة دي..

- وأنا ك....

- (مقاطعاً) سيبني أكمل بس.. فاكر لما سألك لو أنت شخصية في رواية هتبقى مين.. أنا مقولتش بقى أنا هبقى مين.. أنا كنت هكون كل شخصيات الرواية..

- يعني أيه؟

- دي حاجة ملهاش معنى محدد واللي تفهمه منها بيقى صح.. ممكن أصلًا ميكونش ليها معنى..

قبل أن يجد (شادي) فرصة لقول جملة أخرى كان القطار قد بدأ الهبوط بسرعة منطلقاً، ووانطلقت الصرخات معه..

عندما بدأ القطار في التوقف.. قال (شادي) لجده:

- أيه رأيك بقى يا جدو؟؟ أستنى بس قبل ما ترد..

قالها وهو يخرج الورقة ويشطب..

“بحلم أن أتحدى أكبر مخاوفي”

كان يقولها وهو يعلم أن الجد سيرد أياً كان بجملة تنتهي بـ(يا وسخ).. ولكن الجد لم يرد.. وكان لا يستطيع أن يراه.. فنادى:

- جدو!

لكره..

- جدو!!

توقف القطار ورفعت الأذرعة.. وكان الجد مغمضًا قرير العين يهزه (شادي) برفق  
ثم بخشونة..

- جدو متهرش!! جدو!! جدو!!

ثم يصرخ:

- جدوووو...  
في نهاية اليوم سيعلم (شادي) أنا ما كتب بالورقة التي أعطاها الجد له هي  
كلمة (النهاية)..

\* \* \*

## (29)

مدافن العمود..

(شادي) لا يهتم..

لا يهتم بـ(عب وارت) التربى الذى ظهر فجأة بورقة تحمل وصية الجد بأن يدفن في أسكندرية وأن يتولى (عب وارت) ذلك.. لا يهتم بكيف عرف (عب وارت) بأمر الوفاة وجاء في الموعده.. (عب وارت) يقول بلهجته الصعيدية:

- الميت بيحس قبل أجله بأربعين يوم.. والوصية واجبة دي أمر الله.. هو جالي وهو عارف.. وإننا إلى الله راجعون..

لا يهتم بمن دعاهم (عب وارت) وفقاً للوصية.. هل كان من الحضور أشخاصاً قابلوهم في رحلتهم أو قابلهم الجد في حكاياته؟ هل كان القبر المجارو تماماً مكتوب عليه (كاريمان)؟ لم يهتم..

هل كان الحزن بادياً على وجه والده؟ لم يكن مهم أيضاً.. لا يهتم إلا بالقبر الذي يقف أمامه.. لا يهتم إلا بأن يحاول أن يخترق عينيه جدار القبر ليرى وجه جده مجدداً.. لا يهتم بدموعه التي أغرفت وجهه..

لم يخرج من تلك الحالة الأحادية إلا بدخول فرقة السيرك الأوروبي بالأسكندرية.. بأسودها بشعابينها بساحرها بمهرجيها بلاعبو الأكروبات.. اللذين دعاهم (عب وارت) ليقدما فقرة هنا وفقاً للفقرة الأخيرة في الوصية..

وإن لم يشرح الجد المعنى إلا أن المعنى كان واضحاً لـ(شادي) الميت لا يشعر بالحزن وهو يريدها أن تكون مثله.. فقرة السيرك وإن لم يستشغفها الحضور في البدء ولم تستشغفها الفرقة إلا بعد المبلغ الذي تركه الجد لهم.. إلا أنها بعد دقائق جذبت الإهتمام.. وبدت الحزن.. وفعلت ما أراده الجد تماماً..

وحده يجلس (شادي) بمشاعر مختلطة الآن.. ما بين الحزن والفرح والغضب والهدوء.. أنسن بالقرب من القبر ينتوي أن يدفن ورقة الأحلام وورقة النهاية بحوار القبر.. عندما تذكر ذلك الحلم الأول.. وجه نظره إلى الحضور الذي جذب السيرك أنظاره بغير إهتمام ثم عاد إلى الحلم الأول الذي أصبح الأخير..

**”بحلم أن يكون حولي كل من أحجهم ويحبونني“**

نظر للورقة التي كانت كل واحد من أحلامها الآن يمتلك خطًّا.. هل كانت النبوة حقيقة لهذا الحد؟ لم يكن أيضاً يهتم..

أخذ نفساً قصيراً من أنفه عسى أن يمنحه بعض التماسك.. وصنع بيديه حفرة قصيرة.. حين تسللت لأنفه تلك الرائحة النفاذة، ورمت يد صاحبها على كتفه، وسقطت ورقة مثنية على بعضها أمامه.. لم يهتم في البداية.. ثم تنبه لشكل الورقة! أمسكتها ونظر خلفه فلم يجد أي شخص قريب منه.. لكن أثر الرائحة لازال موجوداً!

الإهتمام يعود بقوة..

يقف.. يلتفت يبحث بنظره.. يبتعد عن الجمع ويخرج للطرقات التي تمر بين المقابر.. لا أحد.. لا هناك ذلك الشخص على طريق مواري.. شخص متذر في رداء أسود يغطيه بالكامل.. ويحمل شمسية سوداء.. الشخص يمشي متراجلاً.. وشادي يواكب ذلك التعجل.. تأتي مقبرة تحجب الرؤية ثم يراها.. يحاول أن يتبع وجهه ولكن الشال الأسود المتذللي على رأسه يمنع ذلك.. الطريق الذي يقطع الطريقين يقترب.. يسرع (شادي) من خطواته.. ولكن الشخص غير موجود إنما فقط سيارة يعلمهها جيداً.. سيارة فولكس قديمة.. يحاول أن يلحق بالسيارة التي وانطلقت.. ولكنه لم يلحق إلا بأرقامها وسط الغبار..

**حل 100**

تذكر (شادي) شيئاً جعله يفتح ورقة أحلام جده التي لازالت في يده.. يعود إلى الحلم المائة.. كلام لا معنى له مشطوب.. كلام مكتوب على ملصق أبيض يمكن نزعه يعرفه جيداً.. ينزعه ليجد أسفله حلم مكتوب مكان آخر تمت إزالته بشفرة حلقة.. حلم كتب فيه..

**”بحلم ألا تنتظر مثلي من يأتي ليحقق لك أحلامك“**

\* \* \*

## (100)

مرت شهور.. وجاء شهر رمضان وكان يوم عرض حلقة جديدة من برنامج (داعش) ومش داعش) حلقة عرفنها (شادي) عندما أبتدت.. كان قد أخبر أهله بجزء من رحلته مع جده منها هذا الجزء.. كانوا يضحكون حتى والده.. إبتسام وتركم ودلف إلى غرفته وتلك المشاعر المختلطة تعود إليه..

أخرج ورقة خبأها منذ فترة وقد علم ما تحتويه.. لم يكن يشعر أن وقت ملأها قد حان بعد، ويشعر الآن أنها تناديه.. جلس إلى المكتب وفتح الورقة المثنية على بعضها.. مليئ صدره بالهواه وبدأ يكتب..

ورقة تنفيذ أحلام {

بِحَلْمٍ

55

أعلم الآن تماماً أنّ كا ، ما مرتنا به لم يكن حلمًا.

بما يكون ما مرتنا به لم يكن إلا حلمًا بالنسبة لجدي أما أنا فلا..

ها . كان موته حلمًا؟ لا أعلم.. لكن، لم يعد موجود الآن..

اختار، النهاية التي ، تتصبّه لحكايتها. حتى . وإن لم أكن أقبلها تماماً.

٦٥- فهمت تلک الزهاریّة، بِمَا لَبَسَ يَشْكُرُ كَافِرًا... وَكَذَّابًا وَتَكَنَّ زَهَاریّة، أَنْ

نهايته، له تأته، بعد.. وحكايتها، بما لم تبدأ بعد.

أولاً: العناية بالآباء والآمنة، حيث أن أنتي مسؤولة عن الكتابة

جامعة الملك عبد الله

“ä, | o . ||”

## عن الكاتب

محمد جلال.. مصري من مواليد أكتوبر 1989.. حاصل على بكالوريوس في هندسة الطيران..

شارك في كتابة العديد من البرامج آخرها (الليلة دي)، (أسعد الله مساءكم)..

### صدر له سابقاً:

• سِفر التحليق 2015

• الكتاب الأصفر 2014

• أربعة 2011

<https://www.facebook.com/M0hamed.galal>

جميع حقوق الطبع والنشر محفوظة للناشر



**noon\_publishing@yahoo.com  
0235860372 - 01127772007**

# 100 حالم قبل الموت

Karim Adam  
KARIM ADAM DESIGNS

الموت يقترب منك الآن..

أنت تعلم هذا وتشعر به.. لكن الأمور ليست بهذه السوء..

فهناك أمر لا تعلمه..

هناك فرصة أخيرة..

فرصتك ستمنحك تذكرة لرحلة أخيرة تحقق فيها 100 من

أحلامك قبل الموت.. خذ وقتك في التفكير..

لكن العد التنازلي لوقت إنطلاق الرحلة قد بدأ اللتو..

